


— শুচি-শুদ্ধ সজীব পল্লী-চিত্র —

# পল্লী-লক্ষ্মী

‘এসো সোনার বরণী রাণী গো, শঙ্খ-কমল করে,  
এসো মা লক্ষ্মী, ব’সো মা লক্ষ্মী, থাকো মা লক্ষ্মী ঘরে।’



চতুর্থ সংস্করণ

১৩৬৪

কাব্যানন্দ—

রাখালদাস বন্দ্যোপাধ্যায়

১, এক টাকা

সর্বভাষা ও আলোক-চিত্রাভিনয়-বহু প্রকাশকের।

— প্রকাশক —  
শ্রীগোষ্ঠবিহারী দত্ত  
শ্রীশরৎচন্দ্র পাল

কমলিনী-সাহিত্য-মন্দির পরিচালিত  
নির্মল-সাহিত্য-দীপ  
৯, কর্ণওয়ালিস স্ট্রীট, (ঠাণ্ডনে কালীতলা)  
কলিকাতা।

— বর্তমান সংখ্যার নূতন উপন্যাস —  
গোলাপ-গন্ধামোদিত-উপন্যাস-সাহিত্যের—নূতন ধারা

## অঙ্কলক্ষ্মী

‘গোলাপ সুন্দরতম, ফুটো-ফুটে! করে যবে দীর্বে,  
আশা সমুজ্জলতম, ভীতি হ’তে মুক্তি যবে তাব ;  
গোলাপ মধুরতম, দিক্ত যবে প্রভাত-শিশিরে ;  
প্রেমিকা সুন্দরীতমা, নেত্রে যবে ঝরে অশ্রুধার !

ধন্য গ্রন্থকার!—ধন্য সুবিচার!—  
কোশলের বাকী কোথা আর ?

প্রতি পত্রাঙ্কে—প্রত্যেক রেখাপাতে—আগ্নেয়গিরির অগ্ন্যাংপাৎ।

— অঙ্ক-লক্ষ্মী —


এ বৎসরে প্রকাশিত ১,০০০ উপন্যাস অপেক্ষা শ্রেষ্ঠ !

ইহাতেই আছে, বামিনীবাবুর চিত্তচমকপ্রদ চিত্র-বৈচিত্র্যের বর্ণ-বৈশিষ্ট্য।


কলিকাতা।

৯ নং শিবনারায়ণ দাস লেন,  
নিউ আর্চ মিশন প্রেস  
শ্রী প্রসন্নকুমার পাল দ্বারা মুদ্রিত।

# ସୀତି ଉପହାର



କ୍ଷ



বন্ধুর বো !

বন্ধুর বো !

সাহিত্য-সংসারে যত রকম বো আছে, তাহার মধ্যে

বন্ধুর বো-টি কি সুন্দর !

ইহার চাল-চলন গড়ন-পিটন, হাব-ভাব, কার্যকলাপ—

সবেরই যেন কেমন একটা নতুন বাহার !

দেখুন দেখি, মুখখানি কি চমৎকার !

নববিবাহিতদিগের মধ্যে যিনি যত রূপসী বধুই গৃহে  
আনিয়া থাকুন না কেন, তুলনায়, এ বিয়ের বাজারে

বন্ধুর বোটিই সবার উপর টেকা ।

এমন রূপে লক্ষ্মী, 'গুণেশ্বরশ্রী বো';—ওঃ, বন্ধুর কি জোর বরাত ভাই  
এবার 'বন্ধুর' বো'র সমালোচনায়—বাকুব-মহলে একটা

অনাবিল আনন্দ-প্রবাহ ছুটিবে !

'কমলিনী'র বিজয়-বৈজয়ন্তী

এ বৎসরের উপহারের শ্রেষ্ঠ উপন্যাস

উপন্যাস-সম্রাটের প্রধান সদস্য—প্রথম শ্রেণীর ঔপন্যাসিক—

শ্রীযুক্ত ফণীন্দ্রনাথ পাল বি-এ প্রণীত

# বন্ধুর বো

নব চিত্রমণ্ডিত হইয়া সপ্তম সংস্করণ প্রকাশিত হইয়াছে

আপনাদের 'বো' দেখিবার নিমন্ত্রণ রহিল,

সৌকিকতা গ্রহণে সক্ষম জানিবেন !





N. Doss

# পল্লী-লক্ষ্মী

( ধর্ম-উপন্যাস )

## প্রথম পরিচ্ছেদ

গোপাল এক মনে অনেকক্ষণ গীতা পাঠ করিল, পড়িতে পড়িতে গোলমাল বোধ হইল। সে আপন মনে কহিল, 'ভগবানের কথায় তো ভ্রম বিরুদ্ধবাদ থাকবে না; গীতায় যে আগা গোড়া বিরুদ্ধ কথা।' এই বলিয়া গোপাল অনেকক্ষণ নীরবে ভাবিল— আবার একমনে গীতা পড়িতে লাগিল—গীতা ছাড়িয়া আবার ভাবিতে লাগিল। সে একবার পড়ে—একবার ভাবে, আবার পড়ে—আবার ভাবে। অবশেষে উচ্চকণ্ঠে কহিল, 'না, এ কিছু বুঝবার যো নাই। এই কি ভগবানের বাক্য! তাই তো, এতে ধর্মের কথা তো কিছুই বুঝলেম না। মানব-জীবনে ধর্মটা যদি না বুঝলেম তবে আর বুঝলেম কি, আর জীবনটাই বা কেন ?

মানব-জীবনে আর কীট পতঙ্গের জীবনে প্রভেদ রইল কি ?  
একটু পরে প্রবোধ আসিয়া কহিল, 'এতো ভাবছ কি ? ধর্মের  
কথা ভেবে ভেবে তুমি দেখছি মাথা খারাপ করে ফেলবে ।'

গোপাল হাসিয়া কহিল, 'ধর্মের কথা ভাবলে যে মাথা  
খারাপ হয়, সে মাথায় দরকার কি ! ধর্মের কথা ভাববার জগুই  
তো মানুষের মাথা ।'

প্রবোধ কহিল, 'পরমহংসদেব তাই বলতেন । আর পণ্ডিত  
শাস্ত্রী ঠিক ঐ উত্তরই দিয়েছিলেন । শাস্ত্রী বলেন—ভগবানের  
কথা বেশী ভাবলে মাথা খারাপ হয় ।'

গোপাল কহিল, 'তা হয় হোক । সার সত্য ছেড়ে অসার  
অসত্য ভাবতে পারি না ।'

প্রবোধ সদর্পে কহিল, 'যদি ভগবানকে সার সত্য  
বলে বুঝে থাক, তবে তাঁর তৈরি সংসার-সমাজকেও সার  
সত্য বলে ধরো না কেন ? সে শুনো তো প্রত্যক্ষ !  
প্রত্যক্ষকে ধরে কাজ করে যাও ।'

গোপাল কহিল, 'কোমট তাই ধরে পঞ্জিটিভিজমের  
প্রকাণ্ড অট্টালিকা গাঁথতে চেষ্টা করেছিলেন । শেষটা  
ভেঙে পড়ে গেল ।'

প্রবোধ...ভাঙলো কেন ?

গোপাল...বনেদ কাঁচা ছিল বলে । গোড়ায় ভগবানকে  
না ধরলে, কিছু গাঁথা যায় না ।

প্রবোধ...প্রকৃতিকে ধরেই ধর্মের সিঁড়িতে উঠতে হয়,

সোল এজেন্ট—কমলিনী-সাহিত্য-মন্দির



আমাদের পক্ষে এখন সেইটাই পথ। দেশ-মাতৃকাই এখন আমাদের প্রকৃতি—জননী জগদ্ধাত্রী।

গোপাল...কেবল কাব্য-কথার প্রাণ ঠাণ্ডা হয়, মাথা মানতে চায় না।

প্রবোধ...মাথা প্রাণকে জোর করে মানিয়ে নিতে হবে।

দেহের জড়তা ভাঙ্গিয়া গোপাল কহিল, 'দেখা যাক্। তুমি তো একজন বড় ডাক্তার; তোমার হাতে পড়িছি কোথায় গিয়ে দাড়াই। তুমি ক'লকাতা যাচ্ছ কবে?'

প্রবোধ...আজই, একটু পরেই। উঠি, আমার বেলা হ'লো। চিঠি লিখলে জবাব দিও। ছেলেগুলোকে নিয়ে, পুকুরটা যাতে পরিষ্কার হয় তার বিশেষ চেষ্টা ক'রো, পচা পাতা আর পানায় পুরে আছে—ঐটাই গায়ে ম্যালেরিয়ার গোড়া।

গোপাল কহিল, 'গাঁ ত' মরেই গেছে আর ম্যালেরিয়ার করবে কি?'

প্রবোধ...না না, এখনও গ্রামটা সম্পূর্ণ মরেনি, এখনও চেষ্টা করে বাঁচতে পারে। গা বাঁচাতে গেলে আগে ম্যালেরিয়াকে তাড়াতে হবে—কেরোসিনে মশার বনেদ মারতে হবে।

গোপাল...ও থিওরিটা আমার বড় ভাল লাগে না।

প্রবোধ উঠিয়া কহিল, 'যাক্, সে তর্কের সময় এখন আমার নেই দাদা, আমি চ'ল্লম। বৌদিদিকে আমার নমস্কার দিও, ব'লো, তাড়াতাড়িতে এবারে তাঁর পায়ে ধুয়ো নিতে পাল্লম না।'

নিদাঘের নবীন নীরদের গায় শান্তি-বারি বক্ষে করিয়া  
মৃদু-মধুর হাস্যময়ী নয়নবো আসিয়া উভয়ের সম্মুখে দাড়াইল।  
প্রবোধ তাড়াতাড়ি বৌদিদির পায়ের ধূলা লইয়া মাথায় দিল।

নয়নবো ব্যস্তভাবে প্রবোধকে বাধা দিয়া বাগ্নকণ্ঠে কহিল,  
'প্রকি, প্রকি ঠাকুরপো, আমার পায়ের ধূলা তুমি নেবে !'

প্রবোধ অক্ষুট স্বরে কহিল, 'তোমার মত সতী শাবিত্রীর  
পায়ের ধূলায় ধরা ধন্য হয়, আমি তো কোন ছার !' প্রকাশে  
কহিল, 'শুধু পায়ের ধূলায় তো পেট ভরবে না, ঘরে খাবার কিছু  
আছে তো নাও, অনেকদিন তোমার হাতে কিছু খাইনি। না মবে  
অবধি তোমার হাতে ছাড়া মিষ্টি জিনিষ আর ছুনিয়ায় কোথাও  
খাইনি বৌদি।' মনে মনে কহিল, 'সত্যই তুমি অমৃতময়ী—  
অমৃত-রূপিণী। যেমন দেবতা—তেমন দেবী। মণি-কাঞ্চন  
সংযোগ—হরগোরী মিলন। ধন্য গোপালদা, ধন্য তোমার  
কীৰ্তন ! আর ধন্য তুমি দেবী, ধন্য তোমার ধরায় অবতরণ।'

নয়ন কহিল, 'ঠাকুরপো, আমার রান্না হয়েছে, শীগ্গির  
স্নান করে দু'টো খেয়ে যাও। অনেকদিন তোমাদের দুই  
ভাইকে একসঙ্গে খাওয়াইনি। তবে তরকারি-পাতা তেমন  
নেই লাই, দেখছ-ইতো গায়ের দশা। কিছু কি কিনবার যো  
আছে আর।'

গোপাল সহাস্তে কহিল, 'তুমি স্বয়ং লক্ষ্মী ঠাকুরগণ থাকতে  
গায়ের দশা যে কেন এমন হলো বৌদি, কিছুই বুঝতে পারি না।  
সবই আমাদের ভাগ্য।'

নয়নবৌ ভীতকণ্ঠে কহিল, 'তাইতো ঠাকুরপো. লোকপুর এমন সোনার গাঁ, পৃথিবীর মধ্যে যেন ইন্দ্রপুরী, তার এমন দশা! বেশী দিনের কথা নয়—পাঁচ সাত বছরের মধ্যে কেন এমন হলো ঠাকুরপো? কথায় বলে, 'রেতে কা-কা, দিবা শিবা' রেতে কাকের ডাক আর দিনে শিয়ালের ডাক যে গাঁয়ের প্রহরী, সে গাঁ সত্বর শ্মশান হয়ে পড়ে—সে গাঁয়ে বাস করতে নেই।'

প্রবোধ সজোরে কহিল, 'তুমি কল্যাণময়ী পল্লী-লক্ষ্মী। তুমি থাকতে গাঁ কখন মরবে না—লোকপুর আবার লোকে ভরপুর হবে। লোকপুর আমাদের জন্মভূমি—আবার লোকপুর বাঁচবে—আবার জাগবে—আবার ধন-ধান্তে পূর্ণ হবে।'

বিষন্ন বদনে নয়নবৌ কহিল, 'তা তো হবে, কিন্তু তোমরা গাঁ ছেড়ে গেলে লোকপুরকে কে বাঁচাবে—কে জাগাবে? যে ক'টা লোক গাঁয়ে আছে তারা কতকগুলো মরা, বাকিগুলো শিয়াল কুকুর। যদি গাঁকে বাঁচাতে চাও, তোমরা কজন গাঁয়ের ছেলে বিদেশ ছেড়ে দেশে এসো। জীবন্ত মানুষ যে ক'জন, তারা টাকার লোভে—আপনার স্বার্থ, সুখের লোভে—বিদেশে বাস করলে গাঁ কখনও বাঁচবে না। দূর থেকে মুখের চাঁৎকার করে মরা দেশ জাগবেও না—বাঁচবেও না। গাঁয়ে-ঘরে এসে দেশের জন্ত হাতে-কলমে কাজ করতে হবে, কাজ করাতে হবে। খালি মুখে 'ম্যালেরিয়া' ম্যালেরিয়া' করলে কোন ফল ফলবে না।'

প্রবোধ কহিল, 'তা বটে বৌদি। প্রাণে শক্তি নেই, তাই প্রাণের কান্না মুখে কাঁদি। মহাশত্রু ম্যালেরিয়াই-তো দেশটাকে খেলে। তাকে কি ক'রে মারি, সেই চিন্তায় পাগলের মত পথে ঘাটে কাঁদি! জেগে কাঁদি—ঘুমিয়ে কাঁদি—দেশে কাঁদি—বিদেশেও কাঁদি।'

নয়ন কহিল, 'কেবল এক ম্যালেরিয়াকে মারলে হবে না ঠাকুরপো। জঙ্ঘল সাফ করে—এঁদো ডোবা ভরাট করে, পোকো-পুকুর পরিষ্কার করে, মশা মেরে যেমন ম্যালেরিয়ার বাঁজ মারতে হবে, তেমনি আর একটা বড় শত্রুর জড়কেও মারতে হবে।'

প্রবোধ...আর তেমন বড় শত্রু কি বৌদি ?

নয়ন...সব চেয়ে বড় শত্রু অনাহার। দুর্বল দেহের ঘাড়েই ম্যালেরিয়ার বেশী অধিকার, অনাহারের গোড়া হচ্ছে পয়সার অভাব। দেশের যে দশা দাঁড়িয়েছে, তাতে গোলামীতে আর পয়সা হচ্ছে না। দেখতেই পাচ্ছ, বি-এ এম-এ পাশ ক'রে পঁচিশ ত্রিশ টাকার চাকরী মিলছে না। পাশ করতে যে খরচ হয়, তাতে ছেলেকে ব্যবসা করবার পুঁজি বেশ করে দেওয়া যায়—এ মোটা কথাটা এখন খুব মোটা বুদ্ধির লোকেও বুঝতে শিখেছে। জিনিস পত্রের যে দাম চড়েছে, তাতে আগেকার চার পাঁচ গুণ খরচে এখন অতি কষ্টে ভাত কাপড়টা মেলে। তার উপর একটা মহাগ্রহ—মেয়ে। তার বিয়ে, বেহাই বেহানের বাড়ী তত্ত্ব-তল্লাস, তার ওপর উপগ্রহ—ডাক্তার

সোল এজেন্ট—কমলিনী-সাহিত্য-মন্দির

কুইনাইন, সাণ্ড বেদানা। এ সব ছাড়া নিত্য দেবসেবা—  
 চা বিস্কুট পান সিগারেট ইত্যাদি উপকরণ আছে, সকলের  
 ওপর উপসর্গ—ঘড়ি, ছড়ি, জামা, জুতা ইত্যাদি ইত্যাদি।  
 এই সকলের ওপর আবার রকমারি ভোগবিলাস আছে—  
 অন্দরে, বাইরে, কাণে নাম শুনেছি, চোখেও দেখিনি—  
 মনেও রাখতে পারিনি। নানারকমের নানা উপদ্রবে এখন  
 এ দেশের জীবনটা এতো ভারী—এতো বিড়ম্বনার বোঝা  
 হয়ে দাঁড়িয়েছে যে, বাঙালির দেহের চেয়ে বিড়াল কুকুরের  
 শরীর স্বর্গের সামগ্রী বলে বোধ হয়। আর দু'দিন পরে খালি  
 ভাত খেয়ে প্রাণ রাখা দায় হয়ে দাঁড়াবে।’

এমন অনেক কথাই নয়নবৌ’র গলিত কণ্ঠস্বর হইতে  
 বাণীরবে গোপাল ও প্রবোধের শ্রবণে স্খাধারা বর্ষণ করিতে  
 লাগিল। উভয়ে অনিমেঘ নয়নে গৃহলক্ষীর মুখপানে চাহিয়া  
 মুগ্ধ প্রাণে স্বর্গের স্খাধারা পান করিতে লাগিল। প্রবোধ  
 ব্যাকুল কণ্ঠে সাগ্রহে জিজ্ঞাসা করিল, ‘বৌ-ঠাকরুণ, তুমি  
 সাক্ষাৎ দেবী অন্নপূর্ণা। বল তো, এ দেশে এ দারুণ অন্ন-  
 সমস্যার উপায় কি?’

নয়ন কহিল, ‘মহাজনরা যা বলেছেন তাই এখন পছা,  
 আর কিছুই নয়। আর্থ্যাবর্তের ধর্মক্ষেত্রে—ধর্ম-পথই পথ।  
 সে পথের গতি—সোজা চাল-চলন আর উঁচু উজ্জন-সাধন।  
 এই বলিয়া নয়ন একটু মধুর হাসি হাসিয়া কহিল, ‘তোমরা  
 আজকাল যাকে বলছ—(plain living high thinking)

তাহ'লে মনে প্রাণে গোলামী ছাড়তে হবে—বিদেশী জিনিস  
খাবে না - ছোবে না। ভগবানের শ্রীমুখের বাণী জীবনের  
মূলমন্ত্র বলে সত্য্যগ্রহে জড়িয়ে ধরতে হবে ;—

বৃদ্ধাহার বিহারস্য যুক্ত চেষ্টস্য কৰ্মস্য ।

যুক্ত স্বপ্নাববোধস্য যোগো ভবতি দুঃখহা ॥

প্রত্যেককে এইরূপ সাধক, কর্মযোগী হতে হবে। যারা  
যারা দেশকে বাচাতে, জাগাতে চায়, তাদের সহরের মোটা টাকা  
গোলামী ছেড়ে দেশের ঘরবাড়ীতে এসে বসবাস করতে  
হবে, দেশের চাষ বাসের উন্নতি করতে হবে। মাঠের জমীতে  
নিজের হাতে ধান, ছোলা, কলাই, সরষে বুনতে হবে, বাড়ীর  
বাগানে কলা, বেগুন, পেঁপে আনু আজাতে হবে—তার সঙ্গে  
সব বাড়ীতেই বেশী পরিমাণে কাপাস গাছ রুইতে আর ঘরে  
গরু পুষতে হবে। আপনি মাঠে বেড়িয়ে গরু চরাতে লজ্জা  
বোধ করলে চলবে না। দেশের চাষাদের যৌথ কারবারে  
উৎপন্ন শস্তাদির ব্যবসাই প্রাণপণে চালাবার চেষ্টা করতে হবে।  
প্রত্যেক পুরুষকে লোহার মানুষ হতে হবে। সঙ্গে সঙ্গে  
অন্ধরে মেয়েদের ঠিক তেমনি হাঁচে গড়ে তুলতে হবে।  
খালি গাল-গল্প আর বৃথা চর্চা ক'রে এখনকার মত তারা কুড়েমী  
ক'রে কাল কাটাতে না পারে। কথাটা সকল সময় প্রাণে  
জপতে হবে—**heaven helps those who help themselves।**

প্রবোধ দিব্যদৃষ্টিতে দেখিল, সে চিত্ত-বিনোদিনী মনপ্রাণ  
বিমোহিনী চির মধুর হাস্যময়ী বৌ'দি আর নাই ; নয়নের

সোল এজেন্ট—কমলিনী-সাহিত্য-মন্দির

সুখা-অঙ্কন-স্বরূপিণী নয়নবৌ আর নাই। তাহার স্থলে এক অপূর্ব দিব্য কাস্তি স্বর্গের অনল-শিখা, বাংলার পাপ-তাপ বিদগ্ধ করিবার জন্য ধরায় অবতীর্ণ হইয়া দাউ দাউ জলিতেছে !

প্রবোধ উদ্ভ্রান্ত ভাবে আপন মনে আপনি কহিল, “এ পাপ তাপের বাঙালী-সংসারে যদি কেউ সুখী, সৌভাগ্যবান থাকে, তবে এমন রমণী-রত্ন যার ঘরে সেই একমাত্র জন। গোপাল, তুমি ধন্য—তোমার গৃহ ষথার্থই পবিত্র স্বর্গ।”

থাওয়াইবার জন্য প্রবোধকে লইয়া নয়ন প্রশ্ন করিল, গোপাল উদাস প্রাণে কত কি ভাবিতে লাগিল।

### দ্বিতীয় পরিচ্ছেদ

‘গোপাল, তাই, একখানা চিঠি আমায় লিখে দেবে?’

গোপাল ব্যস্ত-চক্রে চাহিয়া জিজ্ঞাসা করিল, ‘কোথায় রজনী দিদি?’

রজনী, নানাভাবে নানা ভঙ্গীতে গোপালের মুখপানে চাহিয়া কহিল, ‘সে অনেক কথার কথা তাই। রায়-গাঁ জানই তো কি ছুট জায়গা?’

গোপাল বোধ হয় রজনীর মুখে সবে এই প্রথম ‘রায় গাঁ’র নাম শুনিল। রজনীকে সে ভালরূপে জানিত, তাই রায়-গাঁ’র

কথায় বেশী বাড়াবাড়ি না করিয়া কেবল জিজ্ঞাসা করিল,  
'তার পর?'

রজনী বহুশব্দে কহিল, 'তার পর আর কি বলব আমার মাথা মুণ্ড! হতভাগাটা মরে গেল—ছারে-গোলায় গেল—আমায় জন্নের মত খেয়ে গেল! যদি মরবার আগে বিষয়টা বেচে আমার হাতে নগদ টাকাগুলো দিয়ে যেতো কি একখানা কাগজ ক'রে যেতো, তা' হলে আমায় এত ভোগ ভুগতে হতো না। অনায়াসে পায়ের ওপর পা দিয়ে বসে ছুঁটে খেতে পেতাম। হতভাগার গায় পিণ্ডি দিয়ে, বছর বছর ছেরাঙ্ক-শান্তি করে, প্রেতযোনি থেকে উদ্ধার করতাম। মরুক মরুক—এখন গাছে গাছে ঘুরে ঘুরে মরুক।'

গোপাল বুঝিল যে, বিধবা রজনী মৃত স্বামীর উদ্দেশে ঐ সকল বিশেষণের ব্যবস্থা করিতেছে। বিধবা পত্নীর পরিণামের জন্য অর্থসঞ্চয় না করিয়া, স্বামী যে তাহাকে পরিত্যাগ করিয়া চিরতরে প্রস্থান করিয়াছে, সেই অভিমানে ক্রোধে রজনী আত্মহারা হইয়া, যখন তখন যাহার তাহার কাছে শব্দের মপ্তম কুল পর্যন্ত অভিশপ্ত করিয়া থাকে। এইরূপ স্বামী-তর্পণের মন্ত্র আওড়াইতে অ'রম্ভ করিলে, গোপাল প্রবোধ-বাক্যে অনেক বুঝাইয়া রজনীকে প্রশান্ত করিল। রজনী উচ্চ কণ্ঠস্বর নীচু করিয়া যেন আপন মনে কহিতে লাগিল, 'বিঃসাগর বড় ভাল পথই বার করেছিল, দেশের হতভাগা লোকগুলো তা বুঝলে না! নইলে আজ আমার



ভাবনাটা কি ?' 'আমার' কথাটা বলিবার সময় রজনী বিকট ভঙ্গীতে গোপালের পানে তীব্র কটাক্ষপাত করিল। সে কটাক্ষের অর্থ গোপাল বুঝিল না, অথবা বুঝিয়াও বুঝিতে চাহিল না। গোপাল প্রবোধ-ভাষে কহিল; 'রজনী-দিদি, মিছে আর রাগ-অভিমান করে আপনাকে কষ্ট দিয়ে ফল কি ? মরণ জীবন তো ভগবানের হাত। সে বেচারী কি ইচ্ছে করে প্রাণটাকে ঘুচিয়েছে ? তোমায় সুখী করতে কি তোমায় নিয়ে ঘর সংসার করতে কি তার প্রাণে সাধ ছিল না ? কি করবে, সে হতভাগ্য— তোমার অদৃষ্টে স্বামীর সংসার নেই, নইলে অমন বয়সে সে মরবে কেন ?'

রজনী সদর্পে কহিল, 'মরেছে, আপদ গ্যাছে, সেজ্ঞ কখন দুঃখ নেই। বলিয়া রজনী আবার এক বিকট কটাক্ষে গোপালের মুখপানে চাহিল। গোপাল এবারে সে কটাক্ষের অর্থ সুস্পষ্ট বুঝিল—রজনীর হাব ভাবে চমকিত হইল ! সে ব্যগ্রকণ্ঠে জিজ্ঞাসা করিল, 'তোমার চিঠি কি এখন লিখতে হবে ?'

রজনী কহিল, 'না, তত তাড়াতাড়ি নেই। সন্ধ্যার পর তোমার সময় হবে ? একবার আমাদের বাড়ী যেতে পারবে ?'

গোপাল অশ্রুমনস্কভাবে কহিল, 'সন্ধ্যার পর ? কেন, এখন লিখে দিই না কেন ?'

রজনী সহাস্ত্রে আবার সেই বিকট কটাক্ষপাত করিয়া কহিল, 'না, এখন না, একটা কথা আছে।' আধ-আধ

ভাষে কথা কয়টি বলিয়া রজনী হেঁটমুখে মাটির পানে চাহিয়া—  
 পায়ের আঙ্গুলে দাগ দিতে লাগিল। রজনীর ছুঁ অভিশ্রম  
 গোপাল সম্যক বুঝিয়া তীব্রকণ্ঠে কহিল, 'কি কথা? আমার  
 সঙ্গে তোমার কি কথা?' রজনী ঈষৎ হাসিয়া যুক্তকণ্ঠে  
 কহিল, 'সে মনের কথা—আমি মনে মনে বলেছি, তুমি  
 মনে মনে বুঝেছ। বুঝে আবার ন্যাকামি করছ কেন?'  
 বলিয়া ছুঁটা রজনী ছুঁটা-হাসি হাসিল। গোপাল সদর্পে কহিল,  
 'আমি তোমার মনের কথা বুঝতে পারিনি—বুঝতে চাইও  
 না। তুমি এমন কথা আর বললে আমি হারুদাদাকে সব  
 বলে দেব।' তীব্র কণ্ঠে কথা কয়টা কহিয়া গোপাল দ্রুতপদে  
 প্রস্থান করিল। রজনী দলিতা-ফণিগীর ন্যায় মস্তক উত্তোলন  
 করিয়া দাঁড়াইল! রজনী প্রাণের মধ্যে প্রাণের ভাষে কহিল,  
 'এর ঠিক শোধ নিতে পারি তবে এ জীবন রাখব, নইলে  
 তোমার কথার মত আঙুনে এ ফাঁকা অসাড় জীবনটাকে দণ্ডে  
 দণ্ডে মারব।'

আপন মনে বকিতে বকিতে রজনী মৃতপ্রায় অসাড় দেহটাকে  
 বহিয়া লইয়া প্রস্থান করিল।

### তৃতীয় পরিচ্ছেদ

মেয়ে খুব বাড়ন্ত। বয়সও বার পার হইয়া তেরোয় পড়িল। গাঁয়ের লোক ঘাটে পথে বলাবলি করিতে লাগিল—  
বুড়া বুড়ীরা বলিতে আরম্ভ করিল—‘এখনকার ওসব গাহেবী  
চালচলন। বাপ পিতাম’র পিণ্ডিতে ছাই পড়ুক—লোকে যা  
ইচ্ছে বলুক, মেয়ের বে’ কিছুতেই দেবো না, তাতে জাত  
জন্ম থাক, আর থাক। আর কি সমাজ আছে, না সমাজে  
সে সব তেজী লোক আছে? এ সব অশ্রায় অনাচার কখনই  
স্বর্গীয় কর্তারা সহ করতো না। আজই গোপাল বোসকে  
একঘরে করতো, তার ধোপা নাপিত বন্ধ করে দিতো।’ এই-  
রূপ নানাভাবে নানা কথা লোকপুরের ঘাট পথ তোলপাড়  
করিয়া ফেলিল।

বাংলার পাড়াগাঁ এখন মৃতপ্রায় নীরব নিস্তব্ধ! ধন-ধাত্তের  
প্রাচুর্যে, গাহনা-বাজনা খেলা-ধলায় আমোদ-আহ্লাদে যে সকল  
গ্রাম সর্ষক্ষণ মুখরিত থাকিত, সে সকল পল্লী এখন ম্যালেরিয়ার  
মড়ক আর অভাব অনাটনের হাহাকারে দিবানিশি মাটিতে  
মিশিহঁরোদন করিতেছে! বেশী দিন নয়—বেশী দিনের কথা  
নয়—বিশ বৎসর আগে যে সকল গাঁয়ের আড়ম্বর ঐশ্বর্য  
দেখিয়া মন প্রাণ আনন্দে উৎসাহে আকাশের উর্কে নাচিয়া  
উঠিত, সেই সকল বড় বড় গ্রামের বড় বড় বাড়ী এখন

ভাষিয়া জগলে পুরিয়াছে! শাকড়া-বাং, বুনা-ভুয়ার আর শিয়ালের আনন্দ-কোলাহলের আখড়া হইয়াছে। এই সকল মৃতকল্প গায়ের ও সমাজের হৃদয় হইতে বড় বড় লোক, ভাল ভাল লোকের চিহ্নও মুছিয়া গিয়াছে। কেবল দুই কুরমতি কতকগুলো লোক সামাজিক দলাদলি মামলা মোকদ্দমা আর বিবাদ বিসম্বাদের আশ্রয় জ্বালাইয়া মৃত পল্লীভূমিটাকে এখনও কথঞ্চিৎ জাগাইয়া রাখিয়াছে। এই সকল দুই প্রকৃতির লোকগুলার মধ্যে লোকপুরের হারু রায় একজন প্রধান ব্যক্তি। হারু রায় বুক ফুলাইয়া সর্বত্র বলিয়া বেড়াইতে লাগিল, 'সাহেবী চাল করে গোপাল বোস দেশ ছেড়ে চলে যাক। সমাজের বুক বসে এমন দাড়ি উপড়ালে কে সহাবে? হারু বেঁচে থাকতে লোকপুর এখনও তেমন-মরা নয় যে, যে যা মনে করবে, তাই করবে।' বাংলার পাড়াগাঁয়ে একটা কথা আছে, 'গায় মানে না আপনি মোড়ল।' হারু রায় স্বয়ং সেই প্রচলিত কথাটার এক সমুজ্জ্বল সজীব প্রমাণ। হারু রায় কর্কশ-ভাবী দুই প্রকৃতি। সে নিতান্ত দরিদ্র—মূর্থ। তাহাকে মানে কে? তবে সে আকাশে লাফাইয়া আপনাকে বড় দেখিত এবং পরের কাছেও আপনাকে তেমনি বড় বলিয়া বড়াই করিয়া বেড়াইত। তাহার কথায় চতুর লোকে মুখ টিপিয়া হাসিত আর নিরোধ আহাম্মুখ—প্রতিদ্বন্দ্বী সাজিয়া আশ্চর্যনে হারু রায়ের সহিত বৃথা গলাবান্ধি করিত। রজনী, হারু রায়ের বিধবা ভগ্নী, তাহার সংসারেই থাকে। সে বয়সে

হাকুর ছোট, কিন্তু গলাবাজিতে হরকে নয় করিতে, নিরীহ নির্দোষ গরীরেব জাতি নাশ করিতে, সতীর কুৎসা কলঙ্ক রটাইতে, দাদা অপেক্ষা অনেক বড় ভিন্ন ছোট কোন অংশেই নয়। গোপাল বসুর কন্ঠার বয়োবৃদ্ধির জন্ত হাকুর রাগ যেমন যেখানে সেখানে পুরুষ সমাজে নানা কথা নানা ভাবে রটাইয়া কুৎসার আশ্রয় জালাইতে লাগিল, তাহার ভগ্নী রজনীও মেয়ে-মহলে তেমনি কেলেকারীর বিকট হলাহল ছড়াইয়া জলন্ত আশ্রয়ে স্বতাহতি প্রদান করিল।

একদিন জলের ঘাটে দশটা মেয়ের মাঝে রজনী, গোপাল বসুর পত্নী নয়নমণিকে প্রথমতঃ মিঠাকড়া ভৎসনায়, পরে বিকট গালি-গালাজে, অবশেষে উচ্চকণ্ঠে কাঁদিতে কাঁদিতে অভিসম্পাতে অভিনন্দিত করিল। রজনী কাঁদিতে লাগিল,—‘ঘাটে তোমরা এতগুলো মেয়ে আছ, তোমরা দশে ধর্মে বিচার ক’রে বল। বল তোমরা কার দোষ? কলিকাল! একালে কার ভাল করতে নেই। কাকেও ভাল কথা বলতে নেই। আমি তোমার ভালর জন্তই বললাম—এত বড় আইবুড়ো মেয়ে ঘরে রেখে মুখে ভাত উঠছে কি ক’রে—এই তো কথা! এই কথায় আমার গালমন্দ সাঁপাসাঁপি! তা কর—তোমরা যা’ মনে আছে—তাই কর—তাই বল। আমি মাটির মানুষ—আমার শরীরে সব সম্বল—আমি সব মইলাম। মাথার উপরে ভগবান্ আছে। তাঁর ধর্মের রাজ্য এখনও চন্দর-সূর্যি উঠছে—এখনও দিন রাত হচ্ছে—তিনি কখন মইবেন না। তিনি অবিষ্টি এর

বিচার করবেন। একদিন না একদিন এর ফল ফলবেই ফলবে।'

গোপাল বসুর পত্নী নয়নমণি পরমা সুন্দরী। নয়নের শরৎ-শশী সম সুন্দর মুখখানিতে মৃদু-মধুর হাস্ত-রেখা ক্রোধ বা বিষাদ-কালিমার ছায়া-সম্পাত এ পর্য্যন্ত লোকপুরের কেহ কখন দেখিতে পায় নাই। মেয়ে পুরুষ, ছোট বড় সকলেরই মাতৃস্থানীয়া মমতাময়ী নয়নমণি গোপাল বসুর হৃদয়ের আরাধ্যা দেবী। অনুরাত্মার পরম পবিত্র নিভৃত নিকেতনে প্রতিষ্ঠিতা সেই আরাধ্যা দেবীকে লাভ করিয়া গোপাল জীবনটাকে এতই সার্থক এমনই কৃতার্থ বলিয়া মনে করে যে, বিশাল জগতের মধ্যে এমন কোন জিনিস সে দেখিতে পায় না, যাহার অভাবে এত বড় প্রাণটার কোন স্থান তিল পরিমাণ খালি থাকিতে পারে বা থাকিলেও কোন সামগ্রীতে শূন্য স্থানের অভাবটাকে পূরণ করিতে পারে। কি রূপের সৌন্দর্য্যে, কি প্রাণের ঐশ্বর্য্যে, কি মনের মাধুর্য্যে নয়নমণির তুলনা জগতে এক নয়নমণি ছাড়া আর কোথায়? এক নয়নকে পাইয়া গোপাল সংসারের সকলই ছাড়িতে—সকলই ভুলিতে পারে।

ক্রোধের ধারা কিরূপ, বিসম্বাদের প্রবাহ কেমন, তাহা নয়নমণি কখন স্বপ্নেও অনুভব করে নাই।

চিরমধুর-হাস্তময়ী নয়ন, উগ্রচণ্ডা রজনীর কথাবার্তা শুনিয়া ও তাহার ভাবভঙ্গী দেখিয়া স্তম্ভিত হইল। হঠাৎ ব্যাঘ্রের সম্মুখে পড়িলে কুরঙ্গিনী যেমন ভীত ত্র্যস্ত হয়, নয়নের দশাও তেমনি

সোল এজেন্ট—কমলিনী-সাহিত্য-মন্দির

হইল। নয়ন প্রথমে কিছুই বুঝিতে পারিলনা। হঠাৎ কিরূপে কালভুজঙ্গিনীর মস্তকে পদক্ষেপ করিল, তাহা ঠিক করিতে না পারিয়া নয়ন বজ্রাহতের মত অসাড় মড়ার গায় পড়িয়া রহিল। তাহার নিতুই-নব মুখখানির সৌন্দর্যরাশি, মরুমাঝে নিকশিত প্রফুল্ল কমলের গায় নিমিষে নিভিয়া গেল! তাহার চির-মধুর স্মৃতি-ধারা সম হস্তরেখা বিছাধর প্রান্তে লুকাইয়া পড়িল। কত কণে একটু প্রকৃতিহু হইয়া অতি কুণ্ঠিতকণ্ঠে নয়ন কহিল, 'ঠাকুরঝি, আমি জানতে পারিনি, হঠাৎ আমার পায়ের জল ছিটকে পড়েছে। কমা কর দিদি, পায়ের ধুলো দাও।' এই বলিয়া একটু ব্যস্ত ছলে হাসিয়া কহিল, 'জলে দাঁড়িয়ে পায়ের ধুলো দেবে কি ক'রে, একটু পায়ের জল দাও। চরণামৃত খেয়ে পাপ দেহটা পবিত্র করি।'।

ঘাটের সকল মেয়ে অবাক হইয়া পরস্পরের মুখ চাওয়াচায়াই করিতে লাগিল। নয়ন যে রজনীকে কখন কি বলিল, তাহা কেহ শুনিতেও পায় নাই—বুঝিতেও পারে নাই। নয়নের কথা নয়ন নিজেও জানে না—তাহার সৃষ্টিকর্তা বিধাতাও জানেন না। অথচ ঘাটের নায়ে রজনী এমন একটা তুমুল কাণ্ড বাধাইয়া দিল, যাহাতে সমস্ত লোক স্তম্ভিত হইল। রজনীকে গ্রামের সকল মেয়ে পুরুষ সবাই জানিত - সবাই বুঝিত। সে আকাশে ফাঁদ পাতিয়া বাতাসের সঙ্গে ঝগড়া বাধাইয়া দেয়, এ কথাটা জানিতে কাহারও বাকি ছিল না। লোকপূরের গ্রামবাসীরা নয়নমণিকে জানিত। ঘাটের মেয়েরা নয়নকে চুপে চুপে বাড়ী যাইতে কহিল।

‘রজনী-ঠাকুর ঝি পাগোল’ বলিয়া হাসিতে হাসিতে নয়ন তাড়াতাড়ি স্নান সারিয়া গৃহে গমন করিল। রজনীর তর্জনে গর্জনে আকাশ পাতাল আলোড়িত হইল। ‘আমি পাগোল’ ভত বড় ধেড়ে মেয়েটাকে ঘরে পুষে যে কাণ্ড কারখানা করছে, তা লোকে জানে না? লোক সব কানা? এর শোধ কেমন করে তুলতে হয়, তা দেখাচ্ছি—রও।’ এইরূপ নানা কথা কহিতে কহিতে রজনী বাড়ী আসিয়া হারু দাদার সম্মুখে আছড়াইয়া পড়িল। হারু বুঝিল, তাহার শূর্ণনখা ভগিনী—ঘাটে নিশ্চয়ই কোন বিষম কাণ্ড বাধাইয়াছে। রজনী বাল-বিধবা—সুন্দরী হটক না হটক কদাকার নহে। রজনী মাঝে মাঝে বৎসরের মধ্যে দুই একবার কলিকাতায় যাতায়াত করিত। সে যে কোন আত্মীয় স্বজনের বাড়ী যাইয়া থাকিত—তাহা লোকপূর অঞ্চলের কেহ জানিত না। রজনী গলা বড় করিয়া গ্রামে আসিয়া বলিয়া বেড়াইত—তাহার দেবর হাইকোর্টের একজন বড় উকিল। লোকপূরের লোকেরা তাহার কথা কাণ পাতিয়া শুনিত আর মুখ টিপিয়া হাসিয়া নীরব থাকিত। কলিকাতায় যাতায়াতের ফলে রজনী হাতে কিছু টাকা জমাইয়াছিল। সে কারণে আর হারু রাঘের তৃতীয় পক্ষের পত্নী নাবালিকা বলিয়া রজনী হারুর ঘরে সর্বেসর্বা হইয়াছিল। হারু ও রজনী দুই ভাই ভগ্নীর মধ্যে আনুষ্ঠানিক মায়া মমতা ছিল কি না তাহা তাহারা নিজেরাও অস্বভব করিতে পারিত না। বাস্তবিক পক্ষে উভয়ে আপন আপন স্বার্থের বশে পরস্পরের প্রতি স্নেহের ছলনা প্রকাশ করিত।

সোল এড্‌জেন্ট—কমলিনী-সাহিত্য-মন্দির



রজনী হারু সন্মুখে পড়িয়া উঠেখরে কাঁদিতে কাঁদিতে কহিল,  
‘আজ ঘাটের মাঝে দশ-ধর্ষের সামনে নয়নবো অপমান করেছে,  
তার প্রতিশোধ যদি নিতে পার, তবেই দাদা তোমার ঘরে  
থাকব, নইলে বিষ খেয়ে মরব, নয় তোমার সংসার ছেড়ে যে  
দিকে দু’ চক্ষু যায় সেই দিকেই চলে যাব।’

যদি রজনীর প্রাণের প্রত্যেক শিরা চিরিয়া চিরিয়া পরীক্ষা  
করিয়া ছনিয়ার কেহ কিছু বিশ্লেষণ করিয়া পাইয়া থাকে, তবে  
বিশেষত্ব ব্যক্তি এক হারু ছাড়া আর কেহ নহে। হারু রজনীর  
কথা নীরবে শুনিয়া কিছুকাল নীরবে রহিল। নয়ন বো কি  
বলিয়াছে, কেন বলিয়াছে সে সকল কথা কিছুই জিজ্ঞাসা করিল  
না—করিবার প্রয়োজনও কিছু বোধ করিল না। কেবল দম্ভভঙ্গ  
গগন ফাটাইয়া কহিল, ‘তার যোগাড় আমি করেছি। গোপাল  
বোস মেয়েটাকে দিয়ে সংসার চালাচ্ছে এ অঞ্চলে এখন কে তা  
না জানে? সমাজ আর ক’দিন তার এ পাপের অত্যাচার  
সহবে? মিত্তির-বাড়ী ভোজের দিন তাকে কে রক্ষা করে  
দেখবো। সে ভোজে সমাজের কোন গাঁ নেমস্তরে বাদ পড়বে  
না। সেই দিনে তাকে বুঝে নোব।’

হারু নানা প্রবোধের ছলে ভগ্নী রজনীকে উঠাইল। হারু  
সংসারে পাকশালার প্রধান কার্যভার ছিল, রজনীর হাতে।  
রজনী দাদার কথায় আশ্বস্ত হইয়া ধীরে ধীরে মন্দির গমনে পাক-  
শালার গমন করিল।

## চতুর্থ পরিচ্ছেদ

গোপাল বহু লোকপুত্রের সাধারণ গৃহস্থ ব্যক্তি। তাহার বিষয় সম্পত্তি কিছু আছে, কিন্তু তদুপার চাকরী না করিলে সচ্ছল ভাবে সংসার চলে না। গোপালের পিতা পাল-চৌধুরীদের নায়েবী করিয়া বাহা কিছু করেন, তাহাতে গোপালকে বি-এ পর্যন্ত পড়াইতে সব খরচ হইয়া যায়। তিনি যখন মৃত্যুশয্যা পড়িলেন, তখন গোপাল কলেজ ছাড়িয়া বাড়ী আসিল, মাতার গহনাপত্রে ও নগদ বাহা কিছু ছিল সব পিতার চিকিৎসায় গোপাল ব্যয় করিল। পুঁজী সবই খরচ হইয়া গেল, অথচ পিতাকেও বাঁচাইতে পারিল না। পিতার মৃত্যুকালে গোপালের মাতা মৃত স্বামীর পদতলে পড়িয়া কাঁদিতে কাঁদিতে কহিলেন, ‘আমি রইতে পারবনি—আমায় শীগ্গির ডেকো।’ সতীর ক্রন্দন ধর্ম্মরাজের সিংহাসন টলাইল। উপর হইতে গোপালের জননী ‘তলব’ আসিল। স্বামীর মৃত্যুর পর তিন দিনের মধ্যে পত্নীও পরলোক প্রস্থান করিলেন। গোপাল বেশ ব্যয়ভূষণ করিয়া পিতামাতার শ্রদ্ধ করিল। গোপাল দেনদার হইল— তাহার ভূমি-ভদ্রাসন বন্ধক দিল।

গোপাল পড়ার আশা ছাড়িল, পত্নী নয়নমণি ও কন্যাকে লইয়া বাড়ীতে বসিয়া সংসার-ধর্ম্ম করিতে লাগিল। দেখিতে দেখিতে মেয়ের বয়স প্রায় পনের হইল। পিতৃ-মাতৃদায় শেষ

সোল এজেন্ট—কমলিনা-সাহিত্য-মন্দির  
১০২৩০/অং ১৬/৩/১৩৬৮

হইলে কতাদায়ে গোপাল বড় বিব্রত হইয়া পড়িল। নানা লোকে নানা কথা নানা ভাবে বলিতে লাগিল। গোপাল আপনার কথা পরের মুখে শুনিয়া মৃতপ্রায় হইয়া ঘরের কোণে অবরুদ্ধ রহিল।

নয়ন আসিয়া নীরবে রহিল। পাছে নিরীহ পতির প্রাণে দারুণ আঘাত লাগে এই ভাবিয়া ঘাটে রজনীর সহিত তাহার যে কাণ্ড ঘটয়াছিল, তাহার কিছুই উল্লেখ করিল না। তাহার বিষন্ন বদন হইতে মৃদুমধুর হাসির রেখাটুকু ঘেন চিরতরে বিলুপ্ত হইল। চির-বসন্ত-রূপিনী মাধুর্য্যময়ী নয়নের নিতুই নব ভাবটুকু লুকাইয়া গেল, কিন্তু পতির প্রণয় দৃষ্টিতে তাহা সহজেই ধরা পড়িল। পত্নীগত-প্রাণ গোপাল বুঝিল, ব্যাপার কিছু গুরুতরই ঘটিয়াছে। নতুবা এমন মাধুর্য্যময়ী সৌন্দর্য্যের সাময়িক—নিমিষে লুকাইল কেন!

রক্তনের পূর্বে নয়ন স্বামীকে প্রতিদিন 'কি রান্না হইবে' জিজ্ঞাসা করিত। আজ কোন কথা জিজ্ঞাসা না করিয়া সে বিরস বদনে একমনে রন্ধন করিতে লাগিল। নয়নমণি সত্যই নয়নমণি। নয়নের বিরস বদন দেখিয়া গোপালের চক্ষে জগৎ সংসার আঁধারময় বোধ হইল। নয়নকে লইয়া গোপাল দরিদ্র সংসারের গুরুভার তুলার মত হালকা বোধে হাসিমুখে বহিয়া বেড়ায়। এ জীবনে যে ভাবিবার কোন কথা বা অভাবের কোন সামগ্রী আছে বা থাকিতে পারে, ইহা স্বপ্নের ঘোরেও তাহার মনের কোণে উদয় হইবার অবসর পায় না। সে জীবনে

অপতের সবই সহিতে পারে, সবই বহিতে পারে, পারে না কেবল একটা জিনিষ—নয়নের বিষাদ-কালিমাখা মুখখানি। তাহাও এতদিন তাহার সুদীর্ঘ জীবনে—বিবাহের পর প্রায় পঁচিশ বৎসর কাটিয়া গেল—এতকালের মধ্যে কখনও ঘটে নাই। গোপাল যখনই কোনও দায়ে ঠেকিয়াছে, যখনই কোন ভাবনার স্রোতে ভাসিয়াছে, তখনই নয়ন মাথা পাতিয়া তাহার দায়ের বোঝা—ভাবনার ভার আপনার ঘাড়ে চাপাইয়া স্বামীকে শাস্তির শয্যা শোয়াইয়া রাখিয়াছে। আজ তাহার ভারাক্রান্ত জীবনের দৃঢ় খোঁটা কেন হঠাৎ এমন মচকাইল? গোপাল অধীর হইয়া উৎকণ্ঠিত প্রাণে নয়নের নিকট রান্নাঘরে উপস্থিত হইল। নয়ন তখন শূন্যপ্রাণে একদৃষ্টিতে শূন্য আকাশের পানে চাহিয়াছিল। গোপাল সম্মুখে উপস্থিত হইলে নয়নের উদাস ভাঙিয়া গেল, সে পতির মূর্তি আপাদমস্তক নিরীক্ষণ করিল। স্বামীর উৎকণ্ঠিত ব্যাকুলতা দেখিয়া নয়নেরও সু-গভীর প্রশান্ত প্রাণ বিচলিত হইল। স্বামীর মুখপানে চাহিতে চাহিতে নয়নের নয়ন হইতে দরদরধারে অশ্রু বরিয়া পড়িল। যে দুঃখের প্রতিকার অসম্ভব দুঃসাধ্য, তাহার বিনিময় দরিদ্রের পক্ষে নীরব অশ্রু ব্যতীত জগতে আর কিছুই নাই।

গোপাল কণ্ঠিত কণ্ঠে জিজ্ঞাসা করিল, 'কথাটা কি, কি হয়েছে নয়ন?'

নয়ন অঞ্চলে অশ্রু মুছিয়া কক্ব স্বরে কহিল, 'কৈ, না, কিছুই তো হয় নি!' গোপাল কহিল, 'ভূমিকম্প ভিন্ন পর্বত কাপে

সোল এডেণ্ট—কমলিনী-সাহিত্য-মন্দির

না। নিশ্চয় কোন গুরুতর ব্যাপার ঘটেছে। কি হয়েছে বল।’

নয়ন স্বয়ং শান্তি-রূপিনী। বিবাদ বিসম্বাদে সে নিতান্তই নারাজ। আসল কথাটা চাপা দিবার অছিলায় সে বাকুজালে বাজে কথা তুলিল। গোপালের মন তাহা মানিল না—গোপাল তাহা বুঝিল না। গোপাল স্বভাবতঃ ধীর প্রকৃতি! তাহার অটল প্রাণ অনায়াসে সকলই সহিতে পারে, কেবল নয়নের সামান্ত যন্ত্রণা তাহার বক্ষে শেল বিদ্ধ করে। নয়নের চক্ষে জল তাহার পক্ষে বিষম বজ্রাঘাত। সে বজ্রাঘাত নিবারণ করিতে গোপাল আপন হাতে হাসিতে হাসিতে আপন হৃৎপিণ্ড ছিঁড়িয়া ফেলিতে কিছুমাত্র কুণ্ঠিত নয়—নয়ন তাহা জানিত। তাই সে বুঝিয়া ছিল, ঘাটের ব্যাপার স্বামী জানিতে পারিলে লোকপূর-অঞ্চল প্রলয়ের ঝড়ে প্রকম্পিত হইবে। সে প্রবল-বস্ত্রার বেগ বালির বাঁধে রুদ্ধ হইবে না। নয়ন মৃত পিতা মাতার কথা, শশুর শ্বশুরী কথার তুলিয়া বিষম প্রলয়ের আগুন নিভাইবার চেষ্টা করিতে লাগিল। নয়ন যতই চেষ্টা করিতে লাগিল, গোপালের জেদ ততই বাড়িতে লাগিল। গোপাল দৃঢ় কণ্ঠে কহিল, ‘তোমার ওসব ফাঁকা মুখের ফাঁকা কথা আমি শুনব না, কথাটা কি, তোমায় বলতে হবে। ভূমিকম্প সহজে হয় না! তোমার চখে জল কখনও সহজে আসেনি।’

নয়ন বড় দায়ে ঠেকিল। কথাটা বলিলেও দায়, না বলিলেও দায়। পাষণ-প্রতিমার শ্রায় নয়ন স্থির হইয়া ভাবিতে লাগিল,

গোপাল উত্তেজিত হইল। নয়নের জল কি—নয়নের কাছেও তাহার জীবনের এমন উত্তেজনা কখনও ঘটে নাই। গোপাল গভীর গর্জনে আকাশ পাতাল কাঁপাইয়া কহিল, 'তোমার চখে জল কে এনেছে, বলতে হবে।'

নয়ন নবনীসম কোমল প্রাণকে দৃঢ় পাষাণে বাধিল। সে দৃঢ় কণ্ঠে কহিল, 'চোখের জল সহজে আসে না, পরেও আসে না'। বড় কষ্টে আপনার কপালের ফলে চ'খে জল আসে।'

গোপাল কহিল, 'হঠাৎ আজ কপালে এমন কি ফলমো যে তোমার চখে জল এলো?' স্বামীর মুখ হইতে চক্ষু ফিরাইয়া অবনত দৃষ্টিতে দীর্ঘ নিশ্বাস ছাড়িয়া নয়ন কহিল, 'ষতই দিনের পর দিন যাচ্ছে—ততই উষার ভাগ্যের ভাবনা জলন্ত আগুনের মত আমার প্রাণের মধ্যে দাউ দাউ জলে উঠছে।' দৃঢ় দেহ দীর্ঘ-বাহু গোপাল—লোহার মত কঠোর কঠিন করিয়া মাথা ঘাড় নাড়িয়া কহিল, 'উঁহ উঁহ, তা নয়—তা নয়, কথাটা লুকিও না। আমার কাছে লুকোতে হয় এমন কথা তোমার প্রাণে কিছু নেই—কিছু থাকতে পারে কি?'

নয়ন কহিল, 'তোমার কাছে লুকিয়ে যে জীবনে কথা রাখতে হবে, সে জীবনে তো কোন দরকার দেখি না।'

গোপাল...তবে বল কথাটা কি ?

নয়নমণির মুখমণ্ডল জলভরা শ্রাবণের মেঘের মত ভারাক্রান্ত হইল। নয়ন অকলে চক্ষু গুছিয়া ভগ্ন কণ্ঠে কহিল, 'উষা

সোল এজেন্ট—কমলিনী-সাহিত্য-মন্দির

হয়েছে আমার বুকের কাঁটা। তার জন্মই দশ জনের দশ কথা  
শুনতে হচ্ছে।’

গোপাল...হাঁ, সে ত নূতন কথা নয়; আজ ছ’ তিন বছর  
থেকে সে কথা শুনছি। আজ নূতন কথা কে কি বলে, তাই  
বল। লুকিও না।

নয়ন ছোট ছোট হাত ছ’খানিতে স্বামীর হাত ছ’খানি  
ধরিল। কাতর কণ্ঠে কহিল, ‘দেখ, আমার দিবি—কথাটা  
বলবো, কিন্তু কোন গোলমাল করবে না তো? আগে  
শোন, আমার মাথার দিবি, বল, কোন ঝগড়া-ঝাঁটি  
করবে না?’

গোপালের মুখে হাসি আসিল। গোপাল হাসিমুখে কহিল,  
তুমি যে কাজ বারণ করবে, জগতে আর কেউ আমায় তা’  
করাতে পারে?’

নয়নের বুকের পাথর নামিল। তাহার অধরপ্রান্তে আবার  
সেই চির স্বধাময় মুহূর্তের প্রভা ফুটিল। হাস্যময়ী নয়ন  
কহিল, ‘দেখ, তোমার ভাব দেখে আমার সময়ে সময়ে বড়  
ভয় হয়।’

গোপাল বিস্মিত কণ্ঠে জিজ্ঞাসা করিল, ‘আমার ভাবে তোমার  
ভয় হয়, এমন কোন্ দিন কি ভাব আমার দেখলে।’

নয়ন—জীবনে ছ’ একদিন ঘেন দেখেছি। যে দিন হরে-  
চাষার ছুঃখিনী মাকে গায়ের জমিদার সত্যাবাবু বিনা অপরাধে  
মেরেছিলেন, সে কাঁদতে কাঁদতে এসে তোমার পায়ের তলে

পড়েছিলো—সেই দিন দেখেছিলাম তোমার ভীষণ মূর্তি, আর একদিন রাধী-ঠাকুরণ মরা-ছেলে কোলে ক'রে কাঁদছিলো, গায়ের লোক ফেলতে বার হয়নি, সেই দিন দেখেছিলাম তোমার করাল মূর্তি ! তোমাকে দেখে আমার ভয় হয়েছিল। মনে হয়, সে মূর্তি দেখে স্বয়ং যমেরও ভয় হয়। তাই সব কথা তোমায় বলতে সাহস হয় না।’

গোপাল হাসিতে হাসিতে কহিল, ‘তুমি অনায়াসে বলতে পার, কোন ভয় নাই। কি কথা হয়েছে?’

নয়ন কহিল, ‘উষার কথা তুলে রজনী-ঠাকুরঝি কত কি বলে।’

গোপাল...কি বলে ?

নয়ন...জাত মারবে, একঘরে করবে, আরও কত ভয় দেখালে।

গোপাল...তাতে তুমি কি বলে ?

নয়ন...তার কথায় আমি কি বলব ? আমি চোরের মত চুপে চুপে চলে এলেম। নিজেরা যখন দোষী—তখন পরকে কি বলব ?’

গোপাল সদৃশে কহিল, ‘কেন ? নিজেরা দোষী কিসে ?’

নয়ন...এত বড় মেয়ে ঘরে, হিন্দুর ঘরে সাজে কি ?

গোপাল সগর্বে কহিল, ‘ও সব সেকেলের ভাব—সেকলে কথা ছেড়ে দাও। এখন আর সমাজ খোকা খুকীর বিষে দিতে

সোল একেট—কমলিনী-সাহিত্য-মন্দির



ভালবাসে না। সেকেনে গৌরী-দান আর আদরের জিনিষ বলে সমাজে চলছে না।

নয়ন হাসিয়া কহিল, 'দেশময় তো বেঙ্গ-সমাজ বনেনি, ঘরে ঘরে কেশব সেন, শিবনাথ শাস্ত্রীও জন্মায়নি। বহু হিঁদু বৃকে করে এখনও হিঁদুর সমাজ বেঁচে আছে।'

গোপাল যখন বি-এ পড়া ছাড়িয়া প্রেসিডেন্সি কলেজ হইতে বিদায় গ্রহণ করে, তখন বাংলার শিক্ষিত যুবকগণের মধ্যে ব্রাহ্ম সমাজের প্রভাব খুব প্রবল হইয়াছিল। 'বিধবা বিবাহ' 'বালিকা বিবাহ' প্রভৃতি প্রসঙ্গ লইয়া এদেশে শিক্ষিত সমাজে একটা প্রবল আন্দোলনের স্রোত বহিয়াছিল। গোপালও বহু সহতীর্থের সহিত সেই স্রোতে গা ঢালিয়া দিয়াছিল। গোপাল স্বীয় অর্দ্ধাঙ্গিনীকে আপনার মনের মত করিয়া গড়িবার পক্ষে সাময়িক শিক্ষা দীক্ষা দিতে কিছুমাত্র ক্রটি করে নাই। হিঁদুর মেয়ের স্বাভাবিক সহজাত সংস্কার সহজে ঘুচে না। নয়ন সকল বিষয়ে গোপালের উন্নতিশীল মতের প্রকৃতির অল্পবর্জন করিতে পারে নাই। বিশেষতঃ বালিকা বিবাহ, বিধবা বিবাহ সম্বন্ধে তাহার প্রাণে আধুনিক সম্মত অভিমতের প্রতি একটা বিকট বিবেচন বদ্ধমূল ছিল। গোপাল যখন 'বিধবা বিবাহের' প্রসঙ্গ তুলিয়া তাহার সহিত আলোচনা করিত, তখন নয়নের আশ্চর্য্যাত্মা শিহরিয়া উঠিত। কথাটা ভাবিতেও—স্বামীর মৃত্যুর পর আর একটা স্বামী গ্রহণ স্ত্রীলোকের পক্ষে কি বিকট ব্যাপার—

কথাটা ভাবিতেও সত্যী-সাক্ষী আদর্শ-রূপিণী নয়নের প্রাণ ধরধর কাঁপিত।

মেয়েকে বয়স্ক করিয়া বিবাহ দেওয়াও নয়নের পক্ষে ভাল বলিয়া বোধ হয় না। নয়ন কহিল, 'সে তুমি যাই বল, যাই কর, উষাকে আর রাখা ভাল দেখায় ন। আমি নিজের চ'খেই ভাল দেখি না, পরে দেখবে কেন? পরে পাঁচ কথা বলতেই পারে।'

গোপাল ক্রুদ্ধ কণ্ঠে কহিল, 'বলে আমায় বলবে—আমার সামনে বলবে। তোমায় বলবে এমন মাথা কার ঘাড়ে?'

নয়ন কহিল, 'তুমি আমি কি ভিন্ন? তোমায় কথা বলা, আর আমায় বলা একই।'

গোপাল সদর্পে কহিল, 'কি বলব, তোমার কাছে প্রতিজ্ঞায় বদ্ধ হয়েছি, নইলে কেমন মেয়ে—কেমন হাকুরায়ের বোন রজনী আঝ বুঝে নিতুম।'

কথা কয়টা কাঁপিতে কাঁপিতে কহিয়া গোপাল কাঁপিতে কাঁপিতে বেগে চলিয়া গেল। নয়ন জানিত, গোপালের কথা ও কাজ একই। যখন গোপালের মুখ হইতে একবার বাহির হইয়াছে, তখন আর সে কথা নড়িবে না।

## পঞ্চম পরিচ্ছেদ

লোকপুর কিছুদিন পূর্বে সে অঞ্চলের খুব বড় গণ্ডগ্রাম ছিল। রাস্তা-ঘাট, বাজার-হাটের খুব জাঁকজমক ছিল। বহু জাতীয় বহু লোক বাস করিত। বহু বড় বড় ব্যবসায়ী, বড় বড় মহাজন, বড় বড় চাকুরে, বহু ধান-ভরা-মরাই, শস্ত-বোঝাই গোলা-পালাওয়াল কৃষক মহাজনগণের কাজ করবারে লোকপুর বড় সহরের মত সঞ্চয় মুখরিত থাকিত।

লোকপুরের সে উন্নতির দিন আর নাই, তাহার সৌভাগ্য-সূর্য্য অস্তমিত! ভাষণ গ্যালেরিয়ার মড়কে লোকপুর মানুষের পরিবর্তে শিয়াল শকুনির আবাসস্থান হইয়া উঠিয়াছে। অনেক লোক, বহু পরিবার, বাড়াকে-বাড়ী মারা পড়িয়াছে। বড় বড় বাড়ী জঙ্গলে ছাইয়া ফেলিয়াছে। যাহাদের অবস্থা কিছু ভাল, তাহারা দেশ ছাড়িয়া কলিকাতায় বা অপর কোন সহরে বাস করিতেছে, কতকগুলি বনিয়াদি বাসিন্দা পৈতৃক-বাস্তু মাতৃভূমির মায়ায় বা ভূমি সম্পত্তির লোভে; অপর কতকগুলি বাজে লোক অক্ষমতা ও অভাবের পাড়নে গ্রাম ছাড়িতে পারে নাই। এই সকল অধিবাসীগণের মধ্যে গোপাল বসু প্রথমোক্ত দলের আর হারু রায় শেষোক্ত দলের লোক। গোপাল বসু পিতা, পিতামহের ভূসম্পত্তির মায়ায় আর হারু রায় অক্ষমতা অভাবের পাড়নে গ্রাম ও বাস্তুবাটা ছাড়িয়া যাইতে পারে নাই।

লোকপুরে এখন ভাল লোক প্রায় নাই। যে দুই চারিজন নির্বাণে'মুখ দীপশিখার গ্যায় মিট্ মিট্ জলিতোছিল, গোপাল

বস্তু তাহাদের মধ্যে সর্বপ্রধান। অভাবের তাড়নে তথাকার অধিকাংশ লোক প্রায় মন্দমতি—দুষ্টচরিত্র হইয়া দাঁড়াইয়াছে। যেমন রূপে তেমনি গুণে—হীনদেহ ক্ষীণপ্রাণ শ্রী-ভ্রষ্ট হইয়া, তাহারা শিয়াল শকুনির মত আপনা আপনি খাওয়াখায়ি, মারামারি করিয়া ভারাক্রান্ত জীবনকে বিড়ম্বিত—কণ্টকিত করিয়া অতি কষ্টে শুষ্ক শীর্ণ পরমায়ুকে ক্ষয় করে। কেবল মামলা মোকদ্দমা, বিবাদ বিসম্বাদ বা দলাদলির কথা শুনিলেই তাহাদের অসাড় দেহ, নিষ্কীব প্রাণ সজীব হইয়া উঠে। সুবিধানত আত্মীয়ের ঘরে চুরি করা বা চোরের সাহায্য করা, পুলিশের মামলা সাজানির পোষকতা করা, আদালতে মিথ্যা সাক্ষ্য দেওয়া—সেই সকল পতিত পাপমতিগণের জীবনের নিত্য নৈমিত্তিক কার্য। গাঁজা, চরস আদি নিকৃষ্ট নেশা সেবন তাহাদের জীবনের পরম আনন্দ—চরম উদ্দেশ্য। সামান্য কিছু অর্থ পাইলে তাহারা যাহা ইচ্ছা তাহাই করিতে পারে। দুই চারিটা টাকায় বশীভূত হইয়া তাহারা হাসিতে হাসিতে সাধু সজ্জনের জাত মারিতে—কুলবতীর কুল কলঙ্কিত করিতে—নিরীহ ব্যক্তির হাতে মাথা কাটিতে কিছুমাত্র কুণ্ঠিত হয় না। ইহাদের মধ্যে অনেকেই পোষা পালিত কুকুরের মত হারু রায়ের বাড়ীতে ঘুরিয়া বেড়ায়। রজনীর রূপ যৌবন অর্থ ও ভাবভঙ্গী স্ত্রীর একটা প্রধান কারণ।

ঘাটের মাঝে নয়নবোকে বিনা কারণে অনেক কথা শুনাইয়া—পদ্যফুলে বজ্রাঘাত করিয়া—রজনী বাড়ী আসিয়া, ভাই

সোল এজেন্ট—কমলিনী-সাহিত্য-মন্দির

হারু রায়ের সহিত পরামর্শ আঁটিতে লাগিল। রজনী কহিল,  
‘দাদা, তুমি জনা চাটুযোকে হাত কর, টাকায় পিছিও না।  
টাকা আছে—আমি আছি।’

হারু, ভগ্নীর উৎসাহ পাওয়া লোকপুরের বদমায়েস-দলের  
সদার জনা চাটুযো ও তাহার দলস্থ অপর পাঁচ জনকে হাত  
করিল। রজনী দুই হাতে টাকা ছড়াইতে লাগিল। গোপাল  
বন্দুর বিরুদ্ধে সত্বর একটা বিষম বৈরীদল ও ভীষণ যড়যন্ত্র হইল।

গোপাল কলেজ ছাড়িয়া লোকপুরের কয়টি সুশীল তরুণ  
বন্ধু ছাত্রকে লইয়া আপনার বৈঠকখানায় একটি পাঠাগার  
প্রতিষ্ঠা করিয়াছিল। গোপালের চরিত্রগুণে সহৃদতায় ছাত্রগণ  
তাহাকে যেমন হৃদয় ভরিয়া ভক্তি করিত, তেমনি প্রাণ দিয়া  
ভালবাসিত। তাহারা গোপালের জন্ম দুপুর রাত্রে জলে ডুবিতে  
পিছাইত না। ছাত্রগণের মধ্যে পিতৃহীন ছেলে বিজন  
অনেক সময় গোপালের বাড়ীতে থাকিত। গ্রাম সম্পর্কে  
গোপাল তাহার খুড়া। তাই উষা, বিজনকে দাদা বলিয়া ডাকিত।  
বিজন, উষাকে ছোট বোনের মত স্নেহ করিত। এই পবিত্র  
স্নেহ মমতাকে বিকট সাজে সাজাইয়া ‘হারুর দল’ লোকপুরে  
একটা ভীষণ আন্দোলনের আগুণ জ্বলাইয়া তুলিল। ঘাটে  
পথে নানাস্থানে জনে জনে নানা ভাবে গোপালের ঘরের কুৎসা  
কলঙ্কের কথা বাহির করিতে লাগিল। তাহার ফলে নব্বনের  
ও উষার ঘর হইতে বাহির হওয়া বিষম দায় হইয়া উঠিল।

উষার মুখে বড় একটা কথা কেহ কখন শুনিতে পায় না।

১১৪ নং আহিরীটোলা ষ্ট্রীট, কলিকাতা

গোপাল সময়ে সময়ে হাসিয়া উষাকে 'দেবকন্ঠা' বলিয়া ডাকে । দেবকন্ঠা নরলোকের সঙ্গে কথাবার্তা বলে না বলিয়া, গোপাল সময়ে সময়ে কন্ঠা উষার সহিত ব্যঙ্গালাপ করিয়া থাকে । একেই উষাও মুখে সাত-চড়ে কথা নাই, তত্পরি বিজন সম্বন্ধে তাহার প্রাণঘাতী কথার রটনা হুগুয়ায়, উষা মরমে মরিয়া একেবারে মাটিতে গিণিয়া গেল । গোপালের সুন্দর সুপ্রশস্ত মুখের হাসি, উজ্জল চক্ষুর প্রতিভা লুকাইল—তাহার শরীর শুষ্ক, শীর্ণ হইল । যে নয়নকে সম্মুখে দেখিলে, গোপাল হাসিমুখে স্বর্গ-সুখকে পায়ে ঠেলিতে পারিত, সেই নয়ন আজ তাহার শূন্য দৃষ্টিতে মহাশূন্যে ভাসিয়া গেল ।

কয়দিন পরে গ্রীষ্মের ছুটিতে খুল কলেজ সব বন্ধ হইল । গোপালের প্রাণের বন্ধু প্রবোধ সেই ছুটি উপলক্ষে বাড়ী আসিল । প্রবোধ গোপালের বাল্য-সহচর, সমপাঠী, এক গ্রামবাসী । গোপাল পাড়া ছাড়িয়া নয়নকে হৃদয়ে ধরিয়া অভাবের সংসারে দুঃখের ভাত পরম সুখে খাইতেছিল । প্রবোধও পাড়া ছাড়িয়া কলিকাতায় স্কুল-মাষ্টারী করিতেছিল । প্রবোধ বাড়ী আসিয়া, পত্নীর মুখে গোপালের পারিবারিক ব্যাপার শুনিল । গোপালের সহিত তাহার বিশেষ বন্ধুত্ব ছিল । সে গোপালকে ও তাহার স্ত্রী কন্ঠাকে ভালরূপেই জানিত । গ্রামের দুরাচারগণের ব্যবহারে প্রবোধ প্রাণে বড় ব্যথা পাইল ।

প্রবোধ নিদাঘের মেঘের মত মুখখানা বিষন্ন ও ভারাক্রান্ত  
সে.ল এজেন্ট—কমলিনী-সাহিত্য-মন্দির

করিয়া গোপালের কাছে আসিল। গভীর কণ্ঠে কহিল, 'কি ঠিক করে? আমি তো বলেছিলাম, গায়ে বসে থেকে না।'

গোপাল মৃত-চক্ষে প্রবোধের মুখপানে কিছুকাল চাহিয়া রহিল—তার মুখ হইতে কোন কথা বাহির হইল না। প্রবোধ, গোপালের অসাড় গায়ে ধাক্কা দিয়া কহিল, 'বাজে লোকের কথায় মন খারাপ করো না। ওরা তো কতকগুলো শিয়াল কুকুর, ওদের কথা কে ধরে?'

এতক্ষণে গোপালের অসাড় চেতনা জাগিয়া উঠিল। গোপাল উত্তেজিত কণ্ঠে কহিল, 'এখন কি আর গায়ে মানুষ আছে? গা তো এখন শিয়াল কুকুরে ভরে গেছে। ওদের কথাই এখন কথা, ওদের কাজই কাজ।' প্রবোধ কহিল, 'তা হলে বল, লোকপূর মরে গেছে। এমন মরা-গায়ে থ'কতে নাই।' গোপাল কহিল, 'কতকগুলো শিয়াল কুকুরের ভয়ে গাঁ ছেড়ে চলে যাওয়া তো বড় লজ্জার কথা।'

প্রবোধ সন্দর্পে কহিল, 'যদি শিয়াল কুকুর বলে তাদের বুঝে থাক, অত ভয় সঙ্কোচ কিসের?'

গোপাল...মিথ্যা ভয়, মিথ্যা সঙ্কোচ তাও জানি, তাও বুঝি। সমাজের কুসংস্কার কু-প্রথা দূর করতে অনেক সহগুণ চাই তাই জানি। হিন্দুর প্রাণে কি যে আত্মীয় দুর্বলতা—সে অন্যায়সে সব সহ্যেতে পারে, পারিবরিক ঘনি কুৎসা সে কিছুতেই সহ্যেতে পারে না।

প্রবোধ কহিল, 'তা না পারবে তো আগে সতর্ক হলে না কেন ?'

গোপাল...লোকপূর যে এমন উচ্ছন্ন গেছে তা আগে বুঝতে পারিনি।'

প্রবোধ...যা হবার হয়েছে এখন কর্তব্য কি ঠিক করছ ?

গোপাল...তুমি কি বল ?

প্রবোধ গম্ভীর কণ্ঠে ধীরে ধীরে কহিতে লাগিল, 'আমি আগেও বলেছি—আমি মনে করি, এখন এ গ্রাম ত্যাগ করাই উচিত। যদি বল, যে গাঁয়ের কোলে পালিত হয়ে এত বড় হলেম, যে মায়ের মত বুকের দুধ খাইয়ে মানুষ করলে তাকে মরণের দশায় ফেলে আপনার স্বথ সাক্ষন্দ খুঁজতে যাওয়া কি মানুষের কাজ ? তা নয়, কাজটা খুবই মন্দ। মানুষের দেহ ধরে মানুষের জীবন পেয়ে যে দেশের জন্ম—জন্মভূমির জন্ম কিছু না ক'রে কেবল আপনার ভোগ আপনার ঐশ্বর্য নিয়েই চিরজীবন ব্যস্ত থাকে, সে কখনই মানুষ-নামের যোগ্য নয়। মৌমাছি পিপড়ে পর্যন্ত দশটায় মিলে আপন আপন জায়গার জন্ম খাটে, মানুষ হয়ে যে তা ঝোঁবে না, মানে না সে যে মানুষের আকারে ইতর জানোয়ার—এ কথা খুবই মানি—কিন্তু ভাই, দেশ তো আর নেই, দেশ মরে গেছে—কঙ্কাল হয়েছে। সেই কঙ্কাল নিয়ে কতকগুলো ভূত পেত্নী ছেঁড়াছিঁড়ি করছে।

গোপাল কহিল, "কথায় আমি কোনকালেই মানতে

সোল এজেন্ট—কমলিনী-সাহিত্য-মন্দির



রাজী নই। এখনও আমাদের পাড়াগাঁয়ে ছ'একটা ভাল প্রাণ আছে—তারাই দেশের শক্তি। তাদের নিয়ে গাঁয়ের জন্ত খাটতে পারে এখনও মরা দেশকে বাঁচানো যায়। আমিও তাই মনে করেছিলাম আর তাই মনে করেই এত স'য়েও গাঁয়ের কোলেই মাথা দিচ্ছে পড়েছিলাম। ভেবেছিলাম, প্রাণ দিয়ে গাঁকে জাগাবো। গাঁ-গুলো জাগলে, দেশ জাগবে। বাস্তবিক কথাটা খুবই সত্য যে, যে গাঁ সেই দেশ। গাঁ-গুলোকে না জাগালে কখনই দেশ জাগবে না। জাতটা সহরে বাস করে না—জাতটা দেশে গাঁয়ে-ই থাকে।'


প্রবোধ, গোপাল ছুই জনেরই দেহে এখনও যৌবনের খুব গরম রক্ত বহিতেছে। এখনও কলেজের গন্ধ তাহাদের ধমনী বহিয়া ছুটিতেছে। সংসারের স্বার্থপরতা বা দেশের আবহাওয়ার জড়তা এখনও তাহাদিগকে সম্পূর্ণরূপে বাংলার মত মাটিতে মিশাইতে পারে নাই। দেশের জন্ত, জাতটাকে জাগাইবার জন্ত প্রত্যেক শিক্ষিত ব্যক্তির জীবনে যে একটি বিশেষ দায়ীত্ব আছে—এ কথাটা তাহাদের প্রাণের প্রত্যেক পরমাণুতে অল্প প্রাণিত রহিয়াছে। লোকপুর গ্রামে এখনও পর্য্যন্ত আরও কয়জন শিক্ষিত যুবক আছে। তাহাদের মধ্যে কেহ মুনসেফ হইয়া কখন শলদীপে কখন বারিপুরে ঘুরিতেছে, আর বদলি হইবার সময় প্রত্যেকবার হাইকোর্টের সপ্তম পুরুষ অভিশপ্ত করিতেছে। কেহ ওকালতি আরম্ভ করিয়া আদালতের বৃক্ষতলে ঘুরিতেছে আর শূন্য চক্ষে, হতাশ প্রাণে, ম্লান মুখে উনিভারসিটিকে নরকস্থ

করিতেছে। দেশের কথা ভাবিবার বা বুঝিবার জন্য তাহাদের সময়ও নাই প্রয়োজনও নাই। অবশিষ্ট যে দুই একজন প্রবোধ ঘোষের মত ছুলমাটারী বা অন্য কোন কাজ করে, তাহারা দুটি উপলক্ষে গ্রামে কখন আসিয়া সখের সভা সমিতি করে ও বক্তৃতার গলাবাজীতে ও স্বদেশী-সঙ্গীতে দেশ উদ্ধারের সংসারী প্রহসন অভিনয় করিয়া থাকে—গোপাল ও প্রবোধ তখন তাহাদের মাথা হইয়া দেশের জন্য কিছু করাইয়া লইবার চেষ্টা করে।

গোপাল ও প্রবোধ মনের আবেগে আপনাদের দেশ গ্রাম সম্বন্ধে কিছুকাল কথাবার্তা—আন্দোলন আলোচনা চালাইল। অবশেষে উঠিবার সময় প্রবোধ উৎসাহভরে কহিল, 'কিছু ভেবো না, কিছু মনে করো না। শীগগির এ ঝড়ো-মেঘ উড়ে যাবে ও আবার ফরসা হলে।'

গোপাল ঈষৎ হাসিয়া কহিল, 'আমায় যে একঘরে করতে চায়।'

'একঘরে না হয় দু'ঘরে হয়ে থাকবে' বলিয়া প্রবোধ হাসি মুখে প্রস্থান করিল।



## ষষ্ঠ পরিচ্ছেদ

হাক রায়ের ঘরে একটা খুব-জাঁক-জমকের মজলিস জমিয়াছে। জনা চাটুঘো, হরি রায়, মতি বোস প্রভৃতি দলবল লইয়া গোপালের গৃহ-পরিবার সম্বন্ধে একটা তুমুল আন্দোলন আরম্ভ করিয়াছে! মতি বসু, গোপালের জ্ঞাতি-শত্রু। গোপালের বাস্তু-ভিটার সহিত গোপালের বাস্তু সংলগ্ন। গোপাল, বিষয় সম্পত্তি টাকা কড়ি সম্বন্ধে চিরদিনই উদাসীন, আবার এক আঙ্গুল জমি, মতি বসুর পাজরার হাড়। একটা ভেরাণ্ডার বেড়া, মতি ও গোপালের বাড়ীর বাগান দুইটাকে দুই ভাগ করিয়া রাখিয়াছে। সেই বেড়ার গোড়ার সীমানা লইয়া, কখন আগার সীমানা লইয়া মতি প্রায়ই গোপালের সহিত গোলযোগ বাধাইয়া থাকে। যে দিন মতি দুই চারিটা ভেরেণ্ডার গোড়া গোপালের জমির দিকে এক বা আধ-আঙ্গুল আগাইয়া দেয়, সেই দিনই তাহার সীমানার বিবাদ খুব সজোরে জাগিয়া উঠে; সেই দিন সে লক্ষ্মে-বক্ষে ভূমিকম্প করিয়া, চীৎকারে গগন ফাটাইয়া গাঁয়ের পাঁচজন জড় করে। গোপাল যেমন বিষয়-বিরাগী তেমনি বিবাদের বিষয় বৈরী। বিবাদ বাধিবার উপক্রম হইলে পাছে মতি স্ত্রী কন্যা সহ সংগ্রাম-ক্ষেত্রে উপস্থিত হয়, পাছে কার্য-গতিকে কোন প্রকারে কুল-ললনার কিঞ্চিন্মাত্র ধানি বা মান সম্বন্ধের হানি ঘটে, এই আশঙ্কায় জড়সড় হইয়া গোপাল এক পাশে নীরবে দাঁড়াইয়া

থাকে। মতির কথা নিতান্ত অসহ্য বোধ হইলে, গোপাল কবিক উদ্ভেজনায় বশে প্রতিবাদ করিতে উদ্যত হয়, নয়ন ক্রতপদে আসিয়া তখন গোপালের হাত ধরিয়া টানিয়া গৃহে লইয়া যায়। গাঁয়ের যে পাঁচজন দেখিতে শুনিতে আসে, তাহারা মতির দাপে ভীত হইয়া ‘গোপালের সবই অন্যায় অত্যাচার’ বলিয়া মতির স্বপক্ষে ‘রায়’ প্রকাশ করিয়া প্রস্থান করে। জ্ঞাতি-সম্পর্কে গোপাল মতিকে দাদা বলিয়া ডাকে। ভূমি সম্পত্তি লইয়া এইরূপ বিরোধ হিসাবে ও স্বাভাবিক জ্ঞাতি শত্রুতার হিসাবে মতি বহুকাল হইতে গোপালের বন্ধ-বৈরী হইয়া দাঁড়াইয়াছিল, সে যে কিরূপে গোপালের বিষম অনিষ্ট সাধন করিয়া সেই শত্রুতার শোধ লইবে, তাহাই দিবানিশি চিন্তা করিতেছিল, সেই চিন্তায় সে উন্নতের ন্যায় হইয়া উঠিয়াছিল! এমন সময়ে স্বর্ণ সুযোগ সমুপস্থিত! মতি আকাশের চাঁদ হাতে পাইয়া আনন্দে নাচিতে লাগিল।

জনা চাটুষ্যকে কহিল, ‘হরি ঘোষের মায়ের শ্রাদ্ধ খুব জাঁকিয়ে হবে। সমাজ নিমন্ত্রণ করবে, পাঁচ-গাঁয়ের লোক জড় হবে—সেই ভোজে পাত পাড়বার সময় হাতে হাঁড়ি ভাঙবো। ওর ঘরের কথা বার করে হাত ধরে পাতা থেকে উঠিয়ে দেবো।...আমায় বলে বদমায়েস লোক!’

মতি কহিল, ‘তাতে ও জন্ম হবে না, কলকাতায় চলে যাবে। একে কাণা করে ঘরে পুরে রাখতে হবে—ওর কাটা ঘায়ে হুনের ছিটে দিয়ে জ্বালাতে হবে—তবে মনের রাগ মিটবে।

সোল এজেন্ট—কমলিনী-সাহিত্য-মন্দির

হাক্ক রায় কহিল, 'সে কি পেরে উঠবে? দেশের সব ছোট লোক ওর হাতে। আবার মহকুমার মেজেষ্টের মফস্বলে এলে আগে ওর খোঁজ করে, ব্যাটার সঙ্গে দেখা ক'রে সব পরামর্শ করে। ওকে মারা-ধরা বড় কঠিন কাজ। 'ই' করতে হাজার লোক ওর পিছু হাজির হয়।'

দলের মধ্যে হরি রায় কিছু ভীক। সে ভীত কণ্ঠে কহিল, 'ও সব ফোজদারী হাক্কামার দরকার নেই। তার ওপর ওকে পারবে না। খয়রাতি চিকিৎসার জোরে দেশের সব ছোট-লোক ওর হাতে।'

হাক্ক কহিল, 'শুধু চিকিৎছে নয়, ওষুদ, পথ্য সব খয়রাতি তারপর আপদ বিপদে দেশভুক্ত সব লোকের ঘরে সে দাখিল হয়।'

হরি...এধারে দিনটা ভাল, দান ধ্যানও আছে। বরাত শুণে বোঁটা আর মেয়েটাও তেমনি হয়েছে।

হরির কথায় মতি বোস তেলে-বেগুনে জলিয়া উঠিল। গোপালের সুখ্যাতির কথা তাহার প্রাণে বিষের কাঁটার মত বিদ্ধ হয়। মতি হরি রায়ের পানে ভীক কটাক্ষে চাহিয়া উগ্রকণ্ঠে কহিল, 'তঁা বা তুলসী হাতে ক'রে যখন এর পক্ষে সাক্ষী দেবে, তখন ও সব কথা ব'লো। ক' টাকা ঘুষ খাইয়েছে বল তো?'

হরি ভীতভাবে সঙ্কচিত কণ্ঠে কহিল, 'না না ভায়া, আমার তামাসার কথাটা বুঝতে পারলে না, আমি হতভাগার বুজুকির কথাটা বলছি। কত রকম ভঙ্গি যে জানে আর কত ভাবই করে,

ধরে সাধ্য কার। আমি বল্লম এক ভাবে, তুমি কথাটা নিলে  
আর একভাবে।’

হরি রায়কে দলের সকলে চিনিত। সে অতি ভীক—  
অবস্থা অনুসারে ভাব অনায়াসে বদলাইতে পারে বৃষ্টিয়া সকলে  
মনে মনে হাসিল। জনা চাটুঘো কহিল, ‘তোমার মত লোকের  
কোন ভাল কাজে থাকতে নেই, ঘরে ঘোমটা দিয়ে’ ঘুমোতে হয়।

হরি রায় নীরবে ভীত-চক্ষে ইহার উহার মুখের পানে  
চাহিতে লাগিল। তখন জনা চাটুঘো স্পষ্টই কহিল, ‘হারি, তুমি  
ঘরের ছেলে ঘরে যাও—কোন কথায় খেকো না। হরিকে  
ইতস্ততঃ করিতে দেখিয়া, জনাচাঁদ কঠোর কণ্ঠে তাড়না করিয়া  
কহিল, ‘যাও যাও, উঠে যাও।’

জনা চাটুঘোর গঞ্জিকা-রক্ত চক্ষু ও কঠোর গর্জনে ভীত  
হইয়া হরি রায় উঠিয়া দ্বারে ধীরে প্রস্থান করিল। বেশী দূর সে  
যাইতে পারিল না, একটু আড়ালে আসিয়া দাঁড়াইল—যাহা  
শুনিল, তাহাতে সে স্তম্ভিত হইল।

জনা কহিল, ‘গোপালকে একেবারে শেষ ক’রে দেওয়া  
যাক! কথায় বলে, রোগের শেষ আর শত্রুর শেষ রাখতে নেই।’

জনার প্রস্তাবে হারি রায়, মতি বসু একটু স্তম্ভিত হইয়া  
লাগিতে লাগিল। হারি কুঞ্চিত কণ্ঠে কহিল, ‘কথায় বলে, ধর্মের  
ঢাক বাতাসে বাজে। যদি একটু স্ত্রীতোর আগায় বেরিয়ে পড়ে,  
তবেই সধনাশ! হয় ফাঁসি নয় দীপাস্তুর!’

জনা সদর্পে কহিল, ‘শান্ত্রই বলে, কাপুরুষের বিড়ম্বনা পায়-

সোল এন্ট—কমলিনী-সাহিত্য সন্দির

পায়। ভীক দুর্ভল লোক ঘরের কোণে ব'সে পরের পয়জার হজম করে—হাজার ঝাঁটা-নাখী মারলেও তাদের লক্ষ্মী হয় না।'

জনাব কথায় হাক উত্তেজিত হইয়া কহিল, 'তা বটে। জন্ম-ভায়া ঠিক কথাই বলেছ। চোখ বুঁজে আর গর্ভে পড়ে ঘুমোলে চলছে না। গোপাল বোসের ভারি বাড়ানি হয়েছে; বাড়ানিটা না ভাঙলে আর চলছে না। কথায় বলে, 'খাক প্রাণ থা'ক মান।' যায় প্রাণ যাবে—একে ঠিক করা চাই-ই।'

মতি কহিল, 'ওকে ধনে-প্রাণে মারতে হবে, তার উপায় কি তাই ভেবে ঠিক কর।'

জনাব চাটুখ্যে তীব্র হাসি হাসিয়া প্রকাণ্ড লম্বা গৌপ জোড়াটার তা'দিতে দিতে কহিল, 'শম্মার মুখ দিয়ে বাজে কথা কোন কালে বের হয়নি। কাজের জোগাড় না ক'রে আশি মুখের কথা বের করি না। বাশবেড়ের রেসো-বাগ্দাকে না জানে কে? সে অঞ্চলে সে ডাকাতের সর্দার—গুণ্ডার দলপতি। রেসো আমার মুঠোর মধ্যে। সোদনে শুনেই সে বললে 'দাদা-ঠাকুর, তোমার জন্মে হাসতে হাসতে মাথা দেব, কথা রইলো।'

মতি কহিল, 'শুনলেম, তুমিও সেদিন তাকে খুব বাঁচিয়েছিলে। রেসো রায়গাঁর রায়দের বাড়ী ডাকাতি করে ফিরবার সময় প্রায় ধরা পড়েছিলো—তাকে পিছু পিছু অনেক দূর তাড়িয়ে এনেছিলো। ধরে ধরে—এমন সময় বনের পথ থেকে বেরিয়ে পড়ে তুমি লোকটাকে ক' কোণে শেষ করলে, তাই রেসো বেঁচে গেল।'

জন্য সগর্বে কহিল, 'ক' কোপ কি? মানুষের মাথায় কি আর এক কোপের বেশী লাগে, যদি অস্ত্রখানা একটু ধারাল হয়?' মতি কহিল, "রেসোকে নিয়ে কি করবে?"

জন্য কহিল, 'গোপালের বাড়ী ডাকাতি করবো—তাকে ধনে প্রাণে মারবো। ওই শালাই হচ্ছে গাঁয়ের শত্রুর—দেশের শত্রুর।

রজনী একটু আড়ালে দাঁড়াইয়া সমস্ত গুণিতেনি। সে দ্রুত পদে আসিয়া কহিল, 'না না, অতটা নয়। প্রাণে মারতে হবে না। বেশী বাড়াবাড়ী করে শেষটা নিজেদের বিপদ টেনে আনবে। ওর বাড়ীতে ডাকাতি ক'রে কোন ফল ফলবে না, ওর ঘরে কিছু নেই। মিছে কেবল বিপদ ডেকে আনবে।'

জন্য চাটুঘ্যে সদর্পে কহিল, 'যা কিছু ওর ঘরে আছে সব লুটে আনব। অবশেষে আঙা-বাচ্ছা সব এক-গড় ক'রে কেটে রেখে আসবো।'

জন্যর ভাবে, কথায় ও কণ্ঠস্বরে রজনীর রমণী-প্রাণ থর থর কাঁপিয়া উঠিল। রজনী ভীত কাতর স্বরে কহিল, 'জন্য দাদা, অমন কথাটা আর মনেও ভেবো না—মুখেও এনো না। অল্প রকমে সমাজে একঘরে ক'রে—কুৎসা বদনাম ক'রে গোপালকে যাতে জব্ব করতে পার তার চেষ্টা কর—তাতে যত টীকা লাগে, আমি আছি। নইলে, ওসব কুপরামর্শে কুচক্রে আমি নেই।

জন্য একটু মুচকি হাসিয়া, রজনীর পানে একটু আড়নয়নে  
সোল এজেন্ট—কমলিনী-সাহিত্য-মন্দির



চাহিয়া কহিল, 'গোপাল শালা যে কি গুণ জানে—চোখে দেখলেই মেয়েমানুষ ভুলে যায়।'

রজনীও তেমনি হাশ্বে তেমনি ভঙ্গীতে জনার প্রতি চাহিয়া একটু চুপে চুপে কি কহিল—অপরে তাহা শুনিতে পাইল না। হারু, ভগ্নীর রসভাষে সুবিধা সুযোগ প্রদানের জন্য বাহিরের দিকে চলিয়া গেল। জনার্দন ও রজনীর ভাবভঙ্গী দেখিয়া মতি কহিল, 'আমি একটু আসি দাদা।' জনার্দন সদর্পে কহিল, 'ভাল খাবার সময় সব-শালা, আর মাথা দেবার সময় জনা চাটুষ্যে, কেমন?'

মতি কুণ্ঠিত কণ্ঠে কহিল, 'না দাদা; ধর্ম সাক্ষী করে বলছি—মাথার উপর চন্দোর সূচি—তুমি যা' বলবে—প্রাণ পণ করে বলছি, তা ক'রতে এক পা পিছোব না।'

জনার্দন কহিল, 'হাঁ, খালি ফাঁকা মুখের কথায় কাজ মিটবে না। আজ রাত-দুপুরে মা শবাসনার মন্দিরে ধর্মঘট করে সব প্রতিজ্ঞে করিতে হবে।'

মতি অত্যন্ত আনন্দভরে কহিল, 'বেশ কথা—শত্রু নিপাত ধর্মেরই কথা। ধর্মেরই কথায়—ধর্মঘটই শাস্তোর বাক্য।' বলিয়া মতি প্রস্থান করিল। জনার্দন গোপালের কথা তুলিয়া রজনীকে ভৎসনা করিতে লাগিল।

## সপ্তম পরিচ্ছেদ

লোকপুবে কলেরা আরম্ভ হইল। গ্রামের পশ্চিম প্রান্তে বাগ্দীপাড়া। লোকপুরের বাগ্দীপাড়ায় আর হাড়িপাড়ায় এখনও বহু লোকের বাস। নিষ্ঠুর নির্ধন সৰ্বগ্রামী ম্যালেরিয়া আক্রমণ এই দুইটা পাড়া কিছুমাত্রও খালি করিতে পারে নাই। এখনও ঐ দুইটা পাড়া লোকজনে মুখরিত। হাজার হাজার হাড়ী বাগ্দী এই দুইটা পাড়ার জীবিত থাকিয়া লোকপুৰকে সজীব করিয়া রাখিয়াছে। গোপাল এই দুই পাড়ার আবল বৃদ্ধ বনিতার প্রাণ-স্বরূপ। গোপালের পায়ে একটি কাঁটা ফুটিলে তাহাদের প্রাণ কাঁদিয়া উঠে।

সৰ্বপ্রকার মহামারী দেশের ইতর-পল্লীতেই মূলশিকড় গাড়ে। কলেরা সৰ্বপ্রায়ে বাগ্দীপাড়া আক্রমণ করিল। ভোলা বাগ্দী, বাগ্দী-পাড়ার মাথা : পাড়ার মধ্যে তাহার অবস্থা সকলের অপেক্ষা ভাল। এখন বাগ্দীদের সকলেরই অবস্থা বেশ স্বচ্ছল। পূর্বের সে দুঃখ এখন আর তাদের নাই। সে ছেঁড়া ময়লা কাপড়, কাঁথা, আব অনাহারে শীর্ণ শুষ্ক মুখ আর তাহাদের মধ্যে বড় একটা দেখিতে পাওয়া যায় না। কারণ, তাহারা এখন কাজের লোক হইয়া দাঁড়াইয়াছে। এখন আর তেমন জন মজুর খাটিয়া আট আনা আনিয়া আগেই ছয় আনার তাড়ি খায় না, অথবা একদিন খাটিয়া পাঁচদিন বসিয়া ধরশান

টানিতে টানিতে মিছা গাল-গলে কাল কাটায় না। এখন তাহারা দিন-ভোর পরিশ্রম করে। পরের ঘরে মজুরি করে, আপন ঘরে চাস-বাস তরকারি-পাতি করে। উৎপন্ন ফসল নিজেরা স্থখে ভোগ করে—অবশিষ্ট অংশ গ্রামের হাটে-বাজারে বিক্রয় করে। তাহাদের খাওয়া পরা চালচলন আর সাবেক রকম ময়লা অপরিষ্কার নাই। বিশেষতঃ রাতে তাঁত চরকা চালাইয়া তাহারা খদ্দের কাপড়, চাদর, জামা, বিছানা পর্য্যন্ত পর্য্যাপ্ত ও উন্নত করিয়া তুলিয়াছে। শারীরিক খাটনি খাটিয়া যে সময়টুকু বাঁচাইতে পারে, সেটুকু লেখা পড়ার চর্চায় আনন্দে কাটাইয়া দেয়। যখন কাশীদাসী মহাভারত ও কীর্তিবাসী রামায়ণ স্মরণ করিয়া পাঠ করিতে করিতে তাহারা রাম যুধিষ্ঠিরের নীতি ধর্ম, লক্ষণ ও ভীমার্জুনের ধৈর্য বাধ্য পরস্পরকে বুঝাইয়া দেয় ও আলোচনা করে, তখন ইহসংসারেই তাহারা স্বর্গস্থ উপভোগ করে। শতমুখে গাঁজা-তাড়ি ও মদের নেশায় নির্বিবাদে হৃদয়ের অনুভূত উদ্গোরণ করিতে থাকে। এক কথায় পূর্বে তাহারা মানব দেহ, মানবজীবনকে যেমন অতি অসার তুচ্ছ সামগ্রী বোধে অনায়াসে মরণকে বরণ করিতে পারিত, এখন আর তাহা পারে না। এখন হাসিমাখা-স্নান-পুত্রের মুখগুলা লইয়া স্থখের সংসারকে খুব দামী বলিয়া অনুভব করিতে শিখিয়াছে। তাহাদের এই অভাবনীয় পরিবর্তন ও শিক্ষা দীক্ষার মূলভূত কারণ, গোপালের অদম্য উদ্যম ও সহানুভূতি। গোপালের উদ্যোগ যত্ন ও চেষ্টায় লোকপুত্রের হাড়ি-পাড়াও এখন ভঙ্গ-পল্লীতে পরিণত

হইয়াছে। এখন তাহাদের মধ্যে অনেকে খবরের কাগজ পড়ে, দেশের কথা সমাজের কথা আলোচনা করে—এমন কি বাংলার বাবুদের মত কংগ্রেসের আন্দোলন লইয়া আপনাদের মধ্যে তত্ব বিতর্ক করিতে—ছোট মুখে বড় কথা 'বলিতে এখন আর লজ্জা বা কুণ্ঠা বোধ করে না। তাহাদের দেখা দেখি পার্শ্ববর্তী অন্যান্য গ্রামের ইতর লোকেরাও অনুকরণ করিয়া 'ভদ্র' হইয়া উঠিল দেখিয়া দেশের ব্রাহ্মণ কায়স্থ ও ব্যবসায়ী—তিলি তাখুলি ইত্যাদি ধনী সম্প্রদায় অত্যন্ত কুপিত ও ঈর্ষান্বিত হইয়া গোপাল ও তাহার দলবলকে অভিশপ্ত করিতে আরম্ভ করিল। দেশ ব্যাপিয়া কথা উঠিল, 'কাশী বোসের ছেলে গোপাল বোস দেশটার মাথা খেলে। কুলি-মজুর মিলবে না, আপনাদের মাথাঘ মোট বইতে হবে। হাতে লাঙ্গলের মুট ধরে চাষবাস করতে হবে।' আরও জাত্যাভিমानी সম্প্রদায় এইরূপ নানা ভাবের নানাকথা বলিয়া—তত্বপরি নানা প্রকার ভয় প্রদর্শন করিয়া ইতর শ্রেণীর লোকদিগকে এবং গোপাল, প্রবোধ প্রভৃতির দলকে দমন করিবার চেষ্টা করিতে লাগিলেন। তাহারা যখন খুব বেশী রকম পীড়াপীড়ি করিতে আরম্ভ করিলেন, তখন দুই একজন ছাড়া, প্রবোধ প্রভৃতি যুবকদল দেশ ছাড়িয়া কলিকাতায় পলায়ন করিল। গোপাল অটল অচলভাবে সমান উচ্চমে কাজ চালাইতে লাগিল। তাহার 'নাইট-স্কুল' আরও অধিক রাত্রি পর্যন্ত চলিতে আরম্ভ করিল। তাহার ফলে এই দাঁড়াইল—গোপাল বসু যতই দেশের ভদ্র

লোকদিগের বৈরা ও অপ্রিয় হইতে লাগিল, ততই সে ছোট লোকদিগের প্রাণের দেবতা হইয়া উঠিল। তাহারা সত্যই স্বর্গের দেবতা জানে গোপালকে প্রাণের পূজা প্রদান করিতে লাগিল। গোপাল যেন তাহাদিগের জন্মদাতা পালন কর্তা পিতা ও গোপালের পত্নী 'নয়নমণি' তাহাদের গভধারণী জননী হইয়া দাঁড়াইল। হাড়ি-বাগ্দী-পাড়ায় কাহারও ক্ষেতে একটি নূতন বেগুন বা কাহারও কলাগাছে কলা ফলিলে, দেবতা ব্রাহ্মণকে না দিয়া তাহারা নূতন ফলটি লইয়া মহা আনন্দভরে ছুটিয়া সর্কাগ্রে গোপালের ঘরে দিতে আইসে। নয়ন লইতে অনিচ্ছা বা কুণ্ঠা বোধ করিলে তাহারা প্রাণের মধ্যে দারুণ আঘাতের বেদনা অনুভব করে। অগত্যা গোপাল তাহাদের হৃদয়ের ভক্তি অর্গ্য দুই হাতে গ্রহণ করিয়া, তাহাদের বুকভরা ভালবাসার প্রতিদান - আশীর্ব্বাদে পরিতুষ্ট করিত।

ভোলার বাড়ীতে এক ছেলে। ভোলা কয়দিন পূর্বে খুব জাঁক জমকে ছেলের বিবাহ দিয়া নূতন বৌ ঘরে আনিয়া সংসার সার্থক ও জীবন ধন্য করিয়াছে। ভোলার একমাত্র ছেলেকে রাহি দুই প্রহরের সময় কলেরা আক্রমণ করিল। ভোলা ছুটিয়া গোপালের বাড়ী আসিল, পাগলের মত বকিয়া, গোল করিয়া গোপালকে ডাকিল। ভোলার গলে গোপালের ধুম ভাঙ্গিয়া গেল। গোপাল হাড়াতাড়ি উঠিয়া বাহিরে আসিয়া ভোলার মুখে সংবাদ শুনিয়া কহিল, 'ভোলা-দা, তুমি ঘর যাও, আমি ডাক্তার নিয়ে এখনই খাব।'

গোপাল গ্রামের ডাক্তারকে লইয়া অতি সত্বর ভোলার বাড়ী আসিল। সমস্ত রাত্রি জাগিয়া গোপাল ভোলাব ছেলেকে হোমিওপ্যাথিক ঔষধ খাওয়াইতে লাগিল। এ বেলা হইলে বিজ্ঞান প্রভৃতি কয়টি ছাত্র আসিয়া গোপালকে ছাড়িয়া দিল! তাহার পর ভোলার ছেলের চিকিৎসা সূক্ষ্ম চালাইতে লাগিল। দেখিতে দেখিতে বাদগী-পাড়ায় আরও কয় ঘরে কলেরা দেখা দিল। গোপাল ডাক্তার লইয়া ছুটাছুটি করিতে লাগিল।

কলেরার আবির্ভাবে বাদগী-পাড়ায় মেয়ে পুরুষ সকলের মুখ শুকাইয়া গেল। গোপালকে দেখিয়া তাহারা মৃত দেহে জীবন লাভ করিল। তাহাদের মনে হইল, যেন কোন স্বর্গের দেবতা তাহাদের বিপদরাশি দুই হাতে তাড়াইবার জন্ত নীচে নামিয়া আসিয়াছেন। গোপাল বহু চেষ্টা করিয়াও সকলকে বাঁচাইতে পারিল না। প্রায় পঁচিশটি রোগীর মধ্যে পাঁচটি মারা পড়িল, অবশিষ্টগুলি যে বাঁচিয়া উঠিল সে কেবল গোপালের যত্ন ও সূক্ষ্মতার ফলে। ভোলার বড় সাধের একমাত্র ছেলেটি মারা পড়িল। ভোলার স্ত্রী ঘন ঘন মুচ্ছিতা হইতে লাগিল, ভোলা পাগলের ন্যায় অধীর হইয়া মাটিতে মাথা খুঁড়িতে লাগিল। বাদগী ও হাড়ীপাড়ার উন্নতিকল্পে ভোলা গোপালের দক্ষিণ হস্ত। সেজন্য গোপাল দু'র রাতে জলে ডুবিতে বলিলে ভোলা সেই মুহূর্তেই ডুবিয়াছে। গোপাল ভোলার প্রাণের দেবতা। গোপাল ভোলাকে সবলে কোলের মধ্যে ধারণ সোল এজেন্ট—কমলিনী-সাহিত্য-মন্দির

করিয়া প্রবোধ বাক্যে বুঝাইতে লাগিল। গোপাল কহিল, ভোলা-দা, জান'ই তো, জন্ম মৃত্যু সবই ভগবানের হাত। এখানে যতদূর সাধ্য ততদূর চিকিৎসা করানো হ'য়েছে—সেজন্য তোমার দুঃখের কারণ নেই। ভগবানের জিনিষ ভগবান নিলেন এই ভেবে এখন মনকে বুঝাও। ওষুদে ও ডাক্তারে যদি মরণ বন্ধ হতো, তা হলে মহারাণীর ছেলে মরত না। যার যখন সময় ফুরোবে তাকে তখন যেতেই হবে। কালের মুখ থেকে স্বয়ং ভগবানও ফিরিয়ে নিতে পারেন না। মহাভারতে পড়েছ ত, অর্জুনের মত ক্ষমতা মানুষের মধ্যে নেই, আর শ্রীকৃষ্ণ স্বয়ং ভগবান। সেই অর্জুনের ছেলে—আর ভগবান 'শ্রীকৃষ্ণের' ভাগ্নে অভিমু্যর অকাল-মৃত্যু তো কৈ বন্ধ হলো না!' গোপালের প্রবোধ বাক্যগুলি তড়িৎশক্তির ন্যায় ভোলার মৃতপ্রায়-প্রাণে প্রবেশ করিয়া তাহাকে সজীব করিয়া তুলিল। গোপালের প্রাণপণ চেষ্টায় বাগ্‌দী-পাড়া হাড়ি-পাড়া প্রভৃতি ইতর পল্লী হইতে কলেরা বিদূরিত হইল। তথাকার অধিবাসীগণ সুস্থ ও সবল হইয়া গোপালের নিকট চিরঋণী—চিরকৃতজ্ঞ রহিল।

### অষ্টম পরিচ্ছেদ

লোকপু্রে এক মহাসমারোহের ক্রিয়া আরম্ভ হইয়াছে ! হরিষ ঘোষ তখন তখাকার একজন খুৎ বড়লোক । হরিষবাবু নানারকম ব্যবসা ও কন্ট্রাক্টেরা কায্য করিয়া বহু অর্থ উপাঞ্জন করিয়াছেন । তাহার পুরাতন ভাঙ্গা খড়ো-ঘরের ষায়গায় এখন প্রকাণ্ড অট্টালিকা মাথা খাড়া করিয়া গগন স্পর্শ করিতেছে । অট্টালিকার বাহির-অংশ ও মধ্যভাগে অতি সুন্দর মার্বেল-প্রস্তুত-মণ্ডিত পূজার দালান । দালানের দুই পাশ্বে দুই বৈঠকখানা । বৈঠকখানা দুইটি নানা রকমের কোচ, কেদারা, আয়না, ছবি ইত্যাদিতে পরিশোভিত । পূজার দালানের সম্মুখে অতি প্রকাণ্ড ইষ্টক সিমেন্ট-বাঁধান অঙ্গন । হাজার-দেড় বা ততোধিক লোক অনায়াসে সে অঙ্গনে বসিয়া ভোজন করিতে পারে । সেই বৃহৎ অঙ্গন আজ বহুলোক পরিপূর্ণ । অঙ্গনের উপরিভাগ নীলবর্ন-চন্দ্রাতপে আচ্ছাদিত হইয়াছে ! তাহাদের বৈঠকখানার একটিতে বহু প্রাচীন লোক, নানা বর্ণের চিত্র বিচিত্র গালচা-তুলিচা-মোড়া চৌকিতে উপবিষ্ট । তাহাদের মধ্যে কতগুলি বিজ্ঞ বৃদ্ধ ব্যক্তি হরিষবাবুকে ঘেরিয়া অযাচিত অমূল্য উপদেশ—পরামর্শ প্রদান করিয়া কর্মকর্তাকে কৃতার্থ করিতেছেন । হরিষবাবুর মাতৃ-শ্রাদ্ধ । মহাসমারোহে দানসাগর

সোল এজেন্ট—কমলিনী-সাহিত্য-মন্দির



ক্রিয়া! তদুপলক্ষে হরিষবাবু বিদেশে কৰ্মস্থল হইতে বহুকাল পরে গৃহে আসিয়াছেন।

বিষ্ণু বৃদ্ধগণের গ্রাম্য-পণ্ডিত প্রসিদ্ধ শিরোমণি মহাশয় কহিলেন, 'হরিষ, ভগবানের কৃপায় তোমার অবস্থা এখন খুবই ভাল। তুমি পিতৃ মাতৃভক্ত অতি সচ্চরিত্র ব্যক্তি। পিতা মাতা লোকের একবারই মরে। সাধু-শাস্ত্রে বলে, 'সকল ঋণ শোধ হয়, মাতৃঋণ শোধ হয় না!' মাতৃশ্রদ্ধ উপলক্ষে পিণ্ড প্রদানে আর ভূরিভোজন দানে সে মহাঋণের আংশিক পরিশোধ সম্ভব। মাতৃ আশীর্ব্বাদে কমলার কৃপায় তুমি জীবনে সে শুভ সুযোগ লাভে সমর্থ হয়েছ। এমন সুযোগ হেলায় হারিও না বাপু।'

হরিষবাবু সত্যই অতি সংপাত্র। হরিষবাবু অতি সামান্য অবস্থা হইতে অতি উন্নত অবস্থা লাভ করিয়াছেন! তাঁহার অবস্থা বদলাইয়াছে, কিন্তু মতিগতি চালচলন কিছুমাত্র গরম হয় নাই, একইরূপ নরম আছে। হরিষবাবু চিরদিনই দীনভাবাপন্ন সদাশয় ও বিনীত। শিরোমণি মহাশয়ের কথায় হরিষবাবু বিনীত কণ্ঠে কহিলেন, 'আপনারা মহাত্মা মহাজন। আপনাদের শুভ আশীর্ব্বাদ অবশুই সফল হবে। আমি তো এখন বিদেশে—বিদেশবাসী। আপনারা দয়া ক'রে দেখা শুনা করুন, যাতে কাজ হয় তার ব্যবস্থা করুন।'

শিরোমণি কহিলেন, 'তোমার মাতাঠাকুরাণী মণি পুণ্যবতী ছিলেন। তাঁর কাজ সূচরূপেই সম্পন্ন হ'বে তাতে আর

সন্দেহ কি? তবে তুমি একটা কাজ কর বাপু।' হরিষবাবু করষোড়ে কহিলেন, 'আজ্ঞা করুন।'

শিরোমণি... 'তুমি' দীর্ঘ বাঁড়ুঘ্যেকে একত্র করো। দীর্ঘ দেশের অনেক কাজে কর্তৃত্ব করেছে। সে বড়লোকের ছেলে, নিজেও অনেক বড় কাজ করেছে। দীর্ঘ তোমার এ বৃহৎ কাজ খুব ভাল ভাবেই সমাধা করে দেবে।'

নারায়ণ রায় গ্রামের বনিয়াদী বংশের লোক। তাঁহাদের বাড়ীতেও পূর্বে বহু বড় বড় কাজ কর্ব হইয়া গিয়াছে। এখন আর রায়বংশের তেমন অবস্থা নাই—তেমন কাজ কর্বের অমুঠানও নাই। তাল-পুকুরের তাল আর নাই—আছে মাত্র নাম। রায় মহাশয়দের নাম, মাত্র নামে আছে—কাজে আর কিছুই নাই। বাস্তবিক যখন বনিয়াদি বংশের অর্থগত কার্যগত শক্তি বিনষ্ট হয়, তখন তাহার আভিজাত্যের অভিমানটা সতেজে ফুটিয়া উঠে। শিরোমণি মহাশয় রায়দের নাম করিলেন না। দীর্ঘ বাঁড়ুঘ্যেকে বাড়াইয়া বড় করিলেন। তাঁহার কথাটা, গ্রামের বনিয়াদি বংশের লোক নারায়ণ রায়ের প্রাণে বড় বাজিল। তিনি আর স্থির থাকিতে পারিলেন না, কহিলেন, 'কাজ তো করবেন, কিন্তু কাজ হবে কি করে?'

গ্রামের অন্য জনৈক প্রৌঢ় কৈলাস হালদার, নূতন বড়লোক হরিষ ঘোষের মোসাহেবী উমেদারী করিতেছে, সে সঙ্গে সঙ্গে গর্জিয়া কহিল, 'কেন? কাজ হবে না কেন? কে আটক করবে এ কাজ? এ তো যে সে লোকের বাড়ীতে যে সে কাজ

নয়! এ কাজে কে বাধা দিতে পারে—কার বাপের ঘাড়ে ক'টা মাথা?’

নারায়ণ রায় কহিলেন, ‘গাঁয়ে যে দলাদলির ঘোঁট উঠেছে, তাতে কাজ যে সূচাক্রম সন্মাদা হয়, এমন তো মনে হয় না।’ হরিষবাবু ভীত হইলেন, ভীতকণ্ঠে কহিলেন, ‘আমার দূরদৃষ্ট! এমন আমি মহাপাপী, আমার কাজ সহজে সফল হবে কেন?’

শিরোমণি সদর্পে কহিলেন, ‘কে বলে দলাদলি? কেন, কি ঘটনা কোথা ঘটেছে যে গাঁয়ে একটা দলাদলি ঘটবে?’

যহু রায়, নারায়ণ রায়ের স্বপক্ষের ও সবংশের লোক। যহু গর্জিয়া কহিল, ‘সে দেখে নেবে। যখন ঘটবে, তখন দেখে নেবে সব, কেন—আর কোথা কি ঘটলো।’

শিরোমণি-চতুষ্পাঠীর ছাত্র কয়জন ক্ষীত বক্ষে ক্ষীত কণ্ঠে কহিল, ‘হাঁ হাঁ! দেখা যাবে কে কি করে!’

যহু কহিল, ‘দেখার আগে সাবধান হওয়াই ভাল, কুতীর-অর্থনষ্ট আর লোকের মনকষ্ট—কথাটা তো ভাল নয়! এতটা কা খরচ হবে, শেষটা যদি কার্য পণ্ড হয়, তবে ছুঃখের পরিসীমা থাকবে না।’

হরিষবাবু কাতর কণ্ঠে কহিলেন, ‘তবে আপনারা আমায় অনুমতি করুন, আমি গঙ্গাতীরে যে কোন রকমে মায়ের পিণ্ড দান করি।’

শিরোমণি একটু চিন্তিত হইলেন। তিনি ভাবিতে ভাবিতে বিজ্ঞাসা কহিলেন, ‘কেন। হয়েছে কি, ব্যাপারটা কি এমন

ঘটলো যে, গাঁয়ে এমন সময় একটা দলাদলি বাধবে? কে বাধাবে? হরিষ অতি সজ্জন ব্যক্তি। গায়ের কেন—দেশের যাতে মঙ্গল হয় সে জন্য হরিষ বহু টাকা মুক্ত হস্তে দান করছে। ভগবান তাকে যেমন দিয়েছেন, তেমনি অর্থের সদ্যবহারও সে সর্কক্ষণ করতে প্রস্তুত।’

খোসামুদে কৈলাস হালদার উচ্চৈশ্বরে কহিল, ‘এই সেদিন সাধারণের রাস্তা মেরামতের জন্য বাবু অনায়াসে পাঁচ হাজার টাকার চেক কেটে দিলেন। গায়ের লাইব্রেরীর জন্য পরশু পাঁচশ টাকার বই কিনতে দিলেন। তা’ছাড়া গোপনে যে কত—সে আর কত মুখে কত বলব? কত অনাথা বিধবাব অন্ন বস্ত্র দান করছেন বাবু, তা তো চণ্ডের মাথা খেয়ে ব্যাট-বেটারি দেখতে পাও না! এমন পুণ্যাত্মা ব্যক্তির বাড়ীতে এত বড় একটা ক্রিয়া উপলক্ষে যে-ব্যাটা গোলযোগ উপস্থিত করবে, ভগবান নিশ্চয়ই তার মাথায় বিনা মেখে বজ্রাঘাত করবে।’

শিরোমণি কহিলেন, ‘একটু স্থির হও। এখন তোমরা কেউ কোন রকম গোলমাল ‘ক’রো না। আমাদের ভিতরি-ভিতরি সব আগে জানতে দাও, আর কোন কথাই এখন প্রয়োজন নাই।’ এই বলিয়া শিরোমণি মহাশয়, হরিষবাবুর ওসাড় হাত ধরিয়া সঙ্গে লইয়া প্রস্থান করিলেন। অপর সকলে তাঁহার পশ্চাৎ পশ্চাৎ প্রস্থান করিলেন।

নারায়ণ রায় ও যত্ন রায় উচ্চৈশ্বরে নানা কথার আলোচনা

সোল এন্ড-কমলিনী-সাহিত্য-মন্দির

করিতে করিতে প্রস্থান করিল। হরিষবাবুর উৎফুল্ল ভবন নীরব—নিরানন্দময়।

বাহিরে গরীব লোকেরা দল বাধিয়া স্থানে স্থানে আড্ডা করিয়া হরিষবাবুর বাটির আন্ধ উৎসব সম্বন্ধে আলোচনা করিতে লাগিল। তাহাদের মধ্যে কেহ কেহ আনন্দ উৎসাহ ভরে কহিল, 'ভারি ঘট! দান সাগর আন্ধের এমন কাণ্ড এদেশে কেউ দেখেনি—শোনেনি। গোরামিজ্জি লুচি ভাজবে!' এইরূপ নানাভাবে নানা কথা কহিতে লাগিল।

— — —

### নবম পরিচ্ছেদ

লোকপুরের জেলে-ঘাটে মেয়েদের একটা খুব বড় মজলিস। পশ্চিম-গগনে সূর্য্য হেলিলে গ্রামের অনেক মেয়ে, যুবতী, প্রৌঢ়া বৃদ্ধা কক্ষে কলসী লইয়া—ঘরে কলসী-ভরা জল ফেলিয়া জল আনিতে এই জেলে-ঘাটে আসে। গল্প-গুজবে, পরচর্চায়, পরের কথায় আনন্দ উপভোগই উদ্দেশ্য—জল আনাটা অছিল। বিশেষতঃ, গ্রামের নূতন বড়লোক হরিষবাবু মাতৃশ্রদ্ধ উপলক্ষে বাড়ী আসা অবধি মেয়েঘাটের মজলিস বেশী রকম জমিয়াছে। হরিষবাবুর বাড়ীর বোঁ ঝি নানা বেশভূষায়—নানা অলঙ্কারে সাজিয়া সন্ধ্যার আগে এই ঘাটে আসে আর হাত নুখ চোখ

নাড়িয়া নানা ছাঁদে নানা কথা বলে। তাঁহাদের মধ্যে অনেকে স্বামীর সঙ্গে নানা স্থানে বাসায় বাসায় ঘুরিয়া থাকে—অনেকে বর্তমান বঙ্গের বিলাস-সভ্যতার কেন্দ্র কলিকাতায় বাস করে। তাহাদের মুখের বহু ভাবের বহু কথা গুনিবার জ্ঞ, বহু রকমের ভাবভঙ্গী দেখিবার জ্ঞ লোকপুরের অনেক মেয়ে—যাহারা সচরাচর এ ঘাটে আসে না, তাহারাও আসিতে আরম্ভ করিয়াছে।

সন্ধ্যার কিছু পূর্বে জেলে-ঘাটে—দেখিতে দেখিতে অনেক মেয়ে উপস্থিত হইল। হরিষবাবুর বাড়ীর অনেক মেয়ে, বউ আসিয়া ঘাটের মেয়ে-মজলিসে যোগদান করিল। অনেক নূতন বৌ, বি হাঁ করিয়া তাহাদের বসন ভূষণের বৈচিত্র্য-বাহুল্য দেখিতে লাগিল। তাহাদের মধ্যে কয়েকজনের স্বামী হাকিম কেহ ডেপুটি ম্যাজিস্ট্রেট, কেহ মুন্সেফ, কাহার স্বামী উকীল। হাকিমের যাহারা পত্নী, তাহারা হাকিমী-চালচলনে মেজাজ খুব ভারী করিয়া ছই একটা কথার অমূল্য রত্ন নরলোকে নিক্ষেপ করিতে লাগিলেন। যে ভাগ্যবতী পল্লী-রমণীর পানে চাহিয়া তাঁহারা কথা কহিলেন, তাহারা আপনাদিগকে কৃত-কৃতার্থ মনে করিল। যখন স্বদেশিনী ও বিদেশিনীগণের নানা কথায় মেয়ে-মজলিস ভরপুর জমিয়া উঠিল, তখন মড়ার মত জড়সড় হইয়া ঝলিত চরণে ভগ্নপ্রাণে নয়ন ঘাটে আসিল। ঘাটের একপাশ হইতে জল লইয়া নয়ন সত্তর ক্রতপদে প্রস্থানের উপক্রম করিলে, রজনী ঘাটে আসিল। রজনী একাই একসহস্র। ঘাটে পৌঁছিবার সোল এজেন্ট—কমলিনী-সাহিত্য-মন্দির

পূর্ব হইতেই সে উচ্চকণ্ঠে কথা কহিতে আরম্ভ করিয়াছিল। তাহার উচ্চ কথায় ঘাট তোলপাড় হইয়া উঠিল। তাহার দর্পে ও রবে আর সকলের স্বর ও কথা ডুবিয়া গেল। রজনী গলার স্বর সপ্তমে চড়াইয়া কহিল, 'বড় শুভক্ষণে হরিষ-কাকার বাড়ীতে ধুমধামের ক্রিয়া আরম্ভ হয়েছে। এ শ্রাদ্ধে আর এক মহাপাপীর শ্রাদ্ধ পর্য্যন্ত হয়ে যাবে।'

হরিষবাবুর বড় বৌ, রজনীকে চিনিতেন। সবজাঙ্গা রজনীকে কেবল লোকপুর নয়, পার্শ্ববর্তী আরও আট দশখানি গ্রামের লোক পর্য্যন্ত ভালরূপেই জানিতেন। ফলে রজনী, নিজ গুণে নিজ শক্তিতে দেশমধ্যে আপনাকে বিনক্ষণ অস্থির করিয়া তুলিয়াছিল। রজনীকে দেশের সকল সং-সাধু ব্যক্তি ভয়ও করিত, ঘৃণাও করিত। গ্রামের সাধ্বী রমণীগণ রজনীকে দেখিয়া হাড়ে হাড়ে কাঁপিতেন। বাঘ দেখিলে কুরঙ্গী যেমন ভীত চকিত হইয়া উঠে, রজনীর সম্মুখে পড়িলে তাঁহাদের সেই দশা ঘটিয়া দাঁড়ায়। রজনী কি বলিতে কি বলে—কাহার নামে কি কুৎসা কলঙ্কের আপবাদ রটনা করে—এই ভয়ে তাঁহারা সর্বক্ষণ কাঁপিতেন। হরিষবাবুর বড় বৌ—বড় লোকের বধু হইলেও মনে মনে রজনীকে ভয় করিতেন। বড় বৌ—বহুদিন পরে দেশের বাড়ীতে আসিয়াছেন। রজনীকে ঘাটে দেখিয়া তিনি তাহাকে মঙ্গলামঙ্গল জিজ্ঞাসা করিবার আগেই রজনী পরের শ্রাদ্ধের ব্যবস্থা করিল। দেখিয়া বড়বৌ উৎকণ্ঠিত হইলেন, ভীতভাবে জিজ্ঞাসা করিলেন, 'কার শ্রাদ্ধ রজনী?'

রজনী কহিল, 'বলেন যে, একটা মহাপাপীর শ্রাদ্ধ এই সঙ্গে হবে ।'

ঘাটের সকল মেয়ে রজনীর কথায় স্তম্ভিত হইল । তাহারা চকিত নয়নে পরস্পরের মুখ চাওয়াচায়া করিতে লাগিল । বড় বৌ কহিলেন, 'তোমার কথা তো ভাল বুঝতে পারলাম না রজনী ।'

রজনী উত্তর কহিল, 'কেন ? লোকে কি জানে না ? দেশের কোন লোকটা সে কথা শোনেনি—কোন লোকটা তা' জানে না ?' বড় বৌ কহিলেন, 'আমরা তো দেশে থাকি না, দেশের খবর কি করে রাখবো বাছা ?' নয়ন আগেই রজনীর ভাব—রজনীর কথার ভাব বুঝিয়াছিল । সে দ্রুতপদে প্রশ্ন করিল । কুৎসা, পরনিন্দা-প্রিয় বয়সীরা রজনীকে উৎসাহ দিয়া কহিল, 'কথাটা খুঁজেই বলনা, রজনী দিদি ! সত্য কথা বলতে ভয় কি ?'

রজনী তাহাদের কথায় আরও উৎসাহিত হইয়া কহিল, 'ধর্মের ঢাক বাতাসে কাজ । দশমুখে ধর্ম—দশজনেই বলছে । গোপাল বোসের বাড়ি'র কাণ্ড কারখানা—কেলেঙ্কারী কে না জানে ? কে না বলছে ? তাই তো গাঁয়ে এত গোলমাল উপস্থিত হয়েছে । সকলেই বলছে, 'গোপাল বোসকে একঘরে করতে হবে । তাকে নিজে আর সঙ্গে বসে খাওয়া হবে না ।'

রজনী'দেবী প্রায় রজনীর সমকক্ষা সমজাতীয়া । সে একটু মুচকি হাসি হাসিয়া কহিল, 'তা তত বাড়াবাড়ি করে সমাজ মানবে কেন ?'

রজনী উচ্চকণ্ঠে ডেলে খাট তোলপাড় করিয়া কহিল,

সোল এঃঃ—কমলিনী-সান্ত্য-মন্দির



'বলবো কি রঙ্গ-দিদি, দিনে দুপুরে ছোড়াগুলোকে নিয়ে যে কাণ্ড করে—ছিঃ ছিঃ, ভদ্র লোকের ধরে—বামুন কায়েতের ধরে এমন সর্ব্বনেশে কাজ—গলায় দড়ি! ছিঃ ছিঃ, দেখবে, শ্রদ্ধ-ভোজের দিনে কি কাণ্ড হয়!'

হরিষবাবুর বড় বৌ নখাটা শুনিয়া বড় চিন্তিত হইলেন। তিনি কহিলেন, 'তাই তো রঙ্গনী, তোরা পাঁচজন থাকতে সেই দিনে গণ্ডগোল বাধবে? আমরা তো দেশে থাকি না। কত দিন পরে এই ক্রিয়া উপলক্ষ করে দেশে এলেন। ভাবলেন, এমন কাজটা আপন দেশে করাই ভাল। দশটা আপনার লোক নিয়ে আমোদ আহ্লাদ লোক-লোকতা করা হবে। দেখতে শুনেতে সব দিকেই ভাল। তা এমন হলে এখানে কাজ বন্ধ করতে হয়। গাঁয়ের যে এমন কপাল পুড়েছে তা জানলে কি আমরা দেশে আসতেন, না গাঁয়ে এ কাজের উদ্যোগ করতেন। পোড়া লোকে আর সময় পেলেন না? আমাদের বাড়ীর কাজের সময় তাদের বত মনের ময়লা জেগে উঠলো!'

রঙ্গনী ক্রুদ্ধা কণিণীর গায় গজ্জিয়া কহিল, 'লোকের দোষটা হ'লো কি? যে দোষী তাকে কিছু বলবে না, নির্দোষীকে নিয়ে টানাটানি! নইলে আর কালটাকে 'কলি' বলবে কেন? হায়রে ধর্ম্ম! কি দশাই দেশের হয়েছে! এমন দেশে কি থাকতে আছে? না না, কখনই না। দেশ ছেড়ে চলে যাবো, আগে কাজটা মিটে যাক। দেখি কোথাকার জল কোথায় দাঁড়ায়! তারপর এর ব্যবস্থা করবোই করবো।'

রজনী কহিল, 'তা বটেই তো। যার যা মনে আসবে সেই তা করবে, আবার তাদের সঙ্গে—তাদের হাতে খেন্নে হাতে হিঁদুর জাতজন্ম থাকবে কি করে?'

সধবা অবস্থায় রজনী বাগ্গী-পাড়ার দুইটা যুবককে লইয়া একবার বহুদিনের জন্য রাস দেখিতে গিয়াছিল। সেই কথা ঈর্ষিত করিয়া তেজস্বিনী মোহিনী দেবী কহিলেন, 'কেন? কথটা কি? গোপাল বোস কি এমন কুকাজটা করেছে? তার মেয়ে, বউ কি কেউ বেরিয়ে গেছে? কত লোকের বৌ যে ছুলে-বাগ্গী নিয়ে রাস দেখতে যায়—আবার বাইরে গিয়ে রাস-লীলাও করে আসে, তাদের কে কি করে? কে কি বলে? যত চোরদায়ে ধরা পড়লো গোপাল বোস আর তার বৌ-টা! তারা কি না নেহাৎ ভাল মানুষ। দেশের হিত হয় কিসে তাই নিয়ে ঘুরে মরে—তাই তাদের যত শত্রু! ও, 'কালের কি ধর্ম!'

রজনী তেলে-বেগুনে জলিয়া উঠিল। সে প্রচণ্ড উগ্রমূর্তি ধারণ করিয়া কহিল, 'তা দেখা যাবে সেদিন কে তাকে রক্ষা করে! দেশের লোক একসঙ্গে জমবে—সমাজের সব লোকই তো আসবে—বিচারে কি হয়, কি দাঁড়ায় তা দেখা যাবে। কার সাধ্য, কার ঘাড়ে সাতটা মাথা তাকে রক্ষা করে সেদিন, সেইটে একবার বুঝে নোব।'

হরিষবাবুর বড় বৌ ভীতা হইলেন। তিনি কুণ্ঠিত কণ্ঠে কহিলেন, 'দেখ মা রজনী, তোমাদের হাতে ধরে বলছি, এ

সোল এজেন্ট—কমলিনী-সাহিত্য-মন্দির

সময়টা আর কেউ কিছু কোরেনা। এবারে আমাদের মুখ চেয়ে সবাই চুপ করে থাকে। আর না হয় বলা, আমরা দেশ ছেড়ে চলে যাই।’

মোহিনী দেবী চিরদিনই গায় ও ধর্মের পক্ষে যুক্তকণ্ঠে কথা কহিয়া থাকেন। অগ্রায় অত্যাচার তিনি কোনকালেই নীরবে সহিতে পারেন না। লোকে সেজন্য তাঁহাকে ‘কর্কশ-ভাষিনী’ বলিয়া আখ্যা দি য়াছে। মোহিনী দেবী বড় গলা করিয়া উচ্চকণ্ঠে কহিলেন, ‘বেশ তো, দেখা যাবে কে গোপাল বোসের কি করে। আহা, বেচারী দিন রাত মাথা ঘামাচ্ছে. কিসে দেশ ভাল হয়—কি উপায়ে ছোট বড় সবাই সুখে থাকতে পারে। আহা, মানুষ তো নয়, যেন সদানন্দ পুরুষ—স্বর্গের দেবতা। সদাই ঘাড় ঝেঁট—কত নরম, কত শান্ত! তারই অনিষ্ট চেপ্টা—ওঃ! পদাফুলে বজ্রাঘাত! দেশ কে উচ্ছন্ন যাবে। এমন দেশ যে জলে পড়ে মরুভূমি হয়ে যাবে!’

এই বলিয়া মোহিনী দেবী ডল লইয়া দ্রুতপদে প্রস্থান করিলেন। তাঁহার পশ্চাৎ অপর সকলেই একে একে চলিয়া গেলেন। কেবল রজনী—রজনীকে লইয়া মতলব ও পরামর্শ আঁটিতে লাগিল। রজনী কহিল, ‘তুমি বাড়ীতে ঠিক থেকো। মনে রেখো, রজনী এখনও মরেনি। অন্য লোক টাকা খরচ করবে রজনী একেবারে মরে থাকবে না।’

হরিপুরের কাশীবাবুকে হাত করে, কোথাকার গোপাল বোস একপাশে মরে থাকবে। একশ টাকা কাশী বাবুর হাতে গুঁদে

দিলে—সে-ই সমাজ ঠিক করে নেবে। গরীব হ'লেও এখনও তার বংশ-মর্যাদা একেবারে ঢাকেনি, এখনও সমাজের অনেকে তাকে মানে—চেনে।' এই বলিয়া রঙ্গিনীর পানে চাহিয়া একটু কটাক্ষ করিয়া মুচকি হাসি হাসিয়া রঙ্গনী কহিল, 'কাশীবাবু আমাদেরই হাতের লোক। প্রায়ই আমার বাড়ী যাওয়া আসা করে।'

রঙ্গিনী কহিল, 'না ভাই, এ বড় অসহ-অপমান। প্রাণ থাকতে এ অপমান সহবে না। এর প্রতিশোধ নিতেই হবে। টাকা লাগে তাতে আমিও পিছোবো না। আমরা নেহাত আজও মরিনি দিদি।'

রঙ্গিনীর স্বামী তেজারতি মহাজনী কারবার করিয়া—লোকে বলে, বিশ পঁচিশ হাজার জমাইয়াছে।

### দশম পরিচ্ছেদ

হরিশবাবুর মাতৃশ্রদ্ধ উপলক্ষে বিরাট ভোজের আয়োজন হইয়াছে। সমাজের সকল ব্রাহ্মণ কায়স্থাদি উদ্রগণ নিমন্ত্রিত হইয়াছেন, ভুরিভোজনের ব্যবস্থা হইয়াছে. অসংখ্য কাঙালী সমাগত হইয়াছে। কাশী, কাঞ্চী, দ্রাবীড়, নবদ্বীপ, ভাটপাড়া প্রভৃতি স্থান হইতে বহু পণ্ডিত বহু শিষ্য লইয়া আসিয়াছেন। বাহির বাটিতে বসিয়া তাঁহারা শাস্ত্রের কথা তুলিয়া পরস্পর

সোল এজেন্ট— কমলিনী-সাহিত্য-মন্দির

তর্কযুদ্ধে বিভোর—আত্মহারা। বাটার বাহিরে কাঙালীগণ স্থানে স্থানে দল বাঁধিয়া চীৎকারে গগন ফাটাইতেছে। তথ্যিদারগণ নানাভঙ্গীতে নানাশ্বরে গান গাহিয়া স্বর্গ হইতে পুষ্প-রথ আনিয়া হরিষবাবুর মৃত জননীকে মশরীয়ে বৈকুণ্ঠে পাঠাইবার ব্যবস্থা করিতেছে। গ্রামের নানা স্থানে নিমন্ত্রণ বাড়ীর অঙ্গনে নিমন্ত্রিত ব্যক্তিগণ বসিয়া ধূমপানসহকারে কত খোস গল্পে মাতিয়া কক্ষবাড়ী মুখরিত করিয়া তুলিতেছে। কক্ষ-কর্তা মহাপণ্ডিত বিজ্ঞ-প্রবর শিরোমোণি মহাশয় চতুর্দিকে ঘুরিয়া ফিরিয়া তত্ত্বাবধান ও পরিদর্শন করিতেছেন ও হাশ্ববদনে মিষ্ট-বাক্যে সকলকে আপ্যায়িত ও পরিতুষ্ট করিতেছেন। মধ্যে মধ্যে তিনি পণ্ডিতমণ্ডলীর নিকটে আসিয়া সকলকে সর্বপ্রকার দোষ ক্রটি ক্ষমা করিবার জন্য অনুরোধ করিতেছেন। কক্ষী হরিষবাবু অতি বিনীত ভাবে করযোড়ে শিরোমণি মহাশয়ের পিছু পিছু ঘুরিতেছেন। ‘ক্ষমা করবেন, দয়া করে মার্জনা করবেন’ বলিয়া সকলের নিকট প্রার্থনা করিতেছেন। যেখানে কতকগুলি লোক একত্র জুটিয়া চুপে চুপে কোন কথা কহিতেছে, সেইখানেই শিরোমণি মহাশয় হরিষবাবুর সহিত ক্রতপদে অতি ব্যগ্রভাবে উপস্থিত হইয়া তাহাদিগকে শাস্ত সংযত হইতে সনির্বন্ধ অনুরোধ করিতেছেন। বাড়ীর পশ্চিমে বড় বড় চালাঘরে বায়ুন ঠাকুরের দল বাঁকুড়া ম্যানভূম জেলা হইতে আসিয়া লুচি, কচুরি, নানারকমের মিঠাই, সন্দেশ, তরকারি পাক করিতেছে ও সুবিধা সুযোগ বুঝিয়া বাটি-বাটি ঘটি-ঘটি ঘি, ময়দা সরাইবার যোগাড় করিতেছে

ও ধরা পড়বার ভয়ে ভীত চক্ষে চারিদিকে চাহিতেছে। তাহাদের কেহ কোনরূপ কার্যে অবহেলা বা চৌধ্য অপরাধে ভৎসিত কিম্বা অপমানিত হইয়া আপনাদের পুরুষপরম্পরাগত কুলমর্যাদার অভিমান করিয়া আর্তনাদ করিতেছে। ভাঙার ঘর বহু রকমের প্রচুর খাওয়ারব্যয়ে ভরপুর হইয়া, ক্ষুধার্ত্ত ঔদরিকগণের সতৃষ্ণ দৃষ্টি ও লোলুপ রসনা—অতি তাঁর ভাবে আকর্ষণ করিতেছে। হরিষবাবুর বাটি তিন মহলে বিভক্ত। সন্ধ্যা পশ্চাতে রন্ধন-মহল। রন্ধন-মহল আজ মহিলাগণের কণ্ঠস্বর ও কথাবার্ত্তায় মুখরিত। পাকশালার মধ্যে পাক-ক্রিয়ার পরিপূর্ণা অভিজ্ঞা গৃহিণীগণ বিবিধ অন্ন-ব্যঞ্জন পাকে নিরতা। বাহিরে, অন্ধনে গৃহের দাসী বা গ্রামের 'রেমোর মা' 'হরের মা' জোঠ বাঁধিয়া কোনো স্থানে বসিয়া মাছ কুটিতেছে—কোথাও তরকারি বানাইতেছে ও গ্রামের বা বাটার বৌ কি দিগের গুণ, ব্যবহার বর্ণনা করিয়া শ্রোতৃবৃন্দের মন মুগ্ধ করিতেছে। চারিদিকে গোলমাল। চারিদিকে মহাগোল—'দাও' 'খাও।' বৃষোৎসর্গ দানসাগর প্রভৃতি বিরাট ব্যাপার। সমাধা হইলে দু'দিকে বৃহৎ অন্ধনে ভোজের আয়োজন হইতে লাগিল। এক অন্ধনে ব্রাহ্মণদিগের অপর অন্ধনে কায়স্থগণের ভোজন অমুষ্ঠানের পাত্রে লবণ লইয়া পরিবেশক দল উপস্থিত হইল।

এই সময় নিয়ন্ত্রিত সমাগত ব্যক্তিগণের মধ্যে একটা বিষম গোলমাল আরম্ভ হইল। গোপাল তখন গম্ভীর ভাবে নীরবে এক পাশে বসিয়াছিল। জনা চাটুষ্যে চীৎকার করিয়া কহিতে সোল এজেন্ট—কমলিনী-সাহিত্য-মন্দির

লাগিল, 'আপনারা সবাই গোপাল বোসের বাড়ী'ব কেলেকারীর কথা শুনেছেন! সে সকল কুর্ছা-কেলেকারী এদেশে কে না জানে?'

এই কথা শুনিবামাত্র সমবেত লোকদিগের মধ্যে চারিদিকে হৈ-হৈ রৈ-রৈ রব উঠিল। শিরোমণি মহাশয় হরিষবাবুকে লইয়া জনার সম্মুখে উপস্থিত হইলেন। হরিষবাবু কাতর কণ্ঠে অনুনয় করিয়া কহিতে লাগিলেন, 'জনর্দন, বাবা, এবারে ক্ষান্ত হও। আমার দয়া করে ক্ষমা কর। দেখ বাছা, আমি দেশে থাকিনা। মনে করে দেখ, তিনি তোমাদের কত ভালবাসতেন—কত যত্ন করতেন। তাঁর নাম স্মরণ করে, আমার পানে চেয়ে আজকের দিনটা স্থির হও।'

চোরা না মানে ধর্মের কাহিনী। জনর্দন আহত ভল্লুকের মত গর্জন করিতে করিতে কহিল, 'ওসব কথা কে শুনবে? ওসকল কথা আপনি রেখে দিন। কেন? আপনাকে তো পূর্বেই বলা হয়েছিল—আগেই আপনাকে সাবধান করে দেওয়া হয়েছিল। আপনি কৈ আমাদের কথা শুনলেন, কৈ দশজনের মান রাখলেন? জেনেছিলেন-ই-তো, গোপাল বোসকে নিমন্ত্রণ ক'লে একটা ভয়ানক গোলযোগ বাধবে।'

গোপাল একপার্শ্বে বসিয়া নীরবে শুনিতেন, তাহার পার্শ্বে কয়জন নব্য যুবক বসিয়াছিল। তাহারা ক্রুদ্ধ হইয়া গর্জন করিতে লাগিল। তাহাদের মধ্যে কেহ কেহ

কহিল, 'না, আর সহিতে পারা যায় না, এ বড় অসহ ব্যাপার। ছোট মুখে এত বড় কথা সহিতে পারা যায় না।'

গোপাল তাহাদিগকে শাস্ত করিবার জন্ত কহিল, 'দেখ, একটা মোটা কথায় বলে—'পাগোলে কি না বলে, মাতালে কিনা খায়।' ও কি আর একটা মাহুষ বলে গ্রাহ—ওর কথা কে শোনে—কে গ্রাহ করে? আজ হরিষবাবুর বাড়ীতে মহা সমারোহে কাজ। এ কাজে কোনরূপ বাধা হলে তাঁর কষ্টের সীমা থাকবে না।'

গোপালের কথায় যুবকদল শাস্ত হইল। শিরোমণি মহাশয়, দলাদলির কথা শুনিয়া একেবারে তেলে-বেগুনে জলিয়া উঠিলেন, তিনি ক্রুদ্ধকণ্ঠে কহিলেন, 'জনা, দেখ, তোকে বলি—বেশী কথা তুই বলিস না। খেতে এসেছিস, চুপে চুপে খেয়ে চলে যা।'

জনা চীৎকারে গগন ফাটাইয়া কহিল, 'কেন, আমরা কি ভিথিরি বামুন যে দেশে-দেশে বাড়ী-বাড়ী ভিক্ষা মেগে খেয়ে বেড়াই!' কৃষ্ণকায় লোমশ-দেহ জনার্দন দাঁত বাহির করিয়া চীৎকার করিতে তাঁহার মূর্তি প্রকৃতই ক্রুদ্ধ ভঙ্গুর মত হইয়া উঠিল। বালকগণ করতালি দিয়া হাসিতে হাসিতে কহিতে লাগিল, 'ওরে, জনা-ভালুক ক্ষেপেছে রে—জনা-ভালুক ক্ষেপেছে।' লোকপুরের বালক বৃদ্ধ বহু লোক জনার্দনকে পশ্চাতে 'ভালুক-চাটুখ্যে' বলিয়া নামকরণ করিয়াছিল।

শিরোমণি মহাশয়ের কথায় ও বালকদিগের উপহাসে জনার্দন ক্রিষ্ট-কুকুরের গায় হইয়া উঠিল। সে শিরোমণি মহাশয়ের মুখের নিকট হাত নাড়িয়া কহিল, 'তুমি টিকি নেড়ে বেশী

সোল এজেন্ট—কমলিনী-সাহিত্য-মন্দির



বড়াই ক'রো না। ভিথিরি বামুনের আবার এত বাড়াবাড়ি কিসে?' যখন শিরোমণি মহাশয় অপমানিত হইলেন, তখন অনেক লোক ক্রোধে গর্জিতে লাগিল। শিরোমণি মহাশয় সমাজের মাথা—আদর্শ মহাপুরুষ। গুণে জ্ঞানে তিনি লোকপূর অঞ্চলের ছোট বড় সকল লোকের প্রাণের দেবতা। তাঁহার অপমানে সমবেত লোকসকল ক্রুদ্ধ হইয়া জনা চাটুয্যেকে নানা ভাষে গালি বর্ষণ করিতে লাগিল। কেহ কেহ তাহাকে প্রহার করিতে উদ্যত হইল, গোলযোগ ক্রমে ভীষণ হইয়া দাঁড়াইল। জনার্দনের পক্ষে মতি বসু প্রভৃতি আরও অনেক ব্যক্তি উত্তেজিত হইয়া বিষম বিবাদ বাড়াইবার উপক্রম করিতে জনতা দুইভাগে বিভক্ত হইয়া পড়িল! উভয় পক্ষ হইতে গগনভেদী 'মার' 'মার' শব্দ উথিত হইয়া হরিষবাবুর বৃহৎ ভবন ছাইয়া ফেলিল। মহিলাগণ যিনি যে অবস্থায় ছিলেন তিনি সেই অবস্থায় উপর ছাদে দাঁড়াইয়া ভীত চক্ষে ব্যাপার দেখিতে লাগিলেন। বাঁকুড়া, মানভূমের বামুন ঠাকুরেরা নাঁঝরা, ছাতা হাতে লইয়া ছুটিয়া আসিল। তাহারা উচ্চকণ্ঠে কেহ কেহ বলিতে লাগিল, 'আমি বিষ্ণু-ঠাকুরের সন্তান' কেহ কহিল, 'আমি সাধুর সন্তান' কেহ কহিল, 'আমি ভগীরথের বংশের তিলক'—আমরা উপস্থিত থাকতে ব্রাহ্মণ ভোজনের ভাবনা?'

ঠাকুরদের মধ্যে দোলগোবিন্দ মুখ্যে সর্বত্র খুব কুলের গৌরব করিয়া বেড়ায়। তাহার পিতা কোথা হইতে আসিয়া মানভূম জেলায় দশ পনের খানি গ্রামে আপনার কুলের বড়াই করিয়া

দশ পনেরটি বিবাহ করিয়া কোথায় প্রস্থান করে ! সে কোথায়  
 জন্মে, কোথায় মরে তাহা এ পর্য্যন্ত কেহ জানিতে পারে নাই ।  
 দোলগোবিন্দের মাতা, স্বামীর প্রস্থানের বহুবৎসর পরে  
 দোলগোবিন্দকে প্রসব করে ও মাথায় মসলার ডালা লইয়া  
 গায়ে-গায়ে বেচা-কেনা করিয়া দোলগোবিন্দকে মানুষ করে ।  
 দোলগোবিন্দ চারি পাচ বৎসরের হইলে, জননী শিবাভূমিজকে  
 লইয়া গ্রাম ছাড়িয়া বিদেশে আসিয়া এক হোটেলে পাচিকার  
 কার্যে নিযুক্ত হয় । শিবাভূমিজ মরিলে, দোলগোবিন্দের মাতা  
 হাতে কিছু টাকা করিয়া গায়ে ফিরিয়া আসে ও একটা ভোজ দিয়া  
 সমাজে উজ্জলরূপে ধর্ম্য বজায় করে । দোলগোবিন্দ মানুষ হইয়া  
 হাতা, বেড়ী, কাঁঝরা সম্বল করিয়া 'ঠাকুর' বৃত্তি অবলম্বন করে ।  
 গলায় ময়লা কাল পৈতা ছাড়া তাহার ব্রাহ্মণত্বের অপর কোন  
 পরিচয় পাইবার যো নাই ।—সে সদরে ছুটিয়া আসিল । তখন  
 মুণ্ডিত-মস্তক হরিষবাবু অঙ্গনে যাইয়া নিমন্ত্রিত ব্রাহ্মণমণ্ডলীর  
 পদতলে পড়িয়া রোদন করিতেছিলেন । দোলগোবিন্দ  
 তাঁহাকে সাঙ্ঘনা করিবার জন্ত উচ্চকণ্ঠে বলিতে লাগিল, 'বাবু'  
 ভয় কি আপনার, আপনি কোন চিন্তা করবেন না । আমি  
 সাক্ষাৎ বিষ্ণু-ঠাকুরের সন্তান । এক আমাকে খাওয়ালে  
 আপনার দশহাজার বামুন-ভোজনের ফল হবে । আপনি  
 কোন চিন্তা করবেন না । আমার তাঁবে আরও অনেক ভাল  
 ভাল কুলীন বামুনের ছেলে আছে, উঠুন আপনি, আপনার  
 জাতকে আর খোসামোদ করতে হবে না ।' জনা চাটুদ্যের দল

তখন ক্রোধে প্রজ্বলিত অগ্নির গ্নায় জ্বলিতে লাগিল। জনা উত্তেজিত কণ্ঠে উচ্চৈশ্বরে কলিল, ‘আপনারা এখন ভেবে চিন্তে দেখুন, মানুষের খাতির করবেন কি জাত ধর্ম বজায় রাখবেন। মানুষ গেলে মানুষ মিলবে কিন্তু জাত ধর্ম একবার গেলে আর তা ফিরে পাওয়া যায় না। বিশেষ এমন কাজ—এত বড় দুর্ভাগ্য কাজ ক’রে লোকে যদি অনয়াসে হাসতে হাসতে পার হ’য়ে যায়, তবে সমাজের তো আর কোন ক্ষমতাই থাকে না। তা হলে যার যা মনে লাগবে, সেই তা করতে থাকবে।’

জনার কথায় নিমন্ত্রিত লোকদিগের মধ্যে একটা খুব গোলমাল বাধিয়া উঠিল। কতকগুলি অজ্ঞ মুখ লোক বলিয়া উঠিল, ‘তাই তো বটে, সমাজ কি এমনই মরা?’ ষাহারা নামে গঞ্জে কুলীনের বংশধর ছিল, তাহারা কহিল, ‘সমাজের কুলীনের ছেলেরা কি করেছে? রাজা বল্লালসেনের নাম কি এমনি ক’রে এর মধ্যে ডুবে যাবে? বটেই তো, যার যা মনে লাগবে সে কখন তা করতে পারবে না। গোপাল বোস সমাজের বুকে বসে এত বড় কাজ করে যে হাসতে হাসতে পার হ’য়ে থাকে, তা কখন হবে না। না—কখন না!’

জনা এই সময় চীৎকার করিয়া কহিল, ‘একা কি গোপাল? গোপালের মেয়ে বৌ-তে না করছে কি?’

গোপাল এতক্ষণ নীরবে এক পাশে বসিয়াছিল। তাহার বৈধব্য সহ-সীমা ছাড়াইয়া উঠিল, সে উন্নতের গ্নায় উঠিয়া দাঁড়াইল। বহু যুবক তাহার সঙ্গে উঠিয়া জনার সম্মুখে আসিয়া দাঁড়াইল, তাহাদের

মধ্যে কেহ কেহ জনাকে ধরিয়া প্রহার করিবার উद्यোগ করিল। গতিক ভাল নয় বুঝিয়া জনা সদলে চলিয়া গেল।

শিরোমণি মহাশয় উচ্চকণ্ঠে কহিলেন, ‘পাতা করিয়া দাও, ভোজন ক্রিয়া আরম্ভ হোক, যার খুসি হয় খাবে।’ পরিবেশক দল কলাপাতা ও লবণ লইয়া বাহির হইল। হরিষবাবুর ভোজনের বিরাট আয়োজন। কতকগুলি প্রকৃত উদ্ভলোক জনার দলের অন্তায় বুঝিয়া, গোপাল বসুর সততা জানিয়া কহিল, ‘আমরা গোপাল বোসকে চিনি, পাতা পাতিয়া দিন, আমরা বাসি।’ এই বলিয়া অনেক লোক বসিয়া গেল। বৃহৎ অঙ্গনের দুই অংশে দুই ভাগে ব্রাহ্মণ ও কায়স্থদিগের ভোজনের স্থান নির্দ্ধারিত হইয়াছিল, ব্রাহ্মণ কায়স্থ দুই ভাগে দুই দল বসিয়া গেল। যাহারা গোল বাধাইবার জন্য উৎসুক উৎফুল্ল হইয়াছিল, তাহারাও হরিষবাবুর আয়োজন দেখিয়া লোভ সামলাইতে পারিল না। মোণ্ডা মিঠাই সন্দেশ রসগোল্লার পাহাড় স্তূপ দেখিয়া অনেকের রসনা লক্ লক্ করিতেছিল। তাহারা পাতার উद्यোগ দেখিয়া বসিয়া পড়িল। কেবল কাশীনাথের কথা শুনিয়া কতকগুলি লোক জনার দলে যোগ দিবার জন্য প্রস্থান করিল—ফলে সমাজে দুইটা দল হইয়া দাঁড়াইল।

হরিষবাবু বালকের ত্রায় উচ্চকণ্ঠে কাদিয়া কহিলেন, ‘আমার মা-ঠাকরুণ পুণ্যবতী ছিলেন, তাঁর কাজে এমন হলো কেন? আমি মহাপাপী। আমারই পাপের ফলে—আমারই দূরদৃষ্টে এই রকম ঘটলো।’ এই বলিয়া তিনি সজোরে বুক

চাপড়াইতে লাগিলেন। শিরোমণি তাঁহাকে সাহুনা করিয়া কহিলেন, 'বৃহৎ কশ্মে গোল হ'য়েই থাকে। জ্ঞান তো বাপু, বড় কাজ করতে গেলেই হিমালয়ের মত পাষাণ—অচল অটল হ'তে হয়। জানই তো, যুধিষ্ঠিরের রাজসূয়-যজ্ঞে দুষ্ট শিশুপাল কি গোলযোগ বাধিয়েছিল। সে তো কাল ছিল দ্বাপর—আর এটা হচ্ছে ঘোর কলি।'

হরিষবাবু শিরোমণির পায়ে ধরিয়া কাঁদিতে কাঁদিতে কহিলেন, 'ওঃ, আমার যে মাথা ঘুরছে! চারিদিক অন্ধকার দেখছি! আমার একি হলো!' শিরোমণির উৎসাহ বাক্যে হরিষবাবু প্রশান্ত ও প্রবুদ্ধ হইয়া চারিদিকে করযোড়ে ঘুরিতে লাগিলেন। মহাসমারোহের কার্য্য মহাসমারোহে সূসম্পন্ন হইল। চারিদিকে সন্দেশ, রসগোল্লার ছড়াছড়ি—মোঙা মিঠাইএর শিলাবৃষ্টি। হরিষবাবুর বৃহৎ ভবন 'দিয়তাং ভোজ্যতাং রবে মুখরিত।

### একাদশ পরিচ্ছেদ

নয়ন বৌ নীরব—নিপ্তক—নিষ্পন্দ। ঘরের দাণ্ডয়ার দাঁড়াইয়া উর্দ্ধদৃষ্টে বিশাল শূন্য আকাশের পানে শূন্য দৃষ্টিতে শূন্য প্রাণে নয়ন কত কি ভাবিতেছে। নয়নকে দেখিলে মনে হয়, বথার্থ শুভ্র

প্রসুরথও বুঝিয়া কোন অপার্থিব-শিল্পী এ অপার্থিব সুন্দর সৌম্য মূর্তি বাহির করিয়াছে, যেন এ অপূর্ব মূর্তি কোন অজ্ঞাত রাজ্যে গুপ্ত ভাবে লুকায়িত ছিল, স্বয়ং বিধাতাও তাহার সন্ধান জানিতেন না। গোপাল দূর হইতে নয়নের সে অলৌকিক মূর্তি দেখিয়া ভীত হইল। তাহার চরণযুগল মৃত্তিকা মধ্যে প্রোথিত হইয়া রহিল। সত্যই গোপালের নড়িবার বা চলিবার শক্তি যেন নিমিষে তিরোহিত হইল। সে যেখানে ছিল সেইখানে নীরবে দাঁড়াইয়া একমনে কত কি ভাবিতে লাগিল। ভাবনার ভীষণ স্রোত-প্রবাহে গোপাল আপনাকে ভাসাইয়া দিল, ভাবিতে ভাবিতে গোপাল এক অপূর্ব দৃশ্য দেখিল। সে আবার দেখিল, যেন শরতের সাক্ষ্য-গগনে মেঘমণ্ডল-মধ্যবর্তী অপূর্ব জগজ্জননী জগদ্ধাত্রী মূর্তি তাহার গৃহে বিরাজিতা! নয়নের এই আনন্দময়ী মূর্তি দেখিয়া গোপালের হৃদয় আনন্দে নাচিয়া উঠিল। গোপাল সাহসে ভর করিয়া, নয়নের সম্মুখে আসিয়া দাঁড়াইল। গোপালকে দেখিয়া নয়ন সরলা বালিকার গায় কাঁদিয়া উঠিল।

নয়নের আজ এ কি ভাব—এ কি মূর্তি! নয়নের সে হাস্যময়ী চির বসন্তময়ী মধুর ভাব আজ কোথায়? কোথায় সে অপূর্ব ভাব আজ হঠাৎ লুকাইল? কুসুমাদপি-নয়ন সত্যই আজ বজ্রাদপি কঠোর! নয়নের সুবর্ণময়ী মূর্তি আজ কঠোর বজ্রময়ী। নয়নের নয়ন আজি অশ্রুভরা! অশ্রুপূর্ণাক্ষী নয়ন, কঠোর দৃষ্টিতে পতি-মুখপানে চাহিয়া রহিল। গোপাল বিগলিত হৃদয়ে, করুণ কর্ণে, নয়নের হাত ছ'খানি ধরিয়া

কহিল, 'নয়ন, আমায় ক্ষমা কর—আমায় দয়া কর। আমি অধম—আমি পতিত—আমি চণ্ডাল। তুমি স্বয়ং লক্ষ্মী-স্বরূপিণী—তুমি কমলা—এ অধমের গৃহ তোমার উপযুক্ত স্থান নয়। জানি না, কোন জন্মের পুণ্যে—কোন সৌভাগ্যে তোমার মত মহারত্ন আমার গৃহ উজ্জ্বল করেছে—কোন তপস্চার ফলে তোমাব মত দেবী আমার পাপ-সংসারে উদয় হয়েছে। সত্যই তুমি রূপে লক্ষ্মী, গুণে সরস্বতী। এ গৃহের, এমন সংসারের যোগ্য তো তুমি নও! এ মাটির পৃথিবীর উপযুক্তাও তুমি নও। বিধাতা বড় দয়া ক'রে তোমার মত অমল্য রত্ন আমাকে দিয়েছিলেন, আমি পাপী, তোমায় রাখতে পারব কেন?' বলিতে বলিতে নয়নজলে গোপালের হৃদয় ভাসিয়া গেল।

গোপাল কাঁদিতে কাঁদিতে পুনরায় কহিল, 'নয়ন, আমি তোমায় চিনি—তোমায় ভালরূপেই জানি, জানি তুমি এঁদো-ডোবায় সোনার কমল। আমার এই অন্ধ-কূপে তোমার মত সোনার শতদল-ফুলে সংসার আলো করবে, স্বর্গের মৌরভ বিলাবে, এ তো কল্পনার অতীত। তুমি দেবলোকের সুধা-স্বরূপিণী! অশুরের এ অমৃত কখন সুধভোগ্য হতে পারে না! আজ আমার ঘরে প'ড়ে কমলের বক্ষে বজ্রাঘাত সহিতে হলো। এ দৃশ্য যে আর দেখতে পারি না' বলিয়া গোপাল বসিয়া পড়িল। এ কি! গোপাল যে সংজ্ঞাহীন—মূর্ছিত!

নয়ন পাগলিনীর শ্রায় ভীত ভ্রান্তভাবে উঠিয়া গোপালকে শুক্রষা করিতে লাগিল। দেবী-করম্পর্শে মৃতদেহে জীবন সঞ্চারিত



হইল। গোপাল ধীরে ধীরে উঠিয়া বসিল কিন্তু তাহার নয়নে পলক নাই—মুখে কথাটিও নাই। গোপাল নীরব—নিস্তরক প্রস্তর-পুত্তলিকার ন্যায় নীরবে, হৃদয়ের অধিষ্ঠাত্রী দেবীর সম্মুখে বসিয়া রহিল। নয়ন বোঁ কহিল, ‘দেখ, আমাদের দেশে একটা প্রসিদ্ধ কথা চলিত আছে—‘বিপদীর্ধৈর্যম।’ মানুষ যে কেমন মানুষ—সে যে কতটা পণ্ডিত ছেড়ে মনুষ্যত্ব লাভ করেছে—কতটা উচুতে উঠে বড় হয়েছে, তা বুঝে নেবার মাপকাটি—বিপদে সাহস, বিপদে ধৈর্য। শত্রুকে বিনষ্ট করতে হলেও আগে ভাবতে হয়—আগে তার ব্যবস্থা বন্দোবস্ত ঠিক করতে হয়—তাতে প্রবল ধৈর্য চাই। ধৈর্য নইলে মাথার ঠিক থাকে না। মাথা ঠিক রাখতে না পারলে কোন ছোট কাজের ব্যবস্থা করা যায় না, বড় কাজের সাধনা তো বহুদূরের কথা। গোপাল রুদ্ধ কণ্ঠে কহিল, ‘আর কাজ করতে জীবনে সাধ নাই। যে জগতে বিচার নাই, যে সংসারে সংকার্যের পুরস্কার অধোগতি—বিড়ম্বনা অসংকার্যের পরিমাণ—সম্পদ-সুখ-সন্তোষ, সে জগতে—সে সংসারে আর কাজ করবার ইচ্ছা নাই। মনে হচ্ছে, সে সংসারে এই ভারী জীবনটাকে বয়ে বেড়ানও মহা বিড়ম্বনা।’

নয়নের স্নান মুখে এতক্ষণে হাসির গুল্ল সমুজ্জল রেখা সমুদ্ভাসিত হইল। নয়ন স্বভাবসঙ্গত মুহূর্তে কহিল, ‘তুমি যে বহু সময় বহুবার বলেছ, ভগবানের সেই অমৃতবাণী—

‘কৰ্মণ্যে রাধিকারান্তে মা ফলেষু কদাচন।’

বাস্তবিক জীবনের এতদিন কেটে গেল, এখন যদি ভগবানের সোল এক্ষেপ্ত—কমলিনী-সাহিত্য-মন্দির



সেই মহৎ বাণীর অর্থ প্রাণের মধ্যে না বুঝতে পারি যদি সংসারের কর্মক্ষেত্রে এতটা ভুক্তভোগী হ'য়েও না অল্পভব করতে পারি যে কর্মেই মানুষের অধিকার, অন্য অধিকার তার একটুও নাই, তবে এতদিন এ জীবনটা বয়ে বেড়ানই যে বৃথা হলো।

গোপাল, গভীর হৃদয়ের গভীর অন্তস্থল হইতে কহিল, 'আর ফাঁকা মুখের ফাঁকা কথায় চিঁড়ে ভিজে না। আর আমি কিছুই বিশ্বাস করি না—কিছুই আর মানতে চাই না। ভগবান—ভগবানের রাজ্যে ধর্ম্মাধর্ম্ম কর্ম্মাকর্ম্ম বলে কিছু যে ভেদাভেদ আছে—পাপ পুণ্যঃ বা পাপ পুণ্যের ফলাফল কিছু যে আছে, তা আর প্রাণ যেন কিছুতেই মানতে চায় না।'

নয়ন গোপালের মুখে আজ কথাটা শুনিয়া প্রাণে বড় ব্যথা পাইল। সে জানিত, গোপাল ভগবানে একান্ত বিশ্বাসী—ভগবানের প্রতি একান্ত অতুরাগী। এমন বিরল-বিশ্বাসী ভক্ত সাধু স্বামীর প্রাণে হঠাৎ কেন এ বিষম পরিবর্তন ঘটিল। স্বর্গের পবিত্র শীতল বাতাসে কেন নরকের এমন বিকট পুত্তিগন্ধময় বায়ু বহিল? এ কি হইল! নয়ন আকুল হৃদয়ে সন্নেহে নীরব-ভাষে ভগবানকে ডাকিল, প্রাণের ভাষে কহিল, 'ভগবান, দয়া কর প্রভো, এ ঘোর সঙ্কট হ'তে রক্ষা কর।' ব্যাকুল কণ্ঠে স্বামীকে কহিল, 'কেন, তুমি যে সকল সময় বলতে, ভগবানের পথ রহস্যময়। সাধু কেম্পিনের এ কথাটা তোমার জীবনের মূলমন্ত্র ছিল। আজ কোথা গেল স্বর্গের সে মহামন্ত্র?'

গোপাল বিরক্তস্বরে উত্তেজিত কণ্ঠে কহিল, 'চুলোয় গেল সে

মন্ত্র—চুলোয় যাক্ সে মন্ত্র । মন্ত্র-কল্প সব গিছে ।’ বক্ষ যেন বিদীর্ণ  
করিয়া গোপালের মুখে বাহির হইল, ‘ভগবানের অস্তিত্বে আজ  
আমার অবিশ্বাস হয়েছে—তঁার বিধানে আজ অভক্তি জন্মেছে ।’

নয়ন কহিল, ‘ছি ছি, ভয়ন কথা আর মুখে এনো না ।’

গোপাল উচ্চ কণ্ঠে স্পষ্টে বজ্র নির্ঘোমে ক্ষিপ্তের ন্যায় বলিয়া  
উঠিল, ‘আনবো—শতবার সহস্রবার আনবো । নইলে তোমার  
মত নিষ্কলঙ্ক চন্দ্রে কলঙ্ক, এও কি প্রাণে সহ্য হয় ? দুর্কিসমত  
বিষাক্ত-ক্ষতে অমৃত প্রলেপের ন্যায় নয়ন মুদ্রহাস্তে কহিল,  
‘সহ্য সকল গুণের—সমুদয় শক্তির শ্রেষ্ঠ গুণ—শ্রেষ্ঠ শক্তি ।  
সহ্যই সাধনা—সহ্যই তপস্যা—সহ্যই যোগ । সমগ্র গীতা, সাধনাব  
শ্রেষ্ঠ অঙ্গ, দীর্ঘভাবে, অচল অটল ভাবে—সহ্য করা । তাতেই  
মানুষের মনুষ্যত্ব বিকশিত হয় । দণ্ড-সহিষ্ণুতাই মুখ্য সাধনা,  
সেই বলেই মানুষ ধৈর্য্য বীৰ্য্যবান মহা মানুষ হ’য়ে থাকে সেই  
মানুষের নাম, ‘লৌহমানব’ যাকে পাশ্চাত্যেরা আজকাল অসি-  
আনব superman বলে ব্যাখ্যা করেছে । এদেশ বহুকাল  
পূর্বে ভগবান অতিমানবের গুণতত্ত্ব বুঝিয়ে গেছেন । যোগী-  
জনই অতিমানব । যোগী এ জগতে সুখ দুঃখের অতীত  
মহাপুরুষ । তিনিই পরমানন্দের অধিকারী । একমাত্র স্থিতি  
প্রজ্ঞ স্থিতিধর্মুনিই মহাপুরুষ—মহাযোগী । ভগবান তাঁর স্বরূপ  
লক্ষণ তুলে বলছেন :—

প্রজহাতি যদা কামান সর্কান পার্থ মনোগতান্ ।

আত্মন্তেবায়না তুষ্ট স্থিত-প্রজ্ঞ তদোচ্যতে ॥

সোল এজেন্ট—কমলিনী-সাহিত্য-মন্দির

দুঃখস্বপ্নবিগমনা স্থখে বিগত স্পৃহ ।

বীতরাগে ভয়ক্রোধ স্থিতিধী মূনিক্রচ্যতে ॥

গোপাল মুগ্ধনেত্রে দেখিল—তাহাদের সম্মুখ হইতে জগদ্ধাত্রী মূর্তি তিরোহিত হইয়াছে, তাহার স্থলে বীণাপাণি ভারতী মূর্তি আবির্ভূতা হইয়া তাহাকে স্বহস্তে বিমানামৃত বিতরণ করিতেছেন । গোপাল বিস্ময়ে—কৌতুহলে অভিভূত হইয়া সাক্ষাৎ ভারতীর সম্মুখে নীরবে—নিস্তব্ধভাবে দাঁড়াইয়া রহিল । কণকাল গোপাল আত্মসম্বরণ করিয়া কহিল, 'নয়ন, সত্যই তুমি স্বর্গের দেবী, তুমি যথার্থই বৈকুণ্ঠের লক্ষ্মীরূপিণী । আমার বহু পুণ্য ফলে—আমার বহু জন্মের তপশ্চা আর মহৎ সৌভাগ্য ফলে তুমি মর্তলোকে এসে আমার মত দীন হীনের কুটার আলোকিত করেছ । আমি বুঝলেম, তুমি স্বয়ং বাগ্‌দেবী—তুমি সাক্ষাৎ সীতারূপিণী । তোমার মত রমণী-রত্ন যে পুণ্যবান, যে ভাগ্যবান লাভ করে, তার আর অভাব কি—তার আবার দুঃখ যন্ত্রণাই বা কি ?'

এই বলিয়া গোপাল মুগ্ধনেত্রে নয়নের অপার্থিব সৌন্দর্য মগ্নিত মুখপানে চাহিয়া রহিল । চাহিতে চাহিতে গোপালের মতিভ্রম ঘটিল । উচ্চকণ্ঠে চীৎকার করিয়া গোপাল কহিল, 'নয়ন, তোমার মত দেবীর অতি শুভ্র অতি পবিত্র নামে কলঙ্ক ! এও কি প্রাণে সহ হয় ? না না, এ সহ হয় না—কখনই না ! প্রাণ থাকতে এ সহ হয় না । এর প্রতিশোধ পূর্ণরূপে নিতে পারি তো এ জীবন রাখবো, নইলে'—এই বলিয়া

১১৪ নং আহিরীটোলা স্ট্রীট, কলিকাতা

গোপাল ক্ষিপ্তের ঞ্চায় দ্রুতপদে গৃহ হইতে প্রস্থান করিল।  
উৎকণ্ঠিতপ্রাণে নয়ন শয্যায় শায়িত উষার পার্শ্বে আসিয়া  
বসিল।

### দ্বাদশ পরিচ্ছেদ

উষা বয়স্কা। উষা প্রায় তের চৌদ্দ বর্ষ বয়ক্রম অতিক্রম  
করিয়া পঞ্চদশে পদার্পণের উপক্রম করিয়াছে। কমল-কলিকা  
পূর্ণাঙ্গে বিকশোন্মুখ—ত্রয়োদশীর শশধর—পূর্ণিয়ার পানে  
প্রধাবিতা।

নয়ন কন্টার পার্শ্বে বসিয়া ডাকিল, ‘উষা!’ উষা উত্তর  
করিতে পারিল না—নীরবে রহিল। মা দেখিল, মেয়ের চক্ষের  
জলে বালিস ভিজিয়া গিয়াছে। উষা তখনও শয্যায় পড়িয়া  
নীরবে রোদন করিতেছিল। মা একবার দুইবার তিনবার  
মেয়েকে ডাকিল, মেয়ে আর স্থির থাকিতে পারিল না,  
বালিকার ঞ্চায় কাঁদিয়া মায়ের পা-দু’খানি জড়াইয়া ধরিল।  
ভগ্নকণ্ঠে ভগ্ন-ভাষে কহিল, ‘মা, চলো, আর আমরা এখানে  
থাকব না—লোকপুরে আর মানুষের থাকতে নাই। গাঁ এখন  
শিয়াল কুকুরের বাসা হ’য়েছে।’

নয়ন দেখিল, বড় সঙ্কট ! চারিদিকেই মহা সঙ্কট ! গাঁয়ে নানা কথা নানা লোকের মুখে—ঘরে স্বামী উন্নতের গায়—কণ্ঠা মৃতপ্রায়—ঘরে বাহিরে বিপদ ! এখন এ অবস্থায় কোথা যাই, কি করি ! নয়ন ভাবিয়া ভাবিয়া বুঝিল, এ সময়ে বড় ধৈর্য্য ধরিতে হইবে—বড় কঠিন হইতে হইবে। কোমলে কঠোর মিশিয়া এক অপূর্ব মৃতি আজ নয়ন ধারণ করিল। নয়ন ধীর গম্ভীর স্বরে কঠোর কণ্ঠে কহিল, ‘উষা, তুই তো এখন আর কচি মেয়ে ব’স। ছিঃ অমন ছেলেমি ক’রোনা। কিসের ভাবনা ? কাণ্ড কেন ? তুই তো জানিস—তুই তো বলি বাছা, গাঁ এখন শিয়াল কুকুরের বাসা। শিয়াল কুকুরের কথায় কি এসে যায় মা ?’ উষা কাঁদিতে কাঁদিতে কহিল, ‘না মা, তাদের কথা ধরি না, এখানে আমার বড় ভয় করছে। আজ বড় ভয়ের কথা শুনেছি।’

নয়ন ব্যাকুল কণ্ঠে জিজ্ঞাসা করিল, ‘কি কথা ?’

পাছে মা ভয় পায় বলিয়া কথাটা বলিতে উষা ইতঃসত্ত করিতে লাগিল। মনে মনে বলিতে লাগিল, কথাটা এখনি বলি কি না। মায়ের কাছে এখনই বলি, কিম্বা বাবা আসিলে সকলের কাছে বলি। এই ভাবিয়া উষা নীরবে বসিয়া রহিল। কিছুক্ষণ পরে গোপাল হাসিমুখে ঘরে ফিরিয়া আসিল। পতির হাসিমুখ দেখিয়া নয়ন সশরীরে স্বর্গের সিঁড়িতে পদার্পণ করিল। গোপালের এমন হাসিভরা মুখখানি নয়ন কিছুদিন হইতে দেখিতে পায় নাই। বহুক্ষণ পরে তৃষিতা-চাতকিনী—নবীন মেঘ দেখিয়া আনন্দ-নীরে ভাসিতে লাগিল। গোপাল আসিয়া

কহিল, 'এতক্ষণে হাঁপ ছেড়ে বাঁচলুম, বুকের বোঝা—পাথর নেমে গেল।'

নয়ন কহিল, 'কেন, হ'লো কি? হঠাৎ এমন কি স্বর্গ ধরে কেলে মে, সকল দুঃখ—সকল যন্ত্রণা জুড়িয়ে গেল, ব্যাপার কি?'

গোপাল কহিল, 'শিরোমণি মহাশয়ের কাছে গেছলুম।'

নয়ন...তারপর?

গোপাল...তারপর বল্লেন, কোন চিন্তা নেই। আমি তো তোমায় জানি, তোমার খবরও সব রাখি, বাজে লোকের বাজে কথায় তুমি মন খারাপ ক'রোনা। জনা চাটুঘ্যেকে—তার দলবলকে এ অঞ্চলে না জানে কে—না চিনে কে? তুমি স্বর্গ—তারা নরক। তারা কি তোমায় ছুঁতে সাহস করতে পারে গোপাল?

উষা বলিল, 'বাবা, ওসব কথা শুনোনা। এখানে কাউকে আর বিশ্বাস নেই।'

গোপাল দৃঢ়স্বরে কহিল, 'সে কি! কি বলিস উষা? শিরোমণি মহাশয় কি মানুষ? তিনি যে দেবতা—দেবতা কি, আমি তো বলি, তিনি স্বয়ং ভগবানের অবতার। তাঁর কথা বিশ্বাস করব না, তাঁর কথা মানব না তো কাকে মানবো—কার কথা শুনবো মা?'

উষা কঁাদিতে কঁাদিতে কহিল, 'আমি হর-পিসির কাছে শুনলুম, জনা চাটুঘ্যে এক ভয়ানক ডাকতের দল তৈরি

সোল এজেন্ট—কমলিনী-সাহিত্য-মন্দির

করেছে, সে ডাকাতির দল নিয়ে আমাদের বাড়ী ডাকাতি করবে।’

গোপাল হাসিয়া কহিল, ‘কি জন্তু ডাকাতি করবে, আমাদের কি আছে? টাকা কড়ি গহনা-পাতি থাকলে সেই লোভে গকাতি করে। আমাদের তো টাকা কড়ি গহনা-পাতি কিছুই নেই, কি জন্তু ডাকাতির আসবে?’

উষা কহিল, ‘শক্র কি কেবল টাকা নিতে আসে? তোমার যে পায়-পায় শক্র বাবা? তোমার টাকা না পেলেও জীবন নিতে পারে তো।’

গোপাল উষার কথা শুনিয়া একটু হাসিল। নয়নের প্রাণ চমকাইয়া উঠিল—মুখ শুকাইয়া গেল। গোপালের মুখে হাসি দেখিয়া নয়ন মনে মনে বিরক্ত হইল। নয়ন বিরক্ত কণ্ঠে কহিল, ‘তোমার সবই অগ্রাহ। তুমি কিছু গ্রাহ করতে চাও না। বিপদ ঘটতে বেশীক্ষণ লাগে না। ভগবান রক্ষা করছেন তাই এমন জায়গায় আজও প্রাণে বেঁচে আছি।’

গোপাল হাসিয়া কহিল, ‘কথাটা সকল সময় মুখে বল, কাজে দেখাতে পার কৈ? ‘রাখে হরি মারে কে, মারে হরি রাখে কে!’—কথাটা কতদিন কতবার তোমার মুখে শুনেতে পাই। কথাটা কাজে দেখাও, নইলে ফাঁকা-মুখের ফাঁকা-কথার নাম কি?’

নয়ন গোপালের কথার ঠিক উত্তর খুঁজিয়া পাইল না! বাস্তবিক সে মনে প্রাণে বৃত্তিত ও বিশ্বাস করিত যে, ভগবান

যাহা করিবেন তাহাই হইবে, তাহা রদ করে এমন কলি-জগতে আর কিছুই নাই। এইটা নয়নের প্রাণের ধারণা—হৃদয়ের বিশ্বাস। সেই বিশ্বাস লইয়াই নয়ন নিতান্ত ভারাক্রান্ত প্রাণটাকে বহিয়া গোপালের আঁধারময় কুটার আলো করিয়া রাখিয়াছে।

গোপাল হাসিয়া কহিল, 'যে দিন দুনিয়ার মালিক বুঝবেন, এ জীবনটাকে এ সংসারে রাখবার আর দরকার নাই, সেদিন তিনি নিশ্চয়ই এটাকে টেনে নেবেন। সে জন্ত তোমার আমার ভাবনা নিষ্ফল, তুমি আর ভেবোনা। তুমি আমি ভাবনা-সাগরে ডুবে মলে মেয়েটার উপায় হবে কি? দেখছ কি উষার দশা কি হয়েছে! দিন দিন সে যে শুকিয়ে উঠছে!'

নয়ন দীর্ঘনিশ্বাস ছাড়িয়া কহিল, 'উষার বোধ হয় অসুখ হয়েছে। রেতে ওর গা'টা গরম বলে আমার বোধ হয়েছিল।' উষা কহিল, 'না মা, আমার গা'টা কিছু গরম হয়নি। বড় বিষম স্বপ্ন দেখেছিলাম, ভয়ে আমার প্রাণ কাঁপতে লাগলো! আমার দেহটা যেমন জল হ'য়ে গেল।' গোপাল উৎকণ্ঠিত প্রাণে জিজ্ঞাসা করিল, 'কি স্বপ্ন দেখেছিলে উষা!' উষা ব্যাকুল কণ্ঠে কহিল, 'সে কথা তোমার শুনে কাজ নেই বাবা।'

গোপাল ছাড়িল না, জেদ করিয়া কহিল, 'না মা, সে আমি কিছুতেই ছাড়ব না। স্বপ্নের কথাটা তোমায় বলতেই হবে।' উষা অগত্যা কহিল, 'বড় ভয়ানক স্বপ্ন বাবা, এমন স্বপ্ন আমি জীবনে কখন দেখিনি। আমার মনে হ'ল, জনা—জলন্ত মশান থেকে আমাদের বাড়ী এলো। মশানের আগুন জলতে জলতে



জন্য মত চেহারা হ'লো, তারপর হাজার হাজার মানুষ জনন্ত-  
 জনা হয়ে উঠলো, তারা সকলের ঘরের চালে আগুন হয়ে-হয়ে  
 দুরন্তে লাগলো। গাঁ-ময় আগুন—দেশময় আগুন—চারি দিকে  
 আগুন হু হু জ্বলতে লাগলো। চারিদিকে বেড়া-আগুন,  
 কোথাও পালাবার পথ নেই। তারপর আকাশ থেকে আগুন  
 নেবে এসে মাকে তুলে নিয়ে গেল। বাবা, তুমি আমি কেবল  
 সেই আগুনের মধ্যে পড়ে রইলুম। তারপর গাঁ আগুনে  
 জ্বলতে লাগলো।' বলিতে বলিতে উষা কাঁপিতে লাগিল,  
 তাহার মুখে আর কথা বাহির হইল না। গোপাল, প্রবোধ  
 দিবার জন্য মেয়ের মাথায় হাত বুলাইতে বুলাইতে কহিল, 'আর  
 এসব কথা মনে করোনা। স্বপ্নের কথা সব মিথ্যে। মিথ্যে  
 ভাবনা ভেবো না, এস আমরা গুঘরে গিয়ে গান করি।'

গোপাল উষার হাত ধরিয়া বাহিরের ঘরে যাইয়া উষার  
 হাতে হারমনিয়ম দিল, পরে পিতা পুত্রীতে গান গাহিতে লাগিল।  
 উষা গানের সঙ্গে হারমনিয়ম বাজাইতে আরম্ভ করিল। গোপাল  
 পত্নী ও কন্যাকে যেমন লেখাপড়া শিখাইত—তেমনি তাহা  
 দিগকে লইয়া সঙ্গীতেরও অনুশীলন করিত। কেবল নিজের  
 ঘরে নয়, বাহিরে বাগ্দীদিগের পাড়ায়ও সে লেখাপড়ার সঙ্গে  
 গাহনা-বাজনার শিক্ষা দান করিত। এই কারণে তাহার শিক্ষা  
 নিম্নশ্রেণীর মধ্যে বড় আমোদের জিনিষ হইয়া দাঁড়াইছিল।

## ত্রয়োদশ পরিচ্ছেদ

লোকপুর গায়ে খুব গুজব উঠিল, গোপালের মতের সমস্ত ভাকাত পড়িবে। জনা যেরূপ সাহসে বলে বলিয়ান—কুট বুদ্ধিতে তেমনি হীন, দুর্বল। তাহার বুদ্ধির বিড়ম্বনায়, পরামর্শের দোষে কথাটা বাহির ও জাহির হইয়া পড়িল। দেশের সকলেই জনাকে ও তাহার দলবলকে জানিত। বিশেষতঃ হরিষবাবুর মাতৃ-শ্রদ্ধ উপলক্ষে জনার্দিন কতক যে একটা বিরাট গগুগোল ঘটয়াছিল, তাহাতে লোক-পুর সমাজের অনেকেই জনাকে চিনিয়াছিল। জনাই যে একজন যে সে লোক নহে, এই বিশ্বাস হৃদয়ে ধরিয়া সেদিন বহু লোক ঘরে ফিরিয়াছিল। লোকপুরঅঞ্চলে বহু স্ত্রী পুরুষ সেদিন হরিষবাবুর বাটীতে উপস্থিত হইয়াছিল। স্ত্রীলোকদিগের অনেকেই মনে করিয়াছিল, জনা চাটুষ্যে মনে করলে অনায়াসে রাজার রাজত্ব ঘুচাইয়া দিতে বা কাড়িয়া লইতে পারে। যাদব শিরোমণি মহাশয়ের মধ্যস্থতায় ও গোপালের আপনার সংগুণে ও সদাশয়তায় বিশেষতঃ হরিষবাবুর মুখ চাহিয়া সেদিনে ভোজের ব্যাপারে বিশেষ কোন গোলযোগ ঘটে নাই এবং দলাদলির প্রসঙ্গে জনার-ই পরাজয় ঘটয়াছিল, তথাপি উপস্থিত লোকদিগের মধ্যে অনেকেই মনে মনে বুঝিয়াছিল, জনা একজন অসাধারণ সাহসী ও বলবান পুরুষ।

স্ত্রীলোকদিগের মধ্যে অনেকেই মুক্তকণ্ঠে ব্যক্ত করিয়াছিল, জনা-চাটুষ্যে সত্যিই কলির ভীম। অনেকেই কহিতে লাগিল, জনার্দনের চুই আঙ্গুল পরিমাণ লাঙ্গুল কেহ কেহ নাকি চক্ষে দেখিয়াছে। জনা যথার্থই হনুমানের অবতার বিশেষ। কেহ বলিতে লাগিল, জনাকে লাঠির ভর করিয়া লাফাইয়া দু'তলার উপরিস্থ ছাদে উঠিতে অনেক দেখিয়াছে। কেহ কহিল, জনা পিশাচ-সিদ্ধ। সে আমা-বস্তায় শনি মঙ্গলবারের রাত্তিকালে শ্মশানে যাইয়া মড়া জাগাইয়া তাহার সহিত কথা কয়। এইরূপ জনা সম্বন্ধে নানাভাবে নানা কথা কহিতে লাগিল। ফলে জনা দেশমধ্যে অচিরেই একজন অতি প্রসিদ্ধ ব্যক্তি বলিয়া পরিচিত ও প্রচারিত হইয়া উঠিল। দেশের বহু বদমায়েস—যাহাদের চুরি জুয়াচুরি ভিন্ন উদরান্ন সংস্থানের আর উপায়ান্তর নাই, তাহারা অনেকেই জনার্দনের বিজয়-নিশানের তলে আসিয়া আশ্রয় লইল। জনার্দনের দল বিলক্ষণ পুষ্টি লাভ করিল। জনার্দন মনে করিল, এখন সে শিখ-পাহারা-পরিবেষ্টিত ধনবান হরিষবাবুর বাড়ী পর্য্যন্ত অনায়াসে লুট-দরাজ করিতে সক্ষম।

জনা কতকগুলি লোক লইয়া রজনীর ঘরে আসিয়া উপস্থিত হইল, তখন রাত্রি প্রায় চুই প্রহর। আকাশ মেঘাবৃত, গাঢ় ঘন অন্ধকারে ভীষণ রাত্রিটা যেন বিষম ভারাক্রান্ত ও স্তম্ভিত হইয়া নীরবে ঠিক একই জায়গায় নিশ্চল অবস্থায় দাঁড়াইয়া রহিয়াছে। জনার দলের লোকের পদশব্দে ও নিশ্বাসে রাত্রির গভীর নিস্তব্ধতা ভাঙ্গিয়া গেল। বৃক্ষশাখে পক্ষীসকল ব্যাকুলকণ্ঠে ডাকিয়া উঠিল,

একটা পেচক ঘনাবৃত পত্রের মধ্য হইতে ধূস্ রবে গভীর ডাক ছাড়িল। রজনী তখন গাঢ় নিদ্রায় নিমগ্ন। নিদ্রার ঘোরে কিছু সংজ্ঞা ছিল না। রাত্রির নিস্তব্ধতা ভঙ্গের সাহিত তাহার নিদ্রা ভাঙ্গিয়া গেল। জনা তাহার দ্বারে আঘাত করিয়া ডাকিল, 'রজনী, ও রজনী ?' রজনী ঘুমের ধোরে জনার কণ্ঠস্বর ভাল বুঝিতে পারিল না, বলিল, 'কে ?'

জনা কহিল, 'চিন্তে পাচ্ছ না, আমি গোপাল বোস। রজনী তাড়াতাড়ি দুয়ার খুলিল। দুয়ার খুলিয়া দেশলাই জালাইয়া প্রদীপ ধনাইল।

জনা সদলে রজনীর গৃহমধ্যে আসিয়া তক্তাপোষে বসিল। ঘরের মধ্যে ছঁকা, কলিকা, তামাক, টীকা সকলই ছিল, জনা কহিল, 'রমা শালা ঘড়ার মত চূপ করে বসে রইলি কেন! তামাক সাজ না। রমা জনার পূর্বপরিচিত জনৈক বদমায়েস, রমাই জনার ছকুম তামিল করিতে প্রবৃত্ত হইল। তামাক সাজিয়া রমাই জনার হাতে ছঁকা দিল, জনা তখন গাঁজার নেশায় চক্ষু লাল করিয়াছিল। তামাক সেবন করিয়া জনাই রজনীর দিকে চাহিয়া কহিল, 'আর দেরি করলে সব কাজ পণ্ড হবে।' রজনী ক্রকুটী করিয়া কহিল, 'আমি কি দেরী করতে বলছি ? গোপালের সর্বনাশ যেদিন দেখব, সেদিন থেকে চার-গাঁয়ে বুক ফুলিয়ে বেড়া।' বলিয়া একটু থামিয়া স্বর গাঢ় করিয়া পুনরায় বলিল, 'তোদের দিয়ে কি আমার সে দিন আসবে ; তোরা মেয়েমানুষের অধম। তা নইলে গোপাল বোসের দামড়া-মেয়ে, নিশ্চিন্তে

বারো-গায়ে খেয়ে পরে বেড়াচ্ছে !' বলিয়া বাপ্পাকুল নয়ন অঞ্চল দিয়া ঢাকিল ।

জনাই রজনীর হাতে ধরিয়া কহিল, 'কাদিসনে ভাই, তোর জনাই থাকতে ভাবনা কিসের ! এ কি গোপাল বোস ! তুই একটু সহায় হ' ত, দেখি একবার ব্যাটা কোথায় যায় ? রজনী সোজা হইয়া বসিয়া কহিল, 'আমি সহায় না হ'লে এতদিন তুই কোথায় থাকতিস জানিস !'

জনাই কহিল, 'থাক ওসব কথা পরে হবে ।'

পরে উভয়ে অনেক রাত্র পর্যন্ত যে সমস্ত পরামর্শ করিল, তাহার উল্লেখ নিম্নয়োজন ।

### চতুর্দশ পরিচ্ছেদ

সেদিন প্রভাতে পূজা অর্চনা সমাপন করিয়া নয়ন বৌ সবে মাত্র রান্নাঘরে প্রবেশ করিয়াছে, এমন সময় প্রবোধ,—'বৌদিদি কোথায় ?' বলিয়া অন্তরের প্রাঙ্গনে আসিয়া দাঁড়াইল ।

নয়ন বৌ ত্র্যস্ত মস্তকে অঞ্চল টানিতে টানিতে পাকশালার বাহিরে আসিয়া সহাস্ত আননে কহিল, 'ঠাকুরপো যে ! এতদিনে মনে পড়ল বৌদিদিকে ?'

'তোমাদের ভুলে যাব বৌদিদি' বলিয়া নিকটে আসিয়া তাঁহার পদধূলি গ্রহণ করিয়া কহিল, 'তারপর, কেমন আছ বৌদিদি, খবর ভাল ত ?'

নয়ন বৌ স্নানমুখে কহিল, 'খবর আর মন্দ বলি কি করে। ভগবান যা করেন সবই ত আমাদের ভালর জন্য? কাজেই খবর খারাপ বলতে পারি না।' বলিয়া শুষ্ক হাসি হাসিলেন। প্রবোধ কহিল, 'তোমার মত বৌদি'র উপযুক্ত কথা। উষা কোথায়, সে কেমন আছে?' নয়ন বৌ বলিল, 'সে বোধ হয় স্নান করতে গেছে, উষা! ও উষা! তোর কাকা এসেছে রে, এদিকে আয়।' নয়ন কহিল, 'ঠাকুরপোর এবার ক'দিন থাকি হ'বে? শরীরটাকে ত' অর্ধেক করে এসেছ।'।

প্রবোধ হাসিয়া কহিল, 'তোমরা পৃথিবীর কোন আপনার লোককে কখনও মোটা দেখলে না। এবারে থাকব বোধ হয় একমাস! আচ্ছা, যাবার আগে তোমাকে দিয়ে বলিয়ে নেব যে, আমি মোটা হয়েছি', বলিয়া হাসিতে লাগিল। এমন সময়ে গোপাল রাত্রি-জাগরণ-ক্লান্ত শুষ্ক কক্ষ মূর্তী লইয়া অন্তরে প্রবেশ করিয়া সন্মুখে প্রবোধকে দেখিয়া বিস্মিত কণ্ঠে কহিল, 'এই যে প্রবোধ, কখন এলে ভাই! তোমার কথাই ভাবতে ভাবতে আসছিলাম।' প্রবোধ কহিল, 'তোমার এ মূর্তী কেন? কোথাও মড়া পোড়াতে গিয়েছিলে?' গোপাল কহিল, 'না গো না, ও পাড়ার বসুদের বড় ছেলের কাল রাত্রি থেকে কলেরা, সেই খানেই সারারাত্রি তার গুরুশ্রম করে তাকে সম্পূর্ণ নিরাপদাবস্থায় দেখে এখন ফিরছি।' বলিয়া মূহূর্তেক থামিয়া বলিল, 'প্রবোধ, তোমার সঙ্গে বিশেষ গোপনীয় কথা আছে, যাবার সময় দেখা করে যেও।' বলিয়া ঘরের দিকে চলিল।

নয়নবৌ প্রবোধকে কহিল, 'আর কতক্ষণ দাঁড়িয়ে থাকবে ? এস, এখানে ব'স ।' বলিয়া সেখানে একখানা আসন পাতিয়া দিল । প্রবোধ বসিয়া কহিল, 'দেশের খবর কি বৌদি ?' নয়ন বৌ শুষ্ক হাসি হাসিয়া কহিল, 'দেশের খবর কি তা' তোমার বৌদিদি গ্রামের এক কোনে বসে কিছুই জানতে পারে না । তবে গ্রামের খবর যথাপূর্ব্বম্ । তারপর যা কিছু, ওঁর কাছে শু'নো ।'

'কিছু কিছু শুনেছি—সেই আন্ধের সময়ে জনার কীর্তি ! বৌদিদি, এ আমি তোমায় বলে রাখলুম, আমি একটু স্ত্রবিধে পেলেই বেটাদের বদমাইসির ইতি করব ।'

ভগবানের ইচ্ছে থাকলে সে স্ত্রবিধে মিলতে কষ্ট হবে না । থাক্ সে কথা, এখন মেয়েটার একটা বিয়ে না দিতে পারলে অন্য আর কোন কথা মনে আনতে পারি না । যে সমাজ, সমাজের নিয়ম না মানলে চলবে না ঠাকুরপো । সমাজ খে চায় এই বয়সে কিম্বা এর আগেই মেয়েদের পাত্রস্থ করা । আমি যদি না করি, না পারি, সমাজ হে রাগ করবে সেটা ত' অন্তায় নয় । যে ক'রে হোক, এমাসে না হয় ওমাসে উষার বিয়ে আমি দেবোই এ তোমায় বলে রাখলুম ।' একরূপ সময়ে সদরগৃহ হইতে গোপাল ডাকিল, 'প্রবোধ, বৌদিদির কাছ থেকে ছুটি নিয়ে একবার এদিকে এস ।' নয়নবৌ যত্ন হাসিয়া কহিল, 'যাও যাও ঠাকুরপো, ওনার আর তর সইচে না ।' প্রবোধ উঠিয়া ধীরে ধীরে সদরের দিকে চলিল । প্রবোধ ঘরে প্রবেশ করিতেই গোপাল কহিল, 'বসো, তোমার সঙ্গে একটা

পরামর্শ আছে। প্রবোধ গোপালের নিকট উপবিষ্ট হইয়া কহিল, 'কেন বল ত? ব্যাপার কি!'

গোপাল বলিতে লাগিল, 'তুমি বোধ হয় জাম, নানা কারণে জনাই আমাদের নানা রকমে বিপদগ্রস্ত করবার চেষ্টা করছে। সে যে রকম ভীষণ প্রকৃতির লোক, তাতে একটা কিছু করা তার পক্ষে অসম্ভব নয়, তার লোকবলও যথেষ্ট। কাল রাত্রে কলু-বাড়ীতে রোগের জন্ম গিয়েছিলাম, মাঝ-রাত্রে একবার ডাক্তার ডাকবার প্রয়োজন হয়। ডাক্তারবাড়ী যাবার সময় দরজা দিয়ে যখন যাই, তখন সেখানে জনাইকে দেখে আমার সন্দেহ হয়। আমি আড়ালে থেকে শুন্লাম, আমার বাড়ী ডাকাতি করবার এবং আগুন লাগাবার পরামর্শ হচ্ছে। আজ রাত্রেই তারা তাদের কার্যসিদ্ধি কববে ঠিক করেছে। এখন বল কি করি।'

প্রবোধ স্থির চিত্তে গম্ভীর ভাবে কহিল, 'জনাই বেটা যে কত বড় পাজি তা আমি জানি। আচ্ছা, দেখা যাক তার বুদ্ধির কত বড় দৌড়। দেখ গোপাল, এখানকার যে দারোগা, সে আমার পরম বন্ধু। কলেজের বন্ধু হলেও এখনো সে আমার খাতির রাখে। আমি গিয়ে তাকে সব কথা খুলে বলি, সে আমার সাহায্য করবেই আর তার করাও উচিত। তারপর কতদূর কি করতে পারি দেখা যাক।' বলিয়া উঠিয়া পড়িল।

সেদিন অপরাহ্নে নয়ন বৌ আপনার গৃহে বসিয়া রামায়ণ পাঠ করিতেছিল। উঠি-উঠি করিয়াও কিঙ্কিঙ্কাকাণ্ড সমাপ্ত



না করিয়া উঠিতে পারিতেছিল না। এরূপ সময়ে উষা গৃহে প্রবেশ করিয়া কহিল, 'মা, তোমায় ডাকছে।' নয়ন বৌ পুস্তকের পৃষ্ঠা হইতে মুখ তুলিয়া কহিল, 'কে মা? তাহার কথা শেষ না হইতেই বিজন গৃহে প্রবেশ করিয়া তাহার পদধূলি গ্রহণ করিয়া কহিল, 'মা, আমি কাল ক'লকাতায় চলে যাব, তাই আপনার সঙ্গে দেখা করতে এসেছি।'

নয়ন বিস্মিত হইয়া জিজ্ঞাসা করিল, 'সে কি বাবা, হঠাৎ তুমি দেশ ছেড়ে ক'লকাতায় যাবে কেন?'

বিজন নতমুখে স্তব্ধভাবে দাঁড়াইয়া রহিল।

নয়ন পুস্তকখানি মুড়িয়া উষাকে কহিল, 'মা, বিজনকে একটা আসন এনে দাও। উষা আসনখানি আনিলে নয়ন বৌ বিজনকে কহিলেন, 'বোসো বাবা, বোসো।'

বিজন বসিলে নয়ন বৌ কহিলেন, 'হঠাৎ তোমার চলে যাবার কারণ বুঝিতে পারছি না বাবা।'

বিজন ধীরে ধীরে কহিল, 'মা, আমার জন্মেই আপনাদের এই লাঞ্ছনা।'

উষা ধীরে ধীরে সেন্ধান হইতে প্রশ্ন করিল। নয়ন বৌ বিস্মিত হইয়া উত্তর কবিল, 'আমাদের লাঞ্ছনা তোমার জন্মে? ছি ছি, ও কথা বলো না বাবা। স্তখ-দুঃখ, মান-অপমান লাঞ্ছনা এ যে দেবার তিনিই দেন, তবে ভাল এবং মন্দ এই দু'টোর মধ্যেই তার শুভ ইচ্ছা দেখতে পেলেই ভাবনা চিন্তা কষ্টের হাত থেকে পরিত্রাণ পাওয়া যায়।

আমাদের এই অপমান লাগনা যে মঙ্গলের জন্তে নয়, তা তোমায় কে বলে? তবে তুমি এ জন্তে কেন দুঃখ পাও আর নিজেকেই বা এর কারণ বলে ভেবে কষ্ট পাচ্ছ কেন?”

বিজন রুদ্ধ কণ্ঠে কহিল, “কিন্তু লোকে যে বলে।”

নয়ন বৌ যুহু হাসিয়া কহিল, যে লোকেরা বলে, তারা দুশ্চরিত্র, ইতর, এ জেনেও যারা তাদের কথা অগ্রাহ্য করতে পারে না, তারা ঠিক পুরুষের মত কাজ করে না বাবা, আর তুমি নিজেকে বেশ জান, তোমাকেও আমরা ভাল করে জানি। কোন দিক দিয়েই ত’ তোমার কোন কষ্টের কারণ থাকতে পারে না। দেশ ছেড়ে মিথ্যা বিদেশ যাবার অনর্থক কল্পনা ছেড়ে দাও—তোমরাই ত’ দেশের ভরসা। দেশে থেকে দেশের এবং সঙ্গে সঙ্গে দেশের সেবাই যে তোমাদের ধর্ম। কথায় কথায় দেশ ছেড়ে যাওয়া আর আত্মহত্যা এ দুই-ই সমান।’

দেশের কথা কয়টি নয়ন বৌ একটু জোর করিয়াই বলিয়াছিল, ‘কে আত্মহত্যা করলে আবার বৌদি, বলিতে বলিতে প্রবোধ উঠান হইতে বারান্দায় উঠিল এবং যে ঘরে নয়ন বৌ বসিয়াছিল, তাহার সন্মুখে আসিয়া বিজনকে দেখিয়াই কহিল, ‘বিজন যে রে!’ বিজন আসন ছাড়িয়া উঠিয়া দাঁড়াইল, কহিল, ‘বসুন প্রবোধ কাকা!’ প্রবোধ আসন গ্রহণ করিয়া কহিল, ‘হাঁ, আত্মহত্যার কথা কি বলছিলে?’

নয়ন বৌ যুহু হাসিয়া কহিল, ‘বলছিলুম, তুমি আত্মহত্যা করেছ।’ প্রবোধ বিষয়-বিফারিত নেত্রে কহিল, ‘আমি!’

মোল এজেন্ট—কমলিনী-সাহিত্য-মন্দির

‘হ্যাঁ গো হ্যাঁ, তুমি। বিজনকে বলছিলাম, দেশ ছেড়ে যারা অনর্থক বিদেশে যায়. তারা আত্মহত্যা করে।’ প্রবোধ উচ্চ হাসিয়া কহিল, ‘ওঃ, এই?’ পরে গম্ভীর হইয়া কহিল, ‘কিন্তু কি করি বলুন। পেটকে ত’ আপনাই বলেন বড় বালাই। ষাকু, এই নিয়ে পরে একদিন আপনার সঙ্গে কথা হবে। এখন বলুন, গোপাল-দা কোথায়।’

নয়ন বৌ কহিল, ‘উনি বোধ হয় খটকের সঙ্গে ও-পাড়ায় গেছেন। আসতে সন্ধ্যা হবে নিশ্চয়ই।’

প্রবোধ কহিল, ‘ওঃ, বটে। আচ্ছা, সন্ধ্যার সময়ই এসে দেখা করবো এখন? তা হলে আসি বৌদি’ বলিয়া প্রবোধ প্রস্থান করিল।

তখন সবে মাত্র সন্ধ্যা হইয়াছে, নয়ন বৌ সংসারের কাজ শারিয়া, তুলসী-তলায় গঙ্গাজল ও আলো দিতেছিল। এমন সময় গৃহ-প্রাঙ্গণে প্রবোধ প্রবেশ করিল। বাহিরের বারান্দায় একখানি মাদুরের উপর গা এলাইয়া দিয়া গোপাল বিশ্রাম করিতেছিল, প্রবোধকে আসিতে দেখিয়া কহিল, ‘এস, ভাই এস।’

প্রবোধ বারান্দায় উঠিয়া মাদুরের এক পাশে বসিয়া কহিল, ‘কতক্ষণ এলে?’

গোপাল কহিল, ‘এই ত, এইমাত্র এলাম। তারপব এদিকের তুমি কি করলে?’

প্রবোধ কহিল, ‘আমি এদিকের সব ঠিক করেছি। আজ

১১৪ নং আহিরীটোলা ষ্ট্রীট, কলিকাতা

সকালে দারোগাকে গিয়ে সব খুলে বলেছি, তিনি যতদূর  
করবার করবেন, সেজ্ঞ তুমি ভেবো না। আমি খাওয়া-দাওয়া  
সেরে এখানে এসে আজ শোবো! দারোগা—পুলিশ-পাহারা  
নিয়ে গুপ্তবেশে আসে-পাশে লুকিয়ে থাকবে। বেটারা আজ  
যদি এদিকে আসে ত' নিস্তার নেই জেনো।'

গোপাল কহিল, 'নিজের জ্ঞান কখন ভাবিনি ভাই, কারণ,  
চিরদিনই জানি, ভগবান রক্ষা করলে মানুষের সাধ্য নেই  
কাউকে বিপদে ফেলে, কিন্তু ভাবনা যত মেয়েদের নিয়ে।  
কারণ, কতকগুলো লক্ষ্মীছাড়া ইতর—সমাজের দোহাই দিয়ে  
মিথ্যা আচারের ভান দেখিয়ে—নিরীহ নারীদের কি লাঞ্ছনা  
না করে—তার যে কোন প্রতীকার নেই।'

প্রবোধ কহিল, 'সে কথা পরে হবে, এখন আসন্ন বিপদের  
জ্ঞান প্রস্তুত থাকো, সেই কথাই বলতে এলাম। আমি যাই,  
খাওয়া দাওয়া সেরে আসছি' বলিয়া সে প্রস্থান করিল।

নয়ন বৌ ধীরে ধীরে গোপালের নিকটে আসিয়া কহিল,  
'তোমাদের এত পরামর্শ কিসের?'

পরামর্শ একটু ছিল, সে তোমার গুনে কাজ নেই।' বলিয়া  
গোপাল চিন্তিত মনে অন্তর্দিকে চাহিয়া রহিল।

নয়ন বৌ কিছুক্ষণ নীরব থাকিয়া কহিল, 'ও-পাড়ায় যে  
গেলে, তার কি হল?'

'কই, কিছুই হলো না। একবার দেখে আসা দরকার বলেই  
ঘটকের সঙ্গে গিয়াছিলাম।'

কয়েক মুহূর্ত মৌন থাকিয়া সে কহিল, 'এ তোমায় বলে রাখছি নয়ন, উপযুক্ত পাত্র ছাড়া, উষাকে আমি বিয়ে দিতে পারব না।'

নয়ন বৌ মুছকণ্ঠে ধীরে ধীরে কহিল, 'দেখ, তোমাকে একটা কথা জিজ্ঞেস করব বলে ক'দিন থেকে ভাবছি।'

গোপাল কহিল, 'তোমার মনের কথা স্বচ্ছন্দে আমায় বলতে পার। তোমার কোন কথা বা ইচ্ছার বিরুদ্ধে কখনও কোন কথা ত' বলিনি নয়ন!'

নয়ন বৌ বলিতে লাগিল, 'দেখ, আমার ইচ্ছে, বিজনের সঙ্গে উষার বিয়ে দি। বিজনকে আমি এতদিন দেখে আসছি, তার হাতে উষাকে দিয়ে আমি নিশ্চিত হতে পারব। লেখা, পড়া ও স্বভাব চরিত্রে বিজন চিরকালই ভাল। আর সে ত' তোমারই ছাত্র, ওদের অবস্থাও বেশ সচ্ছল, সব দিক দিয়েই বিজনকে উপযুক্ত পাত্র বলে আমার মনে হয়। তোমার কি মত?'

গোপাল হাসিয়া কহিল, 'মত ত' আমার ভিন্ন হ'তে পারে না। তবে ওর মা বাপের মতটা যে আগে জানা দরকার।'

নয়ন বৌ কহিল, 'তোমরা বেটাছেলে, তার ভার তোমার ওপর।'

গোপাল অন্তমনস্কভাবে উত্তর করিল, 'আচ্ছা দেখি।'

নয়ন বৌ কি কাজে উঠিয়া অন্তরের দিকে প্রস্থান করিল।

বাহিরে তখন প্রকৃতির চারিদিকে অন্ধকার গাঢ় হইয়া জমিয়া উঠিতেছিল। বিভিন্ন অবিরাম কর্কশ-ধ্বনি ঘন অন্ধকারের বুক ভরিয়া তুলিতেছিল। জোনাকির স্নান আলোটুকু ইতঃস্তুত জ্বলিতেছিল—আবার নিভিতেছিল। দিবসের শান্ত কোলাহল—অন্ধকার-আবরণের অন্তরালে ধীরে ধীরে নিঃশেষ হইয়া, স্তব্ধ হইয়া আসিতেছিল।

গোপাল এতক্ষণ বাহিরে বসিয়াছিল। বিভিন্ন চিন্তার ঘাত-প্রতিঘাতে সে সেই সময় দেশ কাল বিস্মৃত হইয়া গিয়াছিল। বাহিরের অন্ধকারের দিকে চাহিয়া, সে ত্রাস্তে উঠিয়া পড়িল এবং ধীরে ধীরে আপনার শয়নকক্ষে প্রবেশ করিয়া তাহার বহুদিনের পুরাতন বিশ্বস্ত লাঠি গাছটীকে যেন সচেতন করিবার জন্য দৃঢ় মুষ্টিতে ধারণ করিয়া নিনিমেষে নয়নে তাহার পানে চাহিয়া রহিল। অতীত কালে নিজের এবং পরের কত ভীষণ বিপদের সম্মুখে এই লাঠি গাছটীকেই নির্ভর করিয়া বুক ফুলাইয়া সে দাঁড়াইয়াছে। তাহার বাহু-শক্তি এই লাঠি গাছটীকেই কেন্দ্র করিয়া নিরীহের উপর দুর্জনের অত্যাচারকে পরাহত ও বিদ্রুত করিয়াছে। আজ পুনরায় বিপদের সূচনা হওয়ার পূর্বে তাহার চির বিশ্বস্ত লাঠি গাছটীকে বন্ধুর মতই বক্ষের পাশে রাখিয়া ধীরে ধীরে বাহিরের বারান্দায় ফিরিয়া আসিয়া মাদুরের উপর উপবেশন করিল।

নয়ন বোঁ কিছুকাল পরে আসিয়া জানাইল, 'আহার প্রস্তুত।'

গোপাল কহিল, 'তুমি আর উষা খেয়ে নাও, আমি একটু পরে খাব, প্রবোধের আসবার কথা আছে, তার জন্তে অপেক্ষা করছি।'

নয়ন বৌ ফিরিতেছিল, হঠাৎ স্বামীর পাশে লাঠি গাছটাকে দেখিয়া সে উৎকণ্ঠিত স্বরে জিজ্ঞাসা করিল, 'আবার লাঠি বার করেছ! তোমার পাশে ওকে দেখলে বড় ভয় করে। কি হয়েছে বল না শুন' বন্দিয়া সে বসিবার উপক্রম করিতেই গম্ভীর কণ্ঠে গোপাল কহিল, 'তোমরা খেয়ে-দেয়ে বিশ্রাম করগে। এখন তোমায় আমি কিছু বলতে পারব না।' স্বামীর এইরূপ উত্তরে তাহার অন্তরখানি এক অজানিত আশঙ্কায় ভরিয়া উঠিল।

নয়ন বৌ স্বামীর কথার কোন উত্তর না দিয়া ভারাক্রান্ত অন্তরে—অন্দের দিকে চলিয়া গেল। কিছুকাল পরেই প্রবোধ গোপালের নিকট আসিলে, দুই জনে নানারূপ পরামর্শে রত হইল।

### চতুর্দশ পরিচ্ছেদ

রাত্রি যখন প্রায় দুইটা, তখন হঠাৎ গোপালের বাড়ীর সম্মুখে ভীষণ গোলমাল আরম্ভ হইল। ধর, পাকড়াও, মার

ইত্যাদি শব্দে পল্লীবাসী সচকিত হইয়া উঠিল। গোলমাল কিয়ৎ পরিমাণে থামিলে জানা গেল—জনাই, রমাই প্রভৃতি গোপালের বাড়ীতে ডাকাতি করিতে আসিয়াছিল। পুলিশ-প্রহরী তাহাদিগকে সদলবলে ধরিয়া ফেলিয়াছে। গোপালের বাড়ীর সম্মুখে তখন ভীষণ জনতা শৃঙ্খলাবদ্ধ জনাইয়ের দলকে লইয়া ব্যস্ত। এইরূপ সময় কয়েকজন ‘আগুন’ ‘আগুন’ বলিয়া চীৎকার করিয়া উঠিল। দেখা গেল, ঘোষালের বাড়ীর পশ্চাতে আগুন লাগিয়াছে। জনাইয়ের দলকে কড়া পাহারায় রাখিয়া সকলে বাড়ীর পশ্চাৎ দিকে যাইতেই অনেকে দেখিল, এক মনুষ্য মূর্তি বাড়ীর পশ্চাতে বনের ভিতর দিয়া পলাইবার উপক্রম করিতেছে। সমাগত লোকদিগের মধ্য হইতে প্রবোধ ছুটিয়া মনুষ্য মূর্তির অনুসরণ করিল এবং অল্পক্ষণের মধ্যেই তাহাকে ধরিয়া গোপালের বাড়ীর সম্মুখে আনয়ন করিলে দেখা গেল, মনুষ্য মূর্তি আর কেহ নহে—স্বনামধন্বা রজনী।

এদিকে অগ্নি ভীষণ ভাব ধারণ করিয়া বিশেষ ক্ষতি করিবার পূর্বে সমবেত সকলে তাহা নিবাইয়া দিতে সক্ষম হইয়াছিল।

তখন সকলে মিলিয়া রজনীকে জেরায়-জেরায় অস্থির করিয়া তুলিল—‘তুমি কেন আসিয়াছিলে? বাড়ীর পশ্চাৎ দিকে তোমার কি কাজ, পলাইতেছিলে কেন?’—ইত্যাদি ইত্যাদি। রজনী নিতান্ত নিরীহের মতন উত্তর করিল যে, গোলমাল শুনিয়া এবং বাড়ীর সম্মুখে জনতা দেখিয়া সে



খড়কীর ছয়ার দিয়া বাড়ীর স্থানলোকদিগের নিকট হইতে গোপালমালের কারণ জানিতে গিয়াছিল, প্রবোধ তাহাকে অন্তায় ভাবে ধরিয়া অপমানিত করিয়াছে।

জনাই তাহা শুনিয়া চাঁৎকার করিয়া বলিয়া উঠিল, ‘ওর হবার অপমান! ওই ত’ আমাদের লোভ দেখিয়ে গোপাল বোসের বাড়ী ডাকাতির মতলব দিয়েছে।’ বলিয়া সে রনাই প্রভৃতির দিকে লক্ষ্য করিয়া কহিল, ‘কেমন কিনা, তোরাই বল না রে?’ সকলে একবাক্যে বলিল, ‘ওরই মতলবে ত’ আজ এখানে এসে ধরা পড়লুম। ছাড়া পেলে এখনই এ মাগীর নাক, আর কান দুটো কামড়ে ছিড়ে ফেলে দি।’

উপস্থিত গ্রামবাসীরা উচ্চৈশ্বরে হাসিয়া উঠিল!

দারোগাবাবু গোপালের নিকট উপস্থিত হইয়া কহিলেন, ‘আপনার বাড়ীতে ডাকাতি হবার সংবাদ পূর্বে পেয়ে আমি বদমায়েসদের ধরবার স্বেযোগ পেয়েছি। আমি বিলম্ব করতে পারব না। এদের নিয়ে আমি থানায় চল্লাম’ বলিয়া তিনি প্রহরীদিগকে আসামীদের লইয়া থানায় বাইতে আদেশ দিলেন।

পর দিন প্রভাতেই প্রবোধ গোপালকে কহিল, ‘মানুষের মত মানুষ থাকলে জনাই এতদিন সমাজের ভেতর থেকে মাথা নাড়তে পারত না এইটেই আমরা ভাল ক’রে বুঝিয়ে দিলাম। এখন কথা হচ্ছে, উষার বিয়ে। আমার মত যে, তুমি যত শীঘ্র পার ওর বিয়ে দেবার চেষ্টা কর—আমিও দেখছি এদিকে।’

গোপাল উত্তর দিল, 'উষার বিয়ের' সম্বন্ধে তুমি নয়ন বউয়ের সঙ্গে পরামর্শ করে যা বোঝ, কর—তার ইচ্ছে, বিজনের সঙ্গে উষার বিয়ে হয়।'

প্রবোধ মৃদু হাসিয়া কহিল, 'ওঃ, এই? আচ্ছা দেখি, কি বলেন বউদিদি' বলিয়া অন্তরের দিকে প্রস্থান করিল।

রাত্রি জাগরণ-ক্লান্ত নয়ন বৌ ঘরের এক কোণে বসিয়া পূর্ব রাত্রির ঘটনা সকল স্মরণপথে আনিবার চেষ্টা করিতেছিল। প্রবোধ ঘরে প্রবেশ করিতেই নয়ন বৌ মস্তকে অবগুণ্ঠন টানিয়া দিয়া গম্ভীর ভাবে কহিল, 'খুব দেখলুম ঠাকুরপো তোমার দেশের'.....

প্রবোধ কহিল, 'আর আমরা যা দেখলুম, তা বুঝি মনে ধরলো না?'

নয়ন বৌ মৃদু হাসিয়া বলিল, 'সেই কথাই ভাবছিলুম এতক্ষণ।'

প্রবোধ কহিল, 'কিন্তু আমরা সে ভাবনা অনেকটা ছেড়ে দিয়েছি। বাজে জিনিস' ভেবে আমরা মাথা নষ্ট করি না। আমি ভাবছি এখন উষার বিয়ের কথা। এইবার উষার বিয়ে দিয়ে আমরা নিশ্চিন্ত হবো। শুনলুম, তুমি নাকি বিজনের সঙ্গে উষার বিয়ে দেবে ঠিক করেছে?'

নয়ন বৌ কহিল, 'ঠিক কিছু করিনি, তবে মনে করেছি। মতক্ষণ না তার বাপ মায়ের মত হয় ততক্ষণ এর কিছুই ঠিক হতে পারে না।'

প্রবোধ কহিল, 'আচ্ছা, তবে তাঁদের মত করবার ভার আমিই নিলাম।'

নয়ন বৌ, 'তা হলে ত' ভালই হয়। তোমরা একটু উঠে পড়ে লাগ না ঠাকুরপো।'

'সে তোমায় বলতে হবে না বৌদি। আচ্ছা, আমি তবে এখন আসি, তোমরা রোজ যেমন কাজকর্ম কর, আজকেও তেমনি ভাবে করে যাও। মনে ক'রো, যেন কিছুই ঘটেনি। বলিয়া প্রবোধ চলিয়া গেল।

সেইদিন বৈকালেই প্রবোধ হাসিমুখে নয়ন বৌ'র নিকট আসিয়া কহিল, 'তাঁদের কখনও অগত হতে পারে?'

নয়ন বৌ হাসিতে হাসিতে কহিল, 'কাদের গো?'

প্রবোধ কহিল, 'কাদের আবার? বিজনের বাপ মা দুজনেরই। তাঁদের মত করিয়ে তবে আমি এইখানে তোমাদের খবর দিতে এলাম।'

উল্লিখিত ঘটনার প্রায় দুইমাস পরে উষার সহিত বিজনের শুভবিবাহ সম্পন্ন হইয়াছিল।

বিচারে তাহাদের ডাকতি প্রমাণ হওয়ায়—জনাই প্রভৃতি সশ্রম কাবাদগের আদেশে আদিষ্ট হইয়া জেলে প্রেরিত হইয়াছিল। রজনীও দণ্ডদেশ হইতে অব্যাহতি পায় নাই।

যতদিন জনাই প্রভৃতি নিঃসঙ্কচিত্তে গ্রামে ঘুরিয়া বেড়াইত, নিরীহ সকলে ভয়ে তাহার বিরুদ্ধে কোন কথা বলিতে সাহস করিত না। যাহারা কাহারও কিছু অনিষ্ট বা সর্বনাশের

চেষ্টায় থাকিত, জনাই ছিল তাহাদের ভরসা। জনাইয়ের কারাদণ্ডাদেশে গ্রামে অনেক পরিমাণে শান্তি স্থাপিত হইল। কারণ, নিরীহ সকলে স্বচ্ছন্দচিত্তে গ্রামের ভিতরে আপনার এবং পরের কাজ নির্বেদে করিবার অবসর পাইল। যাহারা দুষ্ট প্রকৃতি, তাহারা জনাইয়ের সাহায্য হইতে বঞ্চিত হইয়া, যাহারা কিছু ভাল তাহাদের বিরুদ্ধে কাজ করিবার সোভাগ্য হারাইল।

গোপাল এবং গোপালের ছাত্রের দল প্রবোধের সহায়তায় গ্রামের ভিতরে তদনুষ্ঠানের প্রতিষ্ঠায় তাহাদিগের সকল প্রচেষ্টা নিযুক্ত করিল। এমনই করিয়া দিনের পর দিন গ্রামের উন্নতি, পরোপকার, লোকহিতকর অনুষ্ঠান করিয়া তাহারা অচিরেই গ্রামের সাধারণের শ্রদ্ধা ভক্তি আকর্ষণ করিতে সক্ষম হইল। গোপালের কন্যার সহিত বিবাহ সম্বন্ধ উত্থাপিত হওয়ায় বিজনের পিতা মাতা প্রথমে সর্বান্তঃকরণে অনুমতি না দিলেও শেষে গ্রামের ভিতরে গোপালের ক্রিয়া কলাপাদি দেখিয়া এবং তাহার গুণসকল স্বচক্ষে দেখিয়া এবং বুঝিয়া তাহার কন্যাকে গৃহলক্ষ্মীরূপে বরণ করিতে কোন প্রকারে অমত করিতে পারিলেন না।

বিবাহক্রিয়া-সম্পন্ন হইয়া গেলে নয়ন বৌ—গোপাল এবং প্রবোধকে সজল চক্ষে কহিল, ‘মনের মতন পাত্রের হাতে উষাকে দিতে পেরেছি বলে কেবলই আমার মনে হয়, ভগবানের কৃপা থেকে আমি কখনও বঞ্চিত হব না’।

প্রবোধ কহিল, 'ঐ বিশ্বাসটুকু আছে বলেই কোন বিপদকে কখন গ্রাহ্য করিনি।'

গোপাল কহিল, 'মায়ের আমার বিয়ে দিয়ে সংসারের কাছে হিসেব নিকেশ চুকিয়েছি। এক নয়ন বৌ—তার জন্ম আমি কোন দিন ভাবি না। এখন বাইরে কাঁপিয়ে পড়েছি। সেখানে কোন বাধা বিঘ্ন আর আমার শক্তিকে পরাস্ত করতে পারবে না।'



## উজ্জ্বল পরিচ্ছেদ

• • • • •

তাহাদিগের মধ্যে যখন এইরূপ কথাবার্তা হইতেছিল, তখন পল্লীর আর একদিকে একটি বাড়ীর একখানি গৃহে বিজন উষাকে কহিতেছিল, ‘আমার জন্তেই ত’ তোমাদের এত কষ্টভোগ করতে হ’লো।’

উষা স্বামীর মুখে হাত রাখিয়া তাহার কথায় বাধা দিয়া কহিল, ‘আবার ওকথা বলছো? তুমি আমাদের বিপদের কারণ, না সম্পদের কারণ? তুমি আমাকে পায়ে স্থান দেবার পর থেকেই, দেখনি কি যে, এ গ্রাম দিনের পর দিন কেমন উন্নতির দিকে এগিয়ে চলেছে। আর ত’ কোথাও কোন গোলমাল নেই! চারিদিকে কেমন সুখ, শান্তি। এর কারণ কি জান?—তুমি!’

ইহা শুনিতে শুনিতে বিজন তাহাকে দুই হস্তে আলিঙ্গন করিয়া বুকের নিকট টানিয়া আনিবার পূর্বেই—গলায় আঁচল দিয়া উষা স্বামীর পায়ের উপর মাথা রাখিয়া প্রণাম করিল।

অস্মৃত

তমসচ্ছন্ন উপন্যাস-সাহিত্যাকাশে  
বিদ্যুত বিকাশ!

?

— নবাব আলীবর্দীর স্নেহ-পুত্রজি —

বাংলা-মসনদের সোখীন-আলাল—  
বাংলা-বিহার-উড়িষ্যার—নবাব-দুলাল  
নবাব-ভক্তের বনিয়াদি নবাব

— সেই —

নবাব সিরাজউদ্দৌলা !!!

‘কমলিনীর’—‘রাজপুত্রের মেয়ে’ প্রণেতা

শ্রীযুক্ত প্রমথনাথ চট্টোপাধ্যায়ের সাধের রচনা

চিত্রবহুল নবাবী-উপাখ্যান

— নবাব —

সিরাজউদ্দৌলা

বিশ্ব-বিশ্রুত-চিত্র-শিল্পীগণের

বিশ্ববিমোহন চিত্রাবলী ভূষিত হইয়া

শীঘ্রই প্রকাশিত হইবে।

প্রেম-রঙ্গ-তরঙ্গায়িত উপন্যাস-প্লাবিত বঙ্গে—  
ধর্মসঙ্গত—পরিপূর্ণাঙ্গ-সংসাহিত্য আজ  
উপন্যাসের পৃষ্ঠায় পৃষ্ঠায় সু-প্রচারিত !

পরিব্রাজক—শ্রীভিক্ষু অকিঞ্চনের  
প্রাণপাত পরিশ্রমে প্রস্তুত সংসাহিত্য-রসকরা—  
বাখাদিনী বীণাশানির প্রসাদি সাহিত্য-পায়সান্ন  
—আজ—

সং-সাহিত্যামোদী ভক্তবৃন্দের পংক্তিতে পংক্তিতে  
অপল্লিষ্যাণ্ড পরিবেশিত !

সে আবার কি ?

## স্বামী-তীর্থ

যত ইচ্ছা, এ সাহিত্য-অন্নত  
পান করিয়া যুগে যুগে অমর হইয়া থাকুন, কিন্তু সাবধান,  
এ অন্নত ঘেন মাটিতে না পড়ে ।

—কারণ—

সাহিত্য-সম্রাট বঙ্কিমচন্দ্র ও দার্শনিক পণ্ডিত সুরেন্দ্রমোহন  
ভট্টাচার্যের পর—উপন্যাস-সাহিত্য-ক্ষেত্রে “স্বামীতীর্থের” উপমা—  
‘গঙ্গাজলে’ গঙ্গাপূজার মত কেবল “স্বামীতীর্থ” উপন্যাস পাঠেই হইবে,  
নচেৎ, কথার শক্তি নাই, বুঝাতে ইহান্ন !

হিন্দু মাত্রেই “স্বামীতীর্থ” পাঠের একান্ত প্রয়োজন হইলেও  
পয়সা খরচ করিতে নারাজ—অথচ পাঠেচ্ছা-প্রবল সাহিত্যামোদীগণ,  
স্থানীয় লাইব্রেরী হইতে চাহিয়া লইয়াও একবার পড়িবেন,  
ইহাই প্রকাশকের বিনীত অনুরোধ । ভারতের সমস্ত পুস্তকালয়ে  
প্রাপ্তব্য ।



নির্মল-সাহিত্য-পীঠের নূতন গ্রন্থ  
রেলওয়ে সিরিজ !

— প্রথম গ্রন্থ —

শ্রীমতী চারুশীলা মিত্রের

# হিন্দু-নারী

জাহ্নবী-যমুনার মত দু'টি চক্ষের প্রীতিধারায় বইখানির লেখা শেষ হইয়াছে। আরম্ভের দিকের পরিচয়ে গ্রন্থকর্ত্রী সুলেখিকা শ্রীযুক্তা চারুশীলা মিত্র মহোদয়ার নামই আড়ম্বরপূর্ণ অতিরঞ্জিত বিজ্ঞাপনের অপেক্ষা অধিক কাজ করিবে, আর এই গ্রন্থের মূল উদ্দেশ্য ও মধ্যভাগের রচনা-কৌশল পড়িয়া পাঠকপাঠিকা, বলুন ত, এই ধরনের উপগ্রাস আপনি মোট ক'খানি পড়িবার স্তযোগ জীবনে পাইয়াছেন? মহিলা-সাহিত্যের পর্দানমীন-আসরে এই গ্রন্থকর্ত্রীর আসন আপনারা কোথায় নির্দেশ করিলেন, পাঠাচ্ছে “হিন্দু-নারীর” প্রত্যেক পাঠক পাঠিকাকে সরল সত্য কথায় “নির্মল-সাহিত্য-পীঠে” জানাইতে হইবে, এইটুকুই আপনাদের নিকট প্রকাশকের বিনাত অনুরোধ! ইতিমধ্যেই হিমালয় হইতে কুমারীকা পর্য্যন্ত এই বইখানির নাম সকলের মুখস্থ হইয়া গিয়াছে—

হিন্দু-নারী!

হিন্দু-নারী!!

রোমাঞ্চকর ডিটে কৃতিত উপন্যাস—‘মিলন-রাত্রি !’

মহিলা-মনোহারিণী স্নলেখিকা

শ্রীমতী কমলাবালা দেবী বিরচিত

# মিলন-রাত্রি

মহিলা-মনোমন্দিরে—মন্দিরা-মন্ড্রে—মোহন-সুন্দরে

সুন্দরী মোহিনী মিলনের এক রাত্রি ;—

## মিলন-রাত্রি

এ ফুল-নিশীথে—ধরি হাতে হাতে—জীবনের পথে

মিলিয়া মিশিয়া—সুখী হও ! জাননা ?—এ যে মিলন-প্ৰণিমা !

‘বৃষ্টি এমনি নিশীথে সহ’রে,  
প্রথম প্রণয়ী ধরে প্রিয়া কর,  
প্রথম পিকের জাগে কুহ স্বর  
প্রথম বাঁশীর রাধা রাধা স্বর  
কুঞ্জ-কুটীরে ফুকারে !’

কে কোথায় আছ মিলন-রাত্রির আনন্দ-যাত্রী, এ শুভ যাত্রায়  
সাথী হও ! আমরা শুভ-মিলনের চাকু-ফুলতরী খুলিয়া দিয়াছি,—

আল্ল বিলম্বে কাজ কি ?

দীর্ঘ বিরহের পর মিলনানন্দের আরামপ্রদস্থানে শরীর রোমাঞ্চ  
হইবার সঙ্গে সঙ্গে মূহুর্তে পরিবর্তনশীল উপন্যাসের পৃষ্ঠা;—সৌখীন-  
গোয়েন্দার বিভীষিকাময়ী বন্দী-বন্ধনে—পাঠকের মগজের রক্ত  
চল্কাইয়া দিবে—এমনি লেখিকার লিপি-চাতুর্য্য !!









